

13 14 K
JUGULUM CAUSÆ,


S E U *SE*

**Nova, Unica, Compendiaria, & unâ prope-
modum periodo comprehensa, Ratio :**

Per quam

**Totus doctrinarum Romanensium complexus,
de quibus lis est inter Protestantes & Ponti-
ficios; & unâ Papa, ejusque imperium,
funditus evertuntur.**

Veritas odium parit.



Greg. I. Homil. 7. in Ezech.

*Si de veritate Scandalum sumitur, utilius per-
mittitur nasci Scandalum, quàm ut Veritas
relinquatur.*



**Juxta Exemplar Londinense,
Anno 1671.**

13 14 . K . 4

(3)

I.



Potentissimo & Serenissimo
Angliæ, Scotiæ, Fran-
ciæ, & Hiberniæ Regi,
CAROLO II. Fidei De-
fensori, &c.



Ecce nova Ratio
(Rex Maxime) Pa-
pam, ejusque impe-
rium, tum Eccle-
siam & Religionem
Romanensem evertendi, à De-
cessore Tuo *Henrico VIII.* inchoa-
ta, à Successoribus, *Edoardo VI.*
Elizabetha, *Jacobo I.* & *Carolo I.* au-
cta; à Sacra Tua Majestate ul-
terius

terius provecta; at demum à me
 primùm Scripto comprehensa,
 non debuit sub alio Defensore &
 vindice, quàm Sacra Tua Ma-
 jestate apparere, contra Ro-
 mam, totis animis, lacertis &
 armis in me ruituram, nec pro-
 culdubiò laturam sine ira & odio
 tantum veritatis titulo ipso libri
 præferri & promitti; ac dein-
 cept corpore dissertationis pa-
 lam fieri. Eòque magis prope-
 rat hæc opella sub Tuo Au-
 gusto Nomine prodire, quod ejus
 author in bonas spes sit pertinax,
 futurum, ut exemplo Sacratissi-
 morum Capitem, quæ jam se-
 culum integrum, & quod excur-
 rit, orbi Tuo Britannico præ-
 fuerunt, Tuoque imprimis, ex-
 citentur mundi Monarchæ, qui
 Papam adorant & ejus vestigia
 lambunt, ut juxta illam Ratio-
 nem,

nem, quam exhibemus, tandem se exolvant fraude illâ vocabulorum *Ecclesiæ, Pontificis Maximi, Sanctitatis, Potestatis Ecclesiasticæ & Spiritualis*, quo involucro, rectorio & mangonio, Papa jam octingentos annos, illis fucavit & obduxit suum imperium terrenum, quod in hosce Unctos Domini injustâ & iniquâ vendicatione & occupatione extruxit & ædificavit.

Sed, nec in eam spem solummodò properat labor meus per Tuam Majestatem innotescere Regibus, qui se in clientelam Papæ dederunt, sed & ut accedat Tuæ Magnæ Britannix, hic fructus longé uberrimus, quem juxta diagramma nostræ dissertationis promovendo instas, nempe ut Tua, & Ecclesia & Respublica, in unum corpus aliquando

coalescant, sub Te omnium Regum qui Papæ jugum excusserunt Potentissimo, & nulli præterquam Deo (multò minus Papæ) rationibus reddendis obnoxio: Eoque solo & unico capite & gubernatore Ecclesiæ Britannicæ; tum ut fiat litium & legum, ut in optima republica, compendium; tum id maximè, quod omnes boni, arrectis animis, & ardentibus votis, eoque nomine in sinu gaudent, Te facturum sibi spondent, sperant & exoptant, ut in religionis negotio populus tuus rectè credendi & facienda potius incutias voluntatem, quàm imponas necessitatem; ut non expatier in omnia commoda, quæ accederent ex nostra opella, quæ planè refert venam metallicam, cujus fructus, non in summo, sed in imo largiùs respondet

det alté fodienti : ut non verear
affirmare illam suâ utilitate cer-
tare cum quaquam commenta-
tione, quæ non est de fide; ut quæ
semel cognita, comperta & ar-
repta, plus unâ, aut horâ, aut
schedulâ perficeret, non solum
ad Papam, ejus imperium, to-
tumque religionis Romanæ &
missaricum apparatus diruen-
dum, sed & ad reconciliandos in
Europa (Anglia imprimis) inter
se collisos Protestantes, circa
modum in Sacris, aut imperii,
aut obsequii, quàm hætenus
toto seculo factum est, ab im-
menso agmine doctorum, cum
in orbe Christiano, tum maxi-
me in Tuo, haud absimilium
turbæ illi promiscuæ in Actis
Apostolorum, cujus variis &
dissonis clamoribus & sensibus
fiebat, ut nec ipsa se, nec alii eam

intelligerent: quò magis jucundâ
 hâc me sustento spe, fore ut per
 rationem propositam in nostra
 dissertatione, omnia illa examina
 velut exiguo pulveris jactu con-
 fidant & conquiescant: nec Am-
 plissimi Antistites, non reveren-
 di Presbyteri Ecclesiæ Anglica-
 næ, imo ne qui sensibus ab illis
 abeunt, quosque invidiosis (proh
 dolor!) appellationibus vulgus
 in Presbyterianos & Independen-
 tes discriminat, refragentur, no-
 stræ unâ periodo comprehensæ
 Rationi Papam debellandi, un-
 de tot emolumenta in subditos
 Vestræ Sacræ Majestatis sunt re-
 dundatura.

Deum humillimè & venera-
 bundè precor, ut animum det
 Tuæ Majestati, hanc rationem
 nostram, cum instillandi extra
 Angliam terrarum Monarchis &
 Dynastis,

Dynastis, quos Papa sibi man-
cipavit; tum ineundi intra An-
gliam, in ordine ad Res bené &
feliciter in Ecclesia Tua compo-
nendas & constituendas : at isti
animo quam longissimum tem-
pus indulgeat.

EX-

EXCUSATIO.

Cum sit mihi consilium singulos compellare, quos mihi dispicio Lectores, viros quocunque modo illustres & Principes, genere, muneribus, virtute & eruditione; nec tamen forsan eo ordine, aut scamni quod premunt, aut stationis quam sustinent in hoc mundi theatro; rogatos velim, ut mihi meam ignorantiam artis Scutatoriae condonent; tum si omnibus ex æquo, etiam viris qui in altioribus sellis confident præpono humiliorem, sed amicissimum caput, æqualem meum; per quem debui exhibere conspectum totius operis, & interpretationem tituli.

IN-

INTERPRETATIO

TITULI,

Et Conspectus totius Operis,
ad Eximium & Præstantis-
simum virum.

D. Johannem Vauquelinum.

CUm jam certus sim de mea Epistola
Nuncupatoria, quod à nemine, mul-
tò minus à Potentissimo Rege, cui dica-
tur & consecratur totum opus, legetur,
ut mundi Monarchis & Sacris illis capi-
tibus, non vacat descendere ad has cu-
ras: possem hanc mei fiduciam habere,
ut aliqua epistola ad lectorem, de more
subjunctæ epistolæ nuncupatoriæ, à pluri-
bus legeretur. Verùm & illam quoque,
cum habeam compertum vix à quoquam
legi, ut, quod omnes pariter curant, omnes
pariter negligunt; commodum duxi te
amicissimum caput dispicere lectorem
meum, per quem forsàn alii præmone-
rentur, aliquid in illa esse scitu dig-
num, ob quod aliàs, alia curantes, aut
aliò properantes, non inhiherent suam
festi-

festinationem , ut vel hanc admonitionem , multò minus opus ipsum , minimo oculorum conjectu dignarentur : hanc ergo tibi sume admonitionem , in qua consilium est me expurgare de libri titulo , quasi nimiam mei fiduciam & temerario ausu , titulo tumente , ostentaverim ; me effecturum quod reipsa non præstiterim : nam , ausum affirmare opus meum plus etiam in recessu habere quàm in fronte promittit , ut in hoc non opus sit modum aut temperamentum asserere per vocem propemodum ; cum revera , si rationi meæ veritas constat , unâ periodo circumscriptur ; adeoque nemo mihi objiciat illud Horatianum.

Quid dignum tanto feret hic promissor hiatu ?

Parturiunt montes , nascetur ridiculus mus.

Nemo certè , nam en Rhodus , en saltus ; en proposita & promissa à me Ratio unâ periodo comprehensa ; nec tam longâ , ut sit de Asiaticis illis , quæ non nisi tribus aut quatuor spiritibus ductibus evolvi possint , quamque fidei causâ hic appono.

Si quis demat à Papæ imperio terreno,

reno , quod sibi struxit in populos & terrarum dominos , imperio sané , pompâ , robore & divitiis florenti & magnifico , & quo fidem creat & auctoritatem conciliat Transubstantiationi , Purgatorio , cæterisque Romanensibus doctrinis , apud omnes ordines hominum , qui Papæ & Religioni Romanæ nomen dederunt ; Si quis , inquam ab eo imperio demat vocabula *Ecclesiastici* & *Spiritualis* , quibus tanquam involucro & tectorio fucat & acceptum reddit illud imperium , imprimis Regibus , Principibus , & Potestatibus secularibus ; hos , simulac errore illo fucoque vocabulorum exoluti erunt , non diu laturos , sed statim everfuros comparem & consortem (an potius dominum) imperii & unâ totum systema Ecclesiæ , doctrinarum & traditionum Romanensium , quæ sub umbra fucati illius imperii securé conquiescunt , & vitam ac spiritum ducunt , diruturos & excissuros .

Hæc est Ratio non propemodum unâ , sed reverà unâ periodo comprehensa , per quam semel intellectam , probatam & avidè arreptam , usurpatamque à Protestantium Antistitibus , totum doctrinarum
Roma-

Romanensium Systema de quibus lis est inter Protestantos & Pontificios, ipse Papa & Papismus, atque imperium Papale, facili negotio evertuntur: atque hæc Ratio unâ periodo comprehensa docet Jugulum causæ non esse, sed inanis confutare Romanenses doctrinas, de quibus lis est cum Protestantibus, sed avellere & detrudere larvam illam quâ Papa suum Imperium fucat; unde futurum est ut statim sine sanguine & armis ruat, & unâ totum systema doctrinarum Romanensium ipsaque Ecclesia & religio Romana, quibus omnis authoritas, gratia, amor aut terror, veneratioque conciliantur ab illa Imperio Papæ terreno in Reges & populos. Ut jam hæc pericope debeat, non solum sustentare meam fidem si dubia est per titulum Libri impensius specie promittentis, quam exitu præstare possit, sed & potius hujus astruere modestiam, quam damnare arrogantiam.

De hisce habebam lectorem meum præmonendum, te imprimis, in cujus, ut amore, sic in judicio semper triumphavi, & etiamnum triumpho, neminem cognoscens, qui defæcatori & subactiori judicio; tum amiciori & candidiori pectore velit aut possit, de tota rei summa
quam

quam tracto sententiam ferre, pronun-
ciareque concordetne opus meum, cum
libri epigraphe, an verò ab ea discordet;
& cui imprimis debetur quicquid in ea
materia, aut illino chartis, aut publici
juris facio: nam cum id studiorum ge-
nus, quod totos hosce viginti annos ex-
colui, tibi imprimis probatum fuerit;
tum ad ulterius ornandum & perpolien-
dum, acerrimam semper faciem præule-
ris; æquum existimavi, ut ejus fructus
& operæ meæ pretium, quod est hoc Ju-
gulum Causæ, tuo judicio subjiciatur.
In quo quidem jugulo, Vir amicissime,
Cornicum oculos configo: imprimis di-
gitum intendo in eam Papismi & Corporis
Romanensis partem, quâ solâ Roma est
penetrabilis & mortalis: ulcus retexo,
quod ut solenne est morbo, quem Medi-
corum filii vocant Noli me tangere, vel
leviter, multò magis curatius, ut debui
attrectatum, allaturum est exitium Papæ:
Id ulceris est Mysterium iniquitatis, de
quo Sanctus Paulus loquitur secundo ca-
pite secundæ ad Thessalonicenses, cujus-
que naturam longè aliam esse doceo, quàm
vulgò creditum est à viris piis & doctis,
& usque adeo utilem, ut pronunciare non
verear apprimè cognitu necessarium esse
secun-

secundum mysterium pietatis, si non ad salutem, saltem ad compendium controuersarum, quæ nobis sunt cum Pontificiis, earumque enodationem, atque ad ulteriorem notitiam, Divini, humanique juris, dicendi & scribendi segetem uberrimam, quâ mens pariter & oratio insurgunt. Etenim sacra Scriptura, nostræ cognitioni subjicit duo Mysteria; alterum Iniquitatis, alterum Pietatis: Hoc quidem, quod est Deus carne indutus, & sub specie peccati, author salutis credentibus in eum: Illud, quod est caro personata Spiritum mentiens, ac fucō vocabulorum, Papæ, Pontificis Maximi, Episcopi, Ecclesiæ, Potestatis Ecclesiasticæ & Spiritualis incrustata, sibi parans & struens imperium terrenum in populos & terrarum dominos; denique homo peccati, infallibilitatis mangonio & involucrio tectus, secum trahens cateruatim innumerabiles populos in gehennam, ut loquitur Canon Si Papa. Utrobique sunt sicut profunditates & recondita, hinc Satanae, illinc Dei. Quæ duo Mysteria supervacaneum puto, atque præter modum epistolæ, longiori sermone apud te harum rerum egregiè gnarum proseguî. Vale plurimum, cum ornatissimo viro
D, Car-

*D. Cartantio, muneris Sancti & quod
 una sanctissimè & concordibus animis
 sustinetis suavissimo consorti & symmy-
 ste, apud quem ut meas partes occupes,
 significando illi amorem quo eum colo;
 tum probando itidem illi hacce nostra,
 ut tibi esse grata confido, te etiam atque
 etiam rogo. Iterum vale. Datum Londini,
 anno Reparatae Salutis, 1676.*

E

RE.

RECENSIO

CAPITUM,

Cum Virorum ad quos Author
scribit, tum ipsius Operis.

1. **D**uci Buckinghamia.
2. **D**Comiti Bedfordia.
3. Comiti de Bridgewater.
4. Comiti de Manchester.
5. Comiti de Anglesey.
6. Comiti de Laderdail.
7. Vicecomiti Brouncker.
8. Episcopo Cestriensi.
9. Baroni Roberts.
10. Baroni Lucas.
11. Baroni Holles.
12. Baroni Ashley.
13. Jacobo Herbert.
14. Roberto Boyle.
15. Johanni Trevor.
16. Johanni Leyonbergh.
17. Guillelmo Areskino.
18. Roberto Moravio.
19. Jacobo Langhamo.
20. Edmundo Gotofredo.
21. Johanni Walisio.

22. Jo.

- 22. *Johanni Oweno.*
- 23. *Thomæ Barlow.*
- 24. *Thomæ Mantono.*
- 25. *Edoardo Stillingfleet.*
- 26. *Thomæ Coxe.*
- 27. *Jonathano Goddardo.*
- 28. *Johanni Sadlero.*
- 29. *Richardo Baxtero.*
- 30. *Thomæ Gouge.*
- 31. *Thomæ Coxe filio.*
- 32. *Jacobo Innessio.*
- 33. *Johanni Thornetono.*
- 34. *Comitissæ Huntingtoniæ.*

- 35. *Johanni Meerman.*
- 36. *Johanni Borelio.*
- 37. *Conrardo van Buningen.*
- 38. *Samueli Mareſſo.*
- 39. *Jacobo Gaillardo.*
- 40. *Isaaco Vossio.*

41. *Henrico Oldenburgio.*

- 42. *Marchioni de Ruigni.*
- 43. *Johanni Coladonio.*
- 44. *Valentino Conrardo.*
- 45. *Henrico Justello.*
- 46. *Petro Molineo.*
- 47. *Ludovico Herald.*

(20)

- 48. *Ludovico le Blanc.*
 - 49. *Johanni Claudio.*
 - 50. *Petro du Bosc.*
 - 51. *Davidi Primirosso.*
 - 52. *Danieli Russello.*
 - 53. *Guillielmo Sandano.*
 - 54. *D. Mettayeris.*
-

I N-

I N D E X

Et

S U M M A

C A P I T U M.

CAPUT. I.

Titulus Libri explicatiùs proponitur, & ejus veritas astruitur.

CAPUT. II.

Depulsio Præjudicii.

CAPUT. III.

Imperium à Papa habitum, jam per plura secula in Reges & nationes, est merè terrenum, & ejusdem naturæ atque Imperium Regum in suos subditos; quam ad fucum faciendum, illud retinuerit hætenus sub nomine Ecclesiæ Catholicæ & sub vocabulis Ecclesiastici & spiritualis.

CAPUT. IV.

Vinculum, quo ante Concilium Tridentinum, cum Clerus, tum Reges & populi alligabantur Papæ, non erat causa,

nec conscientia religionis , sed quæ omnes populos , obnoxios & subditos præstat suis dominis , eorumque imperio , divitiis , pompâ , ac fulgore suo florenti.

CAPUT. V.

Ex eo quod ante Concilium Tridentinum , nec certa , imò nec ulla extaret Regula fidei , conficitur , Religionem Romanam nuperam esse & demum cæpisse post Concilium Tridentinum ; ac proinde recentiore esse Luthero & Calvino , quorum fides & qui eam profiterentur semper extiterunt.

CAPUT. VI.

Sua cuique utilitas , studium partium , tum consuetudo obfirmata ; institutio à teneris , sed imprimis veneratio per quam homines etiam altioris intellectus reverentur quicquid est magnificum , & in alto fastigio positum , in causa sunt , cur populi tam tenaciter & religiosè addicti sunt Papæ & religioni quam approbat. Totum mundum exercere histrioniam , nihil uspiam simplex , nihil come , imprimis apud Pontificiorum Doctores & Antistites. Nec hac in parte culpâ vacuos nonnullos Protestantium , seu sint de sa-

cro

cro Ordine , seu de grege laico : nam & hi quoque , licet viri magni & eruditio-
ne præstantes sua cuique utilitate ducun-
tur & corrumpuntur.

CAPUT. VII.

Papæ & Romanenses Doctores, etiam subacti iudicii viri , eam fidem potius semper amplexi sunt, quæ facit ad augendam Papalis imperii dignitatem , & quæ temporari servit , quàm quia eam reverà , orthodoxam & veram esse crediderunt, cum orthodoxi plerumque fuerint , in illis dogmatibus quæ seria sunt , nec commo-
modo Papæ aut proprio compendio ser-
viunt ; verùm futilia quæque semper ar-
ripuerint , si modò consulunt Papæ ho-
nori & cum augenda re culinaria con-
iuncta sunt.

CAPUT. VIII.

Bellarminum in suis scriptis quandiu de Papa cogitavit , adeoque percussus fuit pompâ , fulgore, & divitiis Imperii Papalis , plerumque sua dogmata , ser-
mones, dicta, scripta inflexisse ad ejus fir-
mamentum & incrementum , ac proinde sepius impia & profana protulisse : at
quandoque oblitum , aut Papæ , aut puræ

*pura suæ , multa cum hisce pugnantiæ
inspersisse scriptis suis, quæ pia sunt, sana,
& orthodoxa.*

CAPUT. IX.

*Ejusdem culpæ esse affines doctores Ro-
manenses recentioris & temporis & ce-
lebritatis.*

CAPUT. X.

*Transubstantiationem , Purgatorium ,
Cultum imaginum & reliquas ejusdem
farinæ doctrinas Romanenses, suam non
habere auctoritatem apud Reges, Prin-
cipes & populos , imo nec apud Clerum
ab Ecclesia Romana, nec à Paparum san-
ctitate vitæ & doctrinæ, sed ab impe-
rio Papali, suâ potentiâ, divitiis & ful-
gore, aut terrorem, aut amorem conci-
liante.*

CAPUT. XI.

*Continuatio materiæ agitatæ superiori
capite : doceturque, ut solus Papa, nomine
Ecclesiæ Romanæ intelligendus est, ejusque
imperium terrenum, sic à solo imperio ter-
reno, robore & divitiis florenti conciliari
auctoritatem , omnibus Romanensibus
doctrinis , atque imprimis Transubstan-
tiationi.*

CA-

CAPUT. XII.

Infallibilitatem Papæ fidem invenire apud illos, qui juraverunt in ejus verba, ab ejus imperio terreno, divitiis, robore & pompâ illustri : caterum firmamentum Papæ & Ecclesiæ Romanæ deberi Papali imperio terreno, non verò ejus infallibilitati.

CAPUT. XIII.

Fraudem illam imperii Terreni, vocabulis Ecclesiastici & Spiritualis fucati, semper fuisse in reputatione Paparum & Papæ adulatorum, morbum qui apud Medicos vocatur Noli me tangere; & maximè semper veritum & vetitum, ne attingeretur, cum ab amicis, tum ab inimicis : in hosce ideo ferro & flammâ jugiter sevitum, quod hoc arcanum, atque hanc fraudem, aut detegerent, aut pertentarent : De illis verò perpetuum consilium fuisse, ut potius quamvis materiam tractarent, quam quæ tentat arcanum illud imperii Papalis terreni vocabulis Ecclesiastici & Spiritualis obducti.

CAPUT. XIV.

Unde sit quod cum Potestas Ecclesiastica,

ca, ut habetur & retinetur à Papa, & quâ fucat suum imperium terrenum, sit merum figmentum humanum; nihil omnino tantum roboris, tantumque stabilitatis creet imperio Papali, ut per ejus præsentiam & quandiu ejus fucus & fraus non intelliguntur, stet, sitque duraturum: at contra per ejus absentiam corruere & concidere debeat.

CAPUT. XV.

Licet imperium Turcicum sit quoque fucatum titulis Spiritualis & Divini, & sub specie religionis, retineatur ad terrorem, venerationem & amorem conciliandum; non tamen ad ruinam esse pronum, aut ruere debere per detractionem fuci quo obducitur, quemadmodum in imperium Papale cadit, aut cadere potest.

CAPUT. XVI.

Robur, divitias, pompam, & fulgorem Imperii Papalis potissimum distingere animos & oculos plebis, & mancipare eos Papæ, & persuadere ut in ejus religione & communione permaneant. At titulos Spiritualis & Ecclesiastici illudere imperiis Regibus & Principibus, terrarum-

rumque dominis ; eosque retinere in obsequio & religione Papæ.

CAPUT. XVII.

Quicquid contrà obtendant Pontificii, illum demum non ulterius pro heretico haberi in Ecclesia Romana, quam quatenus deficit à Papæ imperio. Definitionem Heretici datam à jure Canonico, nequam quadrare in Protestantem ; sed optimè in Papam. Sed & hunc verum esse Schismaticum, non illum. De natura Schismatis.

CAPUT. XVIII.

Responsio ad exemplum Henrici VIII. Regis Angliæ, quod assertur ut probatur, Nec imperium Papale conciliare auctoritatem doctrinis Romanensibus, nec harum ruinam implicitam esse ruinâ imperii Papalis.

CAPUT. XIX.

Occurritur objectioni posita à Græcis, Moschovitis, & aliis extra communionem Ecclesie Romanæ, retinentibus dogmata in quibus perinde errant ac Romanenses, ut probetur nullam accedere auctoritatem Papalibus doctrinis, religioni

gioni & Ecclesie à Papæ imperio, divitiis, & pompâ illustri; nec hujus ruinâ involvi ruinam religionis & doctrinarum Ecclesie Romanæ.

CAPUT. XX.

Quodd, & quatenus, Potestas secularis, cum summo imperio admota Reipublicæ clavo, sit caput & rector, imo Episcopus, Ecclesie intra sui territorii septa.

CAPUT. XXI.

Regem Magnæ Britannie, inter omnes toto orbe Christiano Potestates seculares, quæ à suis cervicibus depulerunt jugum Papæ, plus imperii circa sacra retinere; atque imprimis reipsa & de jure, & de facto esse & debere dici Caput Ecclesie. Tum omnium Regum Christianorum magis, esse autokratæ & autokratov: cæteris Regibus qui observant Papam precario duntaxat regnantibus,

CAPUT. XXII.

De Controversiis circa Missionem & Ordinationem Pastorum, quibus Romanenses distinent Protestantes, ut abducant eos à jugulo Causæ. Hortatio ut hi velint vitam Papæ eripere per eum Jugulum,

lum , relicta operosa viâ confutandi
sigillatim Romanenses doctrinas.

CAPUT. XXIII.

Detectio argumentorum & præcepto-
rum , quibus terrarum Domini , Reges,
Principes & Dynasta , hinc à Jesuitis &
Pontificiis doctoribus persuaderentur , ut
perseverent in obsequio quod Papæ exhib-
ent , inde à Protestantibus doctoribus
permoveri debent , ut Papæ jugum excu-
tiant.

CAPUT. XXIV.

De successu qui sperari debet ex concer-
tatione inter duos nobilissimos Scripto-
res , alterum Arnaldum Sorbonistam , al-
terum Claudium , Pastorem Ecclesiæ Pa-
risiensis.

Epilogus.

Longé.

I.

*Longé Nobilissimo & Illustrissimo,
 Principi & Duci Buckinghamie, &c.
 Illustris ordinis Periscelidis Socio,
 & in Sanctiori & penitiori Re-
 gis Consistorio Consiliario.*

OMnium agmen, ducat illustrissimus il-
 lustrium Anglorum, quos nostra opella
 exposcit, lectores, & quæ, nisi ejus author per
 Epistolam nuncupatoriam, Vindicem ejus &
 Defensorem sibi elegisset Potentissimum to-
 tius orbis reformati Monarcham, ultrò pro-
 peraret se in patrocinium & tutelam Tuæ il-
 lustris *Gratie* dare; virique, omni modo Mag-
 ni, non solum florenti fortunâ, genere, ima-
 ginibus, titulis & amplissimis quibusque, quos
 in regno sustines honoribus & muneribus, sed
 ob id potissimum, quod in Tui fabrica secum
 certaverit Natura, Tene corporis, an verò
 animi dotibus majorem exhiberet: nisi
 quòd tandem ex illo conspectu prodiisti ex-
 quisitum & perfectum naturæ opus, cujus
 dignissimus animus, dignissimo domicilio
 includeretur; & quæ in te uno nobis exhibuit,
Augustum, Massinissam, & Xenophontem: in
 quem, quasi uno fœdere, concurrunt omnia
 illa naturæ munera & dona, quæ in quem-
 quam præter te unum collata unquam vix
 crediderim, Proceritas venusta corporis, Ma-
 jestas

jestas vultûs, decus frontis erectæ, porrectæ,
 & hilaris; liberalitas oris, Eloquentia quæ
 fortem & fortissimas res deceat, nobilitate
 ingenita, eodem animo dicentis quo exequi-
 tur: cum indole generosa, magnifica & mu-
 nifica, quasi ex perenni & divite fonte exun-
 dante, clementiæque erga afflictos peregrini-
 nos & exteros; tum æquitate in vexatos re-
 ligionis causâ: at in omnes comitate & ur-
 banitate obviâ & expositâ, quæ illos in tui
 amorem, imo venerationem sic alliciat, ut
 nemo à te, aut tristis, aut indonatus recedat:
 ut fileam de Tua fortitudine, constantia, sa-
 pientia & prudentia, in consilio, in periculis,
 in adversis & prosperis juxta & rerum usu;
 de quibus præstat tacere, quàm pauca di-
 cere: tum de amore Tuo in literatos & li-
 teras, disciplinasque sublimiores, quæ scien-
 tiam & demonstrationem pariunt: ut jam
 Maximo Rege, non attendente, aut recusante
 tutelam nostræ novæ Rationis, me hâc
 sustentem fiduciâ, tuam illustrem *Gratiam*
 non detrectaturum provinciam, ejus patrocini-
 um aut defensionem suscipiendi.

Nobi-

II.

Nobilissimo & Illustrissimo,
 DOMINO DOMINO
 GUILLIELMO COMITI,
 Bedfordiæ, &c.

QUanquam, Vir Nobilissime, nec dignitas
 Comitum, nec genus Tuum, sint hujus seculi,
 sed priorum; attamen non reponis tuum hono-
 rem in antiquitate generis, nec in splendore
 titulorum, sed in judiciis hominum de virtute
 Tua, amore verae religionis; & pietatis; fide
 in Regem, charitate erga proximum, afflictum
 jacentem & exterum: nam in his posita est
 Tua vera imago, vera effigies & mansura,
 quam cum vitâ concesseris posteris tui jucundâ
 recordatione, recolent, expriment in mente &
 moribus, Teque eo nomine laudabunt; non in
 illa quæ saxo, aut inciditur, aut struunt;
 quæque sæpius, apud posteros, materia est odii
 aut invidia: quò magis spe sum plenius fore, ut
 istius virtutis radius meam novam Rationem il-
 lustret; efficiatque ut aliis prosit, semel à te in-
 tellecta & probata.

Illustris-

III.

Illustrissimo & Nobilissimo ;

DOMINO DOMINO

JOHANNI EGERTONO,

*Baroni Elsmire, Comiti de Bridgewater, Re-
gi à Sanctoribus Consiliis.*

Nemo mihi invidet meam felicitatem, quodd opellæ meæ lectorem & judicem, compellem, invitem & mihi spondeam, non tantum titulis & secundum rerum simulacra, sed re, & veré, hoc est, genere virtute eruditione & judicio, quo, nunc mihi imprimis opus est, nobilissimum. Nam cum multi nobilitatem, aut suam, aut proavorum, vel sortì nascendi, vel cæcæ fortunæ; plures illam, suæque prætoria, fundos, rem lautam & splendidam, debeant criminibus; Nobilitas Eger-tonorum, ut, per & propter tuorum avorum virtutem, cursum inoffensum in pulcherrimis muneribus, & incorruptum vitæ tenorem, coepit & aucta est, sic ad te transât perinde illibata, ut videaris, non assumptus in Nobilitatem, sed quæsitus. Nemo, inquam mihi invidet hanc felicitatem, te in judicem meum eligendi, omnibus nominibus & modis magnum; stipatum ingenti & splendido comitatu, non solum, quod levius est, assec-larum & famulorum, ut decet virum tui

E

ordi-

ordinis , sed Dei & naturæ munerum & donorum , tum per artem & industriam tuam comparatorum , quæ turmatim ad te ornandum concurrunt ; ut sunt Intellectus & amor sublimium , Judicium defœcatissimum , Ingenium acerrimum , eruditio reconditissima , cui non sufficit otium privatorum ; tum Sapiencia , at illa quæ habet sapientiæ modum , & probitate , prudentiâ , consilio & rerum usu excolitur : quæ quidem præstant te cunctis vitæ officiis æquabilem , verùm in singulis maximum & optimum , quantum fert humanus captus , seu in Regio & publico Consilio , seu domi ac in privato recessu inter amicos & æquales Tuos , imo erga inferiores , tum peregrinos , exteros & afflictos . Certè fidē in Regem invictissimâ , charitate in patriam constantissima ; humanitate facillimâ versus obvios quosque : ut nemo reformidet , omnes revereantur tuum occursum ; in quo gravis es sine arrogantia , venerandus sine segnitie , munificus sine profusione , pari librâ severus & comis , liberalis & frugi : nam & miscuisti , ut Nerva , res dissociabiles , tutelam & reverentiam imperii , & patrociniū libertatis , non minus civibus tuis charus , quam Regi gratiosus : tum sapientiam viri consularis & publicæ administrationis consortis , cum subducta & pensiculata rei tuæ familiaris ratione , ut penes te habeas rationarium , ut imperii cum Augusto , sic familiæ tuæ cum Catone censorio ; in utroque diligens ratiocinator ; tum magnus , fortis ,

justus

justus & providus, ut nec melior extet aut liberorum Pater, aut servorum & familiæ dominus: nec unquam quisquam fuit uxoris amantior, nec fortior in domestico vulnere, obituque longé illustrissimæ & lectissimæ feminæ: quem casum sic per moerorem & lamenta tulisti & etiamnum fers, ut ejus memoriam, virtutem, omnia ejus facta dictaque, tecum jugiter revolvās, mentemque ejus æternam, & figuram animi cælestis, potius quàm corporis complectaris; ut non alius magis, aut uxorem superstitem dilexerit, aut sublatam ex oculis nunc revereatur; nec tamen ambitiosè tristis, & in lacrymas effusus; sed solatium & luctûs absterfionem, in literarum studiis quærens, tuâque & virtute & Bibliotheca, altera Amalthea aut Bodleiana, involutus.

Hæcce, vir illustrissime, ex occasione Tuo judicio subjiçendi meam opellam, dicta sunt minora vero, & tam procul ab adulatione, quam à mendacio, quo constare vult Balzacus omnem Panegyricum sermonem, & omnes conciones funebres, forsân quia nemo laudatur, nisi à quo operæ pretium speret: quàm invidiam suspicionemque à me amotam velim, tibi nec injuriâ, nec beneficio cognito, & de quo sine ira & studio dixi ex fama de te publica sermonibus vulgi pronioris ad deterendam famam magnorum virorum, & in alto fastigio positorum, & cui livor est pro Judicio; ut jam, si poenitere debeo cum

Augustino retractante nimias laudes in caput
cujusdam Theodori aggestas, quod effusior
fuerim in laudes quorundam, poenitere
debeam, quod de te viro supra omnem lau-
dem posito parcius dixerim.

Nobi-

I V.

Nobilissimo & Illustrissimo,
EDOARDO, COMITI
 D E
MANCHESTER.

Illustrissimi Ordinis Periscelidis Equiti, Re-
 giæ domûs Magistro & Oeconomo, &
 Regi à Sanctioribus Consiliis.

AD te quoque pertinet nostra nova Ratio-
 nis iudicium & examen, virum dignita-
 te purpure & principis loci inter regni Pares
 & Proceres præfulgentem, tum Divini humani-
 que juris peritissimum, sed imprimis boni &
 equi, amantissimum; atque veræ religionis &
 pietatis cultorem sanctissimum; in quo Rex sere-
 nissimus & sapientissimus, fidum Oeconomum;
 viri sancti, pii, & afflictii, præsidium inveniunt;
 in quo inimici nihil habent quod mordeant;
 boni vero nihil vident quod desiderent, imò quod
 non ament & diligant; certè humanitatem etiam
 inferioribus obviam & expositam: at omnes
 revereantur virtutem viri invicti adversus gra-
 tiam, & blandientium fraudibus intractabilis:
 quò magis in hanc spem venio, ut æquissimus
 sis lector opellæ meæ, ejusque authorem favore
 Tuo completaris.

V.

Illustrissimo & Nobilissimo Viro
DOMINO DOMINO
ARTHURO, COMITI

*Insulae Mona (vulgo Anglesey) & Regi à
Sanctioribus Consiliis.*

Cum mihi renunciatum esset (Nobilissime Comes) à Tui maximo Cultore, tua sententia planè conspirare cum illis hypothefibus, quibus tota moles nostræ novæ *Rationis* nititur; nefas fuisset te non interpellare, ut me quoque legere velis: ita tamen ut sepositâ ad tempus illâ dignitate quâ fulges, inter Proceres regni, qui aut premunt prima subsellia in Ordinum Confessu, aut sedent in penitiori & Sanctiori Regis Consilio & Consistorio; induas personam viri privatæ sortis qui secum habitat, & cum literis & humanioribus & severioribus commercium habet, nullo ut, ut solenne est tibi præjudicio abreptus, de toto rei complexu quam tracto pronuncies, judices, & denique semel intellectam, probatam & arreptam novam nostram *Rationem*, digneris pro tua authoritate & recondita cognitione juris Divini & humani, summaque pietate & probitate cum aliis communicare.

Illustris.

Illustrissimo & Nobilissimo Viro,
DOMINO DOMINO
JOHANNI, COMITI
DE
LADER DAIL

Vicecomiti Maistland

Domino in Thirleston & Bolton.

*Soli Secretario Regio in Regno Scotia, tum in
 utroque regno & Anglie & Scotia Cubi-
 culario Regio, atque in hoc & illo in
 Sanctuarii Regis Consistorio
 Consiliario.*

FRetus, vir Illustrissime, tum favore tuo,
 quo me olim complexus es, tum fiducia
 tibi non ingratum esse id genus, aut studii, aut
 argumenti, plané in eam spem veni, fore ut
 non dedigneris esse lector hujus opellæ, imo
 potius tuo calculo approbes totam nostram
Rationem ibi exhibitam: quam si orbis Chri-
 stianus intelligeret; non solum brevè Papa
 rueret, sed & ratio expedita sufficeretur, per
 quam ubique in orbe Christiano, unâ fide,
 unâque jurisdictione Ecclesia & Respublica in
 unum corpus coalescerent; tum fieret compen-
 dium litium quæ causa sunt dissensûs, qui-

bus in Religionis negotio , fratres & Protestantes inter se colliduntur. Certé si bené memini, nunquam tibi placuit rigor ille tuorum Scotorum , qui Disciplinam suam, imò aliquam obtrudunt , tanquam jure Divino ; ut qui, opinor, in ea sis sententia , quamcunque Disciplinam , quæ sub Magistratu adverso & infenso assumitur , confederatam esse debere ; at sub amico & orthodoxo , concedere in jura regnantis, & per delegatam ab eo potestatem, seu Episcopis , seu aliis retineri. Atque , haud dubium in eam curam incubuisti semel atque iterum non ita pridem in Scotia tua, ut gentiles tuos in illam (quæ tua est) sententiam adduceres ; apud quos, cum rei veritas , tum studium tuum asserendi, cum salute Ecclesiæ & Reipublicæ , auctoritatem Sacræ Regiæ Majestatis circa sacra , multum potuerunt ut illos sequaciores haberes : Eoque facilius præeuntibus & præfulgentibus toti Scotiæ juxta ac Angliæ ; acerrimamque facem præferentibus virtutibus tuis heroicis : tum genere antiquo & decoro tuorum proavorum qui sunt lumen tibi, ut tu posteris ; illis prælucens moribus quos servas in hoc mundi theatro incorruptos , & ut cum Nazianzeno loquar, ἐν ὁμοίᾳ τὸ ἄμικτον.

Illustris

VII.

Illustrissimo & veré Nobilissimo

Viro ,

**GUILLIELMO, VICECOMITI
B R O U N C K E R ,**

**Cancellario Reginae Magnae Britanniae &
Regiae Societatis Anglicanae Presi-
di dignissimo.**

CUM Societati seu Collegio totius orbis illu-
strissimo & florentissimo praesit, in quo na-
tura vires, virtutes, influxus reserantur & pan-
duntur; Ipse verò extra illum illustrium viro-
rum & ingeniorum quae natura meliori luto
formavit, chorum & senatum, fulgeas purpurâ,
sed imprimis sapientiâ, ingenio & eruditione ;
debui viro omnimodo illustri & Principi, ejusque
examini subjicere novam meam Rationem; ut si
à judicio tuo subactissimo & defecatissimo com-
probatur & censetur habere rationem & expe-
rientiam faventem, pro tua auctoritate jubeas
illi inscribi, ut ceteris, de quibus illustre ve-
strum Collegium periculum fecit, suum

Probatum est.

Re-

VIII.

Reverendo in Christo Patri, & longé
Illustri, & eximio Viro,

DOMINO

IOHANNI WILKINS,

Episcopo Cestriensi.

ET te quoque adior, Virum eruditione
omnigenâ, scientiâ & arte, tum purpu-
ra, insulâ, pietate & sanctitate morum, mo-
destiâ & candore illustrissimum. Portentum
sané, sed ingenii, cum nulla detur scientia
ars, disciplina, lingua, ad quam non pervo-
laverit, & quod tantum abest ut conscripto
Scholæ, Academiæ, Regiæ Societatis, Paro-
chiæ, Dioceseos Britannix, concludatur, ut
ne quidem Naturæ finibus terminetur: nam &
tu non contentus terræ penetralia & naturæ
adyta & recondita recludere, referare & adi-
re, tum omnes mundi Linguas in compen-
dium & unicam futuram omnium parentem
& clavem mittere; Insuper artem nos doces,
tanquam scalis admotis in cælum evadendi,
atque precibus, novâ vitâ & sancta, adyta san-
ctiora Paradisi penetrandi. Portentum sané
hominis, quem pené primum honores &
dignitates non corruerunt, imo non muta-
verunt,

verunt , nisi ut è sancto fieret Sanctissimus. Nam cum Onufrius & Thuanus narrent de aliquot Papis , nominatim de *Paulo IV.* & *Julio III.* quod potuissent in bonos & Sanctos Viros evadere, nisi Pontifices Maximi renunciati fuissent ; Tu longè ab illis abivisti qui videris , non ornamentum accipere ab Episcopatu , sed Episcopatui dare : nam postquam te tua virtus ad eum apicem & Pontificatum provexit , in florentiori fortuna , eodem mores commodos & humanos retines, certè comitatem tantò magis omnium occurribus obviam & expositam , tum æquitatem in Sanctos Viros de tuo ordine , aut de quovis, quibus fidem non imperas sed suades , ut jam si magnus es quod referas Verulamios , Cartesios , Gassendos , major sis quod Augustinum , qui imaginem exprimit boni pii & Sancti Viri. Sed neque hæc ad te scribo, ut in laudes tuas expatier , qui virtute simplici, potius mereris gloriam quam captas ; sed ut te submoneam de meo Jugulo Causæ , atque in tuas sacras manus sumendo. Cujus consilium olim animo agitatam tibi non displicere memini. Profectò non alius suâ auctoritate posset ejus commoda utilitatesque in uberiores & ulteriores fructus perducere : illum imprimis quo doceo, quatenus & quam commodè & locutione propriâ & citra *αὐτοκρατορίας* Rex Serenissimus est Caput , imo Episcopus Ecclesiæ Britannicæ. In quam rem in memoriâ regredior , audivisse me quendam naris emunctæ dicentem , si suboluisse *Thoma*

ma

mæ Moro quatenus Rex est, & esse potest Caput Ecclesiæ, potuisse diutius Caput affixum & additum corpori retinere, non discedendo, nec à recta conscientia, nec ab Ecclesia Romana.

Illustris.

Illustrissimo & Nobilissimo,
DOMINO DOMINO
JOHANNI, BARONI
ROBERTS,

Privati Sigilli Regii Custodi, & Regi à
Sanctoribus Consiliis.

Quamquam tibi Regni Primario Viro & scientiarum, bonarumque artium Principi & justitiæ Antistiti, tuoque judicio longè subactò subjicere debeo meam opellam, cui probari flagrantissime cupio; attamen alternis judiciis dimpependi, te ne eâ linguâ compellarem, in qua deterreret quemquam à latina, vel scriptione, vel loquela? an verò satius fuisset mihi, te silentio venerari; nec viso nec audito, ut tantò tibi conspectior forem, ad exemplum imaginum Cassii & Bruti in funere Juliae, ceteris præcellensium quia non visebantur? verùm tandem expugnavi proprium pudorem recordatione humanitatis tuæ, quâ, deposita severitate & judicii & sermonis, dignatus es aliquando latina mecum commutare, nec paria tecum facientem aspernari: quo magis nunc me eâ spe sustento, futurum ut eo vultu, amico & benevolo, respicias ad opellam nostram, quo authorem ipsam suscepisti, quique in hostimentum non ti-

bi parat laudes, sed preces & vota, ut sibi fieri
 amant viri meritissima celebritatis, ne promi-
 scuis præconiis deterantur: namque, ut de
 Agricola dixit Tacitus, injuria esset tuarum vir-
 tutum, quasdam de illo choro referre, & lau-
 dare: in quibus sunt integritas & recti perti-
 nacia, cui Benefacere, bene sentire & bene
 judicare, in naturam venit: in quo omnes boni
 reperiant & ament, cum omnes virtutes, tum
 specie pugnantes, sed felici temperamento, con-
 sortio & pari libra junctas: in Viro Nobilissi-
 mo, senatoriam gravitatem & popularem hu-
 manitatem: in vita occupatissima ejus quem
 publicæ curæ attinent, otium & eruditionem
 privatorum qui in seducto vivunt; qui Tullium
 referat & in Senatu, & in Tusculano: in
 hoc comitatem, in illo severitatem: qui cunctis
 vite officiis servet justitiam Aristidis, severita-
 tem Catonis, comitatem Phocionis, pietatem
 & Sanctitatem Augustini: qui nihil in publico
 statuit quod domi non servet: apud quem la-
 tius pateat officiorum quam juris regula, &
 cui licet sit legis observantissimus, plus tamen
 arrideat ex bono & æquo quam ex lege judicare:
 Cujus denique ædium fronti aut in monumento
 marmoreo, eoque mansuro, velim uncialibus Li-
 teris, banc Epigraphen inscribi

Hic Jacet aut habitat
 Recti Pertinax.

Viro

X.

Viro longè Nobili, cum Purpurâ, tum
Ingenio & eruditione.

DOMINO

JOHANNI, BARONI
L U C A S.

Persæpe animum subit recordatio temporis
(atque id est triginta annorum & quod ex-
currit) quo in vicinia tua, fruebar tuâ suavis-
simâ & eruditissimâ consuetudine. Mirabar in
generoso Viro natalibus claro, fortunâ florenti,
& in juvene eruditionem multorum virorum,
etiam senum, in te unum aggestam & cumula-
tam: ut jam conjicere sit, quantus nunc vir sis,
cui ex eo accessit studium tot annorum, & cujus
magna vitæ pars acta per tot experimenta, rerum
usum & notitiam, an potius contemptum mun-
di, qui nemini quam tibi melius notus est, didicit:
accedentibus insuper dotibus ingenii acerrimi,
& judicii subactissimi: quibus non auctario
purpure tue, eruditio reconditissima, splen-
dorem adjicit, ut quæ potius illi ornamentum
impertit; tantum abest, ut tua dignitas Pari-
bus regni inferi quicquam tuis virtutibus addat.
Atque hæc Tui reputatio, hanc fiduciam mihi
dat te futurum æquissimum, & Lectorem, &
Judicem opellæ meæ: nam injuria esset judicii
tui, hic æquitatem tuam rogare & appellare.

Illustrif.

XI.

Illustrissimo & Nobilissimo,
 DOMINO DOMINO
DENZELL HOLLES,
Baroni Holles de Ifield, in Sanctiori
Regis Consistorio Consiliario.

SI cujusquam judicio, certé Tuo tribuo vir Illustrissime, plenus spei fore ut totius operis mei consilium, scopus & complexus cum sensibus tuis concordent, adeoque tibi arrideant. Utut sit, debui tuo judicio subjicere quæ ad tuum forum pertinent, virumque de Senatorio ordine purpuratorum, belli & pacis artibus clarum, penitiorisque cognitionis Divini & humani juris scientissimum: qui vitam per experimenta & pulcherrima munera consumpsit, & sic ab eis requievit, ut persistet in administratione aliorum munerum pari decore & dignitate fulgentium, quò cum sua virtus provexit. Cæterùm non paro tibi laudes, sed gratulationes de virtutis tuæ glória, quâ te solaris, cum animo recolis, tot à te emensos labores, tot in te aggestos honores, quorum eò jucundior est memoria, quod virtuti & meritis tuis datum fuerit testimonium, non ambitioni beneficium: nam bis decedentem ab amplissimo munere legati extra ordinem à
 poten-

potentissimo Rege ad perinde potentissimos
 Principes & Dominos , ut gratiæ & pacis se-
 quester esses, summa horum laus, illius sum-
 ma gratia , gratulatioque te prosecutæ sunt ,
 tantâ morum integritate & virtutis incorru-
 ptæ famâ , apud illos ad quos ivisti , ut glo-
 riari possis cum legatis missis Româ Alexan-
 driam ad Regem Ptolemæum , te ibi de pu-
 blico ministerio nihil præter laudem benè
 administrati officii reportasse. Nam & an-
 tequam te tua virtus eò produxisset , ut Ma-
 ximis regni proceribus Par , & principalium
 onerum in sacro Regis Consistorio adjutor
 esses & consultor ; fuisti diu publicorum con-
 siliorum spectator , priusquam consors : nun-
 quam officiorum varietate , rebusque suisque,
 deque cunctibus à recto abivisti ; sed cādē
 firmitate animi adverlis suffecisti ; quā nunc
 prospera pateris ; ut qui semper excitatus
 fueris ad meliora magnitudine rerum , cum
 hebescant alii. Cæterum veræ pietatis cul-
 tor , ut recti custos & tenax , nec impeditus
 privatis, aut amicitiiis, aut inimicitiiis, quo-
 minus etiam cum inimicissimo consentias :
 huic tamen maximè æquus & propitius, quan-
 do potes eum pro meritis conculcare : ita ta-
 men lentus in dolore tuo , ut licet semper
 proprias , nunquam tamen publicas injurias
 largiaris : in quem denique omnes partes &
 dotes, viri magni, fortis, sapientis, eruditi,
 eloquentis , probi, pii , consulti & amici vi-
 dentur quasi fœdere factō concurrisse. In
 quarum virtutum choro familiam ducit sa-

D

pientia

pientia, sed exacta ; constantia in his quæ
 proposuisti, firma. Eloquentia quidem, sed
 ea, quæ fortissimas res deceat, non concinna-
 ta, nec in verba sollicita, sed ingenti animo
 prout impetus fert res suas prosequens, seu
 in Consilio Regio, seu in Procerum & Ord-
 dinum regni confesso sententiam dicas : in
 quo suades, non quæ delectant, sed quæ
 profunt ; nihil dissimulatione, vel silentio,
 vel levi, aut perfunctorio dissensu publicæ uti-
 litatis transmittens. Nec alius es, nec alia
 sentis domi, quàm in publico ; cum sis cun-
 ctis vitæ officiis æquabilis, ut non dedigneris
 ad tenuiores descendere ; retinens in florenti
 fortuna, & viri nobilissimi sorte comitatem
 omnium occurribus expositam : eo tamen
 temperamento, ut nec facilitas auctoritatem,
 nec severitas amorem & humanitatem dimi-
 nuat, usque adeò, ut comitate & alloquio of-
 ficia provoces, & omnes bonos in tui amorem
 allicias, jungens raro concentu ingenium par
 negotiis, quod nec inflatur honore, nec ob-
 ruitur pondere : summamque humanitatem
 cum summa fortuna ; tum eruditionem re-
 conditam, cui non sufficit otium privato-
 rum, cum vita occupatissima : & qui cum
 gratiæ causâ nihil faciat, omnia tamen grata
 sint quæ facit. Hæc non damus tuis auribus :
 neque enim melius quisquam te laudaverit,
 quàm qui tua facta domi & foris, cum in
 Gallia, tum Bredæ, fideliter narraverit, sed
 rei veritati.

Verùm dum hæc scribo totus stupore &
 admi-

admiratione, usque adeo defixus sum per reputationem rei nuper à te peractæ, ut non habeam modum epistolæ, apud illum qui non habet modum, magna, fortia, & miranda patrandi. Certè, licet animo foras emineas contemplatione celestium & sublimium; nusquam tamen Deo magis similis es, quam ubi ad afflictum & jacentem respicis, cui sic manum porrigis, ut eleemosynis tuis detrahas pompam; magis delectans benefacere, quam benefecisse videri; eoque similior es Deo, qui non solum sis *οὐκ ἐξουσιάζων* ut, *ἀγαπᾷ & φιλοῦται τὸν χριστιανὸν χαρακτηρίζων*, sed & innocentia exterorum vindex, defensor & *κατασκευαστής*, alioquin periturorum per invidiam aut scelus delatorum: tibi enim res advenarum exterorum & peregrinorum magis sunt cordi quam tuorum gentilium. Neque enim tu nascendi sortem in exteris aut advenis punis, patriam, non animum æstimans. Sed quid moror referre historiam de te quæ me in stuporem dedit? Narrabo certè, non tibi, cui melius nota est quam cuiquam, sed aliis. Cum non ita pridem advenissent ex Gallia quinque Juvenes generosioris fortis & probis moribus, ut conspectu urbis Londini & agri in vicinia animum & corpus oblectarent & laxarent, & postremum in Hartfordiensi agro substitissent; nihil opinantes capti sunt ab apparitoribus, procurantibus quatuor illius agri indigenis (aiunt fuisse de natione Ianionum) qui magis odio gentis, unde oriundi erant & venerant, quam hominum, coram iudice omnibus diris-

se devoverunt & perjurio caput alligaverunt, nisi per viam Regiam iter facientes ab istis quinque Gallis omni pecuniâ spoliati fuissent : quin in ea horrenda accusatione perstiterunt coram Duvallio insigni latrone ipsis objecto, qui hoc grassatorum crimen in se & ejusdem flagitii socios transmovebat : ob quod facinus Duvallius & plura alia perinde atrocia, damnatus est ad patibulum ; nec destitit morti proximus hoc crimen depellere à capite ingenuorum Juvenum ; perseverantibus inter hæcorum accusatoribus pejerare & dejerare, Gallos criminis manifestos esse, non verò Duvalium, officiosum (ut aiebant) in re, quæ sive falsa, sive vera, ne hilum, aut gravaret, aut leniret reatum & noxam tot criminum, quorum, vel unicum afficeret eum supplicio. Quid multis ? vicisset scelus perjurorum, & poenas grassatorum extremo supplicio luissent innocui, nili opportunè de re tota, tu, vir magne, certior factus intercessisses, quasi Deus è machina, atque autoritate quâ polles apud serenissimum Regem, Judices & Prætores, prelationibus, supplicationibus, postulationibus, perquisitionibus & substitutionibus verorum reorum, tum itionibus & excursibus crebris, magnisque impensis de tuo ære, mortem & dedecus arcuisses à capite infontium. Profectò nisi jam pridem religio & Christiana & Reformata, & inde alii mores & mitiores inducti, eluissent maculam quàm Horatius inurit Britannis, ut sint hospitibus feri ; tu solus, vir Magne, hanc labem, hoc præcla-

ro facinore expunxisses , quo nomine Mausolæum tibi extruerem marmoreum , eoque in secula duraturum, cum hac Epigraphe.

Donzell Holles, sapientiâ, æquitate & hospitalitate inter suos Anglos, est alter Anacharsis inter Scythas.

D 3

Illustris.

Illustrissimo & Nobilissimo,
DOMINO
ANTONIO, BARONI
ASHLEY, &c.

In sanctiori Regis Consistorio Consiliario.

SI unquam Natura magnum in parvo fecit,
(ut Natura, inquit Plinius, nusquam magis
quam in minimo tota est) id in te comprobavit,
cum exiguo corpore inclusit mentem sublimem;
altum intellectum; animum foras eminentem,
non quia arctiori ergastulo concipitur, sed quod
caelestis spiret: & cum Te donavit cognitione
penitiori, Divini, humanique juris, & tam dif-
fusâ rerum quæ sunt sub celo notitiâ, quam
ipsa est natura, & in omnes partes, seu Bri-
tannicæ seu literatæ orbis exundante, ut, si jus
dicis in senatu, ut alter Cicero, cum eo iidem
doceres in altero Tusculano Philosophiam; sed
& hanc in illo: verum illam Philosophiæ pul-
cherrimam partem quam Philosophus Euphra-
tes imprimis commendabat Plinio Juniori, quæ
est agere negotium publicum, cognoscere, Judica-
re, promovere, exercere justitiâ; & quæcunque
Philosophi docent in Schola, in usu extra Scho-
lam habere. Id quidem cum sedulo & fide-
liter præstes, vir illustrissime, jam non te capit
modus

modus ille, dignitatum, munerum, & bono-
rum quos Rex sapientissimus in Te agcessit;
sed ad ulteriora assurgit: ut jam aut in te, aut
in nemine habeam æquum judicem & lectorem
opellæ meæ.

NI

rio.

feci,
magis
bavit,
memi-
ntem,
quod
itione
in dif-
quam
Bri-
si ju-
tidem
i sed
pul-
phrs-
que
dica-
unque
Scho-
deli-
capit
modus

D 4

Viro

Viro longé Nobili & Illustri,
JACOBO HERBERTO,

*Cognitione, Filii, Fratris & Patruī Co-
 mites Pembrokiæ contingentī.*

ET tibi, vir Nobilissime, debetur locus inter illos, quos æquos judices & lectores opellæ meæ, non solum magnoperé exposco, sed & futuros affirmare aulam; tibi inquam, viro, qui nobilitate antiquâ & ingentâ, florenti fortunâ, non partâ, sed relictâ ab illustrissimo Parente tuo, primario, suo tempore regni, viro; pectore candidissimo & intergerrimo, boni & æqui amantissimo, moribus piis, sanctis & commodis, nullo studio partium, aut præjudicio à recto abductus es; cui ab educatione in contubernio Regio à teneris venit in naturam benè vivere & benè sentire; qui cum primulis annis adolescentiæ destinatus esses à maximo Rege ad summum fastigium Præfulatûs in Anglia, potius duxisti, ubi habuisti tuæ vitæ modum, tua virtute & fulgore proprio lucere in hoc mundi theatro, quam alieno, accersito & inducto; ad quem fortasse hodie, sic caligarent oculi tui, ut veritas nostræ opellæ, non nisi infracta se judicio tuo sisteret, quæ nunc depulsis omnibus nebulis suæ cuique utilitatis, nuda, pura & clara in intellectum,

lectum, ut est tuus, perinde defæcatum se ingerit. Nam rem ita esse, testantur tua natura mali nescia & inexperta vitiorum seculi, & cõmitas, quã te præstas omnium occurribus obvium & expositum, tum modesta verecundia; quibus quasi oblitus tui, & generis atque ordinis ad inferiores te demittis, & tanquam cum æqualibus versaris, nullius unquam os lædens, imo erga omnes benevolus æquus & blandus. Macle his virtutibus, & nos te colentem tuo favore prosequi dignare, Vale.

Viro

XIV.

Viro Illustrissimo & Nobilissimo,

DOMINO

ROBERTO BOYLE,

Fratris Germano Comitiss Burlingtonii.

NON cā gratiā, illustrissime, ad te scribo ut in tuum caput aggeram laudes, quibus totus orbis Christianorum, Theologorum, doctorum, philiatorum, illustrium ingeniorum, quæ meliori luto natura formavit, personat; de quo quicquid dicerem, minus esset præ stupenda magnitudine & multitudine rerum, scientiarum, & disciplinarum, quas cognitione, mente, manu & experimento complexus es, ut videantur omnes dotes utriusque Scaligeri, Salmasii, Grotii, Cornelii Agrippæ, Cartesii, Harvæi & quorum non ? in te, quasi fœdere factō, concurrisse: usque adeo magnus es ubique: certè operum natura imitator, ejusque indagator, enucleator & perscrutator sedulus & accuratus; ut non detur cælum, terra, mare, aer, latex, vena metallica, fodina; non ductus, aut in microcosmo, aut in macrocosmo, ad quem non penetraverit, tua, aut virtus, aut sagax industria: Non eā, inquam, gratiā te pono in hoc choro virorum illustrium & doctorum, ut tuas virtutes palam faculam, sed ut te perinde atque illos hortor ad sumendum in manus meam opellam, atque aliqua ex parte legendum, unde te excitatum sentias

tis ad illam novam meam Rationem è tenebris,
 quales sunt mee, evocandam & in apertum
 proferendam. Certè per te tanto illustrior & fera-
 cior commodorum & utilitatum quæ in orbem
 Christianum, imprimis Britannicum redunda-
 rent, foret veritas ejus, si per te lucem videret.
 Maçte hac virtute.

Illustris

XV.

Illustrissimo & Amplissimo,
DOMINO DOMINO
JOHANNI TREVOR,
*Equiti Aurato, Regi, tum à Secretis, tum
Secretario.*

Hic liber, vir illustrissime, multis nominibus, te suum, & lectorem & judicem postulat, tum quia materia, ut Regii, sic tui est fori; tum quia nequeat lucem aspicere, nisi te, aut approbante, aut permittente: quanquam sola reputatio Tui, viri ingenio sapientiâ & rerum usu præstantissimi, tibi Principem locum assignet, in choro virorum illustrium, sapientum & doctorum, quorum judicio, hanc opellam probari vehementer cupio & expeto. Nam pertinere ad tuum, hoc est Regium, non verò ad Reverendorum Præfulum forum, hinc liquet, quod non tractet de ulla materia Theologica, aut dogmatica, aut polemica, imo nec de Ecclesia, aut Romanensi, aut quaquam; sed de imperio Papæ terreno, quod nomine Ecclesiæ Romanæ obducit, quodque suâ pompâ, fulgore, & divitiis conciliat gratiam & authoritatem Romanensibus doctrinis, quibuscunque, seu seriis, seu futilibus apud populos: at suo fuce vocabulorum *Ecclesiastici* & *Spiritualis* circumscribit Reges & mundi Monarchas, eosque

que retinet in obsequio Papæ : ut jam tantum absit, ut nostra opella aggrediatur everfionem imperii Papalis, per confutationem, uti Purgatorii, Transubstantiationis, Cultus imaginum, & cæterorum Romanensium dogmatum, quæ membratim fieret, & quod facere amat Theologorum natio, ut contrà vetet illam materiam cristicam attingi, monstrétque, eum non esse Jugulum causæ, nec per eam viam unquam ruiturum, aut Papam, aut totum Romanensem apparatus Ecclesiæ, Religionis & Missæ, sed solummodò per ruinam Imperii terreni Papalis, quæ quidem pro foribus erit, quam primum mundi Dynastæ, qui parent Papæ ejusque vestigia lambunt, exoluti erunt eo Vocabulorum tuco; eâdem ruinâ concidente Religione Romanâ, totoque complexu doctrinarum Papalium; quibus nulla amplius authoritas accedet ab imperio Papæ, suo fulgore oculos perstringente, imo excæcante; atque, aut terrorem, aut amorem conciliante. Neque æstimandum mundi Monarchas errore illo Imperii personati & fucati semel liberatos diu laturos comparem & consortem, (an potius dominum) imperii juxta terreni, nec naturâ à suo discrepantis. Neque putandum everfo Papæ imperio, in quoquam territorio quod subest Papæ, longiorem moram ibi habituras & religionem & doctrinas Romanenses; quàm habuerunt tempore Henrici octavi Regis Angliæ, postquam inde Papale imperium fugatum est, licèt eo animo, ut absque illo imperio retineretur Romana religio.

De-

Denique totus complexus, omnisque designatio operis nostri edocet;

1. Ecclesiam Romanam nomine tenus esse Ecclesiam, cum sit Imperium terrenum paria faciens cum imperio Constantini magni & Caroli magni, in Italiam, Germaniam, & Galliam.

2. At ad fucum faciendum Regibus & populis obductum esse involucre, tectorio & mangonio vocabulorum *Ecclesiastici* & *Spiritualis*.

3. Hujus fuci fraude, eoque imperio divitiis & pompâ illustri, auctoritatem conciliari Romanensî Religionî doctrinisque de quibus lis est inter Protestantes & Pontificios.

4. Ac proinde ad everfionem istius religionis & harum doctrinarum, inanem operam & olum impendi, frustra que laborari, confundendis illis sigillatim, cum cadente larva Papalis imperii, concidat & ipsum imperium, & eâdem ruinâ involvatur Romana religio.

Quocirca, cum mei operis designatio, mea-
que Ratio, Papam, ejus Ecclesiam & religionem everrendi, sit planè nova, nec hætenus à quoquam Theologo attentata, cujus hodie negotium est hanc Sertorii caudam pilam evellere, uni pilo forsan, ut Transubstantiationi, tanquam ad saxum, quod evenit reverendo Claudio plures annos, adhærendo; obfirmato animo, attamen subactò; pertendo; opus novæ nostræ *Rationis*, ut & exequandæ provinciam, non esse partium nec molimi-

nis

nis cujusquam Theologi, quâ Theologi, cui
seges scribendi & vivendi periret per ruinam
Papalis imperii, sed alterius Constantini, qui
est verus Episcopus ad extra ; adeoque tuæ
cognitionis, fori & potestatis esse, mihi in-
dulgere, ut mea nova *Ratio* tuo satellitio mu-
nita prodeat foras, tuta à moribus & Insulti-
bus ægré ferentium hancce veritatem palam
fieri.

Hæc cum ita sint, Vir illustrissime, æquum
est te quæ tua sunt tueri, nec pati alio pa-
trocinio meam opellam ire per ora virum
quàm tuo : quod ut digneris, tum ejus autho-
rem tuo favore complecti velis, te etiam at-
que etiam rogo.

Nobi-

XVI.

Nobilissimo & Generosissimo Viro,

DOMINO

JOHANNI LEYONBERGH,

Equiti Aurato, Consiliario, Collegii Com-
merciorum & Residenti Plenipotentia-
rio, pro Sacra Regia Majestate Sue-
ciæ, in Aula Serenissimæ Majestatis
Magnæ Britannicæ.

PLuribus, quam cuiquam, Vir nobilissime,
nominibus tibi constare debet ratio nove
meæ Rationis; tum quia principem locum te-
nes inter viros altioris, & intellectus, & ingenii,
quibus maximè probari cupio id quod, aut ag-
gredior, aut molior, hâc opellâ: tum quod hic
in Anglia personam Illustrissimi & Potentissimi
Regis imples, cui perinde placere velim (nec
cuiquam, nisi per te) atque serenissimo orbis
Britannici Monarchæ, hancce Rationem Reges
& Dynastæ in sua vicinia permovendi ad Papæ
jugum suo exemplo itidem excutiendum. Sed si
nullo horum nominum permotus te figerem &
designarem lectorem meum, nec te suspicerem
& colerem, ut publicis & pulcherrimis viri con-
sularis muneribus defunctum, certè diligerem,
imo amarem, deperireque efflictim, te, virum pri-
vate sortis omni genere literaturæ instructissi-
mum, qui vel abactus per *Βαβυλωνίαν* Babylo-
nicam,

cam , nullibi hospes es, cum tibi omnes lingue
 Europæ sint vernacula, cujus τὴν φύσιν ἀνέστη
 καὶ λαμβάνεις, absolutissima ingenii & consuetu-
 dinis elegantia & humanitas, tum judicium
 subactissimum, pietas & probitas citra fucum,
 adamantina sunt & argumenta & vincula,
 quæ me tibi totum devinciunt & efficiunt, ut le-
 ctorem, imo nec judicem æquiores te habere de-
 beam, aut velim.

E

Vir

Virtute, eruditione & natalibus Clarissimo & Nobilissimo Viro,

DOMINO

GUILLIELMO ARESKINO

Armigero, fratri Germano Comitæ Marria & Ministro Regio à Cyathis.

VElis, aut nolis esse lector opellæ meæ unusque de illis, quos per literas sollicito, ut integris animis dignentur judicare de causa ipsa, cujus jugulum peto, compellabo te virum ingenio, eruditione, pietate, & candore cultissimum, de re in qua spe plenus sum fore ut mea sensa cum tuis concordent, quæque maximè facit ad elucidationem novæ nostræ *Rationis*, in qua inter causas Papismi in orbe Christiano retenti, unam non posui, quæ accidit nostrorum culpâ, cohibitus vel oblivione, vel modestiâ, & quæ nunc ultro & menti & calamo succurrit ex occasione libri, cujus authorem aiunt esse Dussæum, pastorem Ecclesiæ Salmuriensis, virum apprimè doctum & reverendum, de quo libro audio varia esse judicia. Cum ergo audivissem eum librum, hinc à majori parte Pastorum in Gallia vulgare, illinc à minori impensè laudari & probari; succurrit illud Plinii in quadam Epistola, dicentis, sæpe illa magis probanda esse quæ à paucioribus, quàm quæ à pluribus laudantur

dantur, ut accidit, inquit, in omni magno hominum coetu, consilio & judicio, in quibus numerantur sententiæ, non ponderantur: nihilque tam est inæquale quàm æqualitas ipsa, in qua cum sit impar prudentia, par omnium jus est: Succurritque si quid ejusmodi vir reverendus protulisset, quod altè imbibì tam verum esse quam dubio caret, rectum angulum esse majorem acuto, potuisse damnari à parte majori pastorum in Gallia: nempe eisdem viros, cæterà sanctissimos, Lutherum in Germania, Calvinum & Bezam in Gallia, Knoxum in Scotia; alterum, aut Gisbertum Voetium, aut Antonium Walæum in Belgio, autores fuisse & puræ reformationis in religione & doctrina constitutæ, & Papismi re-tenti & nondum profligati, tum in orbe Christiano, tum intra viscera reformatæ Ecclesiæ: quod quidem dictum, si pronunciatum fuisset à Duffæo, mirum, ni eo nomine amburendus fuisset fulmine Excommunicationis: cum tamen semel agnitâ, naturâ Papismi, non putem quicquam dici posse quod magis cum rei veritate concordet: nam meo judicio, hic est verus Papismus, sive grande Pontificium dogma, quod fuit scala ascensûs ad Papatum, seu potestatem Pâpalis geminam & germanam, cujusque primula fundamenta jam jacta erant tempore St. Pauli; & à quo reformationis antelignani nunquam abiverunt, nempe;

“Deum in unoquoque territorio præter
“forum & tribunal summi Magistratûs, id-

“ que politicum civile & terrenum , consti-
 “ tuisse aliud forum & tribunal seorsim & in-
 “ dependens à civili, *ἀνυπόδικτον*, & nulli præ-
 “ terquam Deo reddendis rationibus obno-
 “ xium, ad cujus clavum sedent, vel ut non-
 “ nullis placet soli Episcopi virtute suæ *πρε-
 “ σβυίας* in Presbyteros & plebem Christia-
 “ nam ; vel, ut aliis videtur, verbi Dei ministri
 “ per omnia *ἱερέται*, virtute, seu sacerdotii,
 “ seu ministerii Evangelici, ac functionis sa-
 “ cræ, & pro potestate sua ligandi & sol-
 “ vendi, & clavum in manus pastorum tradi-
 “ tarum ; per quam potestatem, seu Episcopi,
 “ seu alii verbi Dei ministri, ascitis, ut his
 “ placet, in consortium suæ jurisdictionis ad-
 “ ministrandæ primoribus de plebe, decreto-
 “ rio judicio, de quacunque materia religio-
 “ nis, fidei & disciplinæ ; reque cui subesse
 “ potest peccatum, definiunt, ordinant, de-
 “ ponunt, ministerio exuunt & movent, ex-
 “ communicant, absolvent ; decreta, cano-
 “ nes & leges Ecclesiasticas condunt, jubent
 “ & imperant, cujuscunque stationis & or-
 “ dinis hominibus, eosque suis censuris sub-
 “ jiciunt.

Atque illum Papismum viri sancti in sua
 quique patria & Ecclesia retinuerunt in refor-
 matione, non tam à Papismo quàm à religione
 Romana : & eatenus firmaverunt Pontificios
 in ea sententia (quæ est purus putus Papismus,
 quâ stat & nititur Papale imperium, & gra-
 tia & autoritas conciliatur religioni Roma-
 næ) nempe putà in Gallia Ecclesiæ Gallica-

næ

næ regimen, five ad ejus clavum sedeat Papa, five non, pertinere ad solos viros Ecclesiasticos. Verba sunt Synodi Lugdunensis reformatarum Ecclesiarum, art. 28. *De Politia civili statuere, Magistratus est, cui omnes parere tenentur: sed de rebus Ecclesiasticis, pastorum est & Synodorum: & pene omnium reformatorum vox est quam concipit vir doctus Dissertatione de Potestate Ecclesiastica, sectione 4. § 12. Deus commisit regimen Ecclesiæ pastoribus, ut reipublica magistratibus & Regibus: ac proinde pastorum est dissonere de muneribus Ecclesiæ, ut Regum & Magistratum de muneribus Reipublicæ. Ibidem: Unicum medium has duas jurisdictiones conciliandi, & integritatem unius sine alterius dispendio tuendi, est, illas totas & illibatas in eodem statu, quo Deus eas instituit, relinquere; magistratibus politicis rerum civilium, pastoribus Ecclesiasticarum cognitionem & judicium permittere. Verba sunt Calvini, epistolâ ad anonymum, anno 1541. p. 420. Volui, ut æquum est, spiritualement potestatem à civili judicio distinguere. Sic in usum rediit excommunicatio.*

Eadem loquuntur purioris reformationis vindices in Scotia, qui suum schema potestatis Ecclesiasticæ à latere Civilis incedentis exscripserunt ad typum Genevensem, annitente imprimis Andrea Melvino in conventu Edenburg. anno 1570. aiunt penes esse Synodos refigere statuta, & constitutiones, quæ nec populo, nec tempori congruunt, absque ulla intercessione, aut provocatione ad judicem civi-

lem, & in Conventu Taodunensi, anno 1598. omne jus suffragii abjudicant à viris laicis, cum sedent in Ecclesiasticis conventibus: quod faciunt in sua disciplina, lib. 2. cap. 7. & anno 1647. theorem 62. & 88. impr. Edinburg. dicunt, Defectum civilis sanctionis esse quasi lucrum cessans, non damnum emergens: cum nec quicquam addat, nec subtrahat. Et Ecclesiæ disciplinam & auctoritatem constare, sive illam ratam, sive irritam habeat Magistratus.

Paria loquitur Walæus Synops. disp. 48. thes. 19. Negamus Spiritualem potestatem, aut ejus praxin à Magistratûs supremâ auctoritate pendere, sicut quidam recentiores contendunt, cum à solo Christo pendat, & ab ipso sit immediatè concessa Ecclesiæ; ac proinde nec per appellationem, aut provocationem propriè dictam, potestas hæc ad Magistratûs aut Principum tribunal deferri potest, cum ejus executio penes ipsos non sit.

Ut jam perinde sit, sive Papa regnet in Gallia, Germania, Scotia, & Belgio; sive inde exulet Missa & totus Religionis Romanæ apparatus, quandiu eadem potestas, Papali consimilis, seu in Pontificium clerum, seu in Protestantium Pastores recumbit.

Sed quanquam major pars Pontificii cleri in Gallia capit exemplum ex hoc schemate, quod nostri sufficiunt illi: retinendo sibi scortim Jurisdictionem, vel à Papa; vel à Christo derivatam planè geminam & Germanam, attamen

attamen minor, sed sanior pars, cui se adiungunt laicorum doctissimi; censet, siquidem, ut Optatus loquitur, Ecclesia sit intra rempublicam, hujus & illius summum regimen ex æquo ad summum Magistratum pertinere: functionem quidem Sacram deberi Sacro ordini virorum, at nullam jurisdictionem nisi delegatam ab eo. Verba sunt Guillelmi Ranchini in sua Revisione Concilii Tridentini lib. 6. cap. 5. *Ecclesiastici in Gallia derivant suam Jurisdictionem, non à Papa, sed à Rege; licet Jesuitæ contrarium sentiant.*

In eadem sententia est Richerius Sorbonista & Petrus de Marca, nuper Archiepiscopus Parisiensis, qui in sua Concordia Imperii & Sacerdotii ægré fert eandem non ascribi potestatem Regibus Galliarum in regimine Ecclesiæ, quæ attribuebatur Davidi, Ezechia, Josia, in quorum regno nullæ partes erant sacerdotibus legislationis & jurisdictionis, imo ne rerum sacrarum, vi sui sacerdotii, sed ut communi jure gaudentibus, cum Principibus populi; & vult parem rationem esse debere regiminis Evangelici sub Christianissimis Regibus, qui quidem, teste Gregorio Turonensi, habebant primis seculis summum Ecclesiæ Gallicanæ regimen; ipsumque Clodouæum in Concilio Aurelianensi agnitum fuisse Caput suæ Ecclesiæ. In summa, saniores de clero Romano eadem loquuntur quæ Synodus Parisiensis VI. & Ilidorus. *Intra Ecclesiam Potestates necessarie non essent, nisi quod non prævalet sacerdos efficere per doctrinæ Sermonem, hoc im-*

pleat Potestas per disciplinae terrorem.

Idem possum affirmare de saniore parte, licet minore pastorum reformatorum in Gallia, qui in ea sunt sententia, Disciplinam Ecclesiarum reformatarum, haberi, vel Magistratu averso nec satagente res Ecclesiae, per mutuum consensum & disciplinam confederatam, quæ supplet locum Magistratûs, vel per delegatam ab eo potestatem, ut non opus sit recurrere ad potestatem tam vanam & chimericam, ut est Ecclesiastica, quam foret potestas fabrilis, mercatoria, militaris per quam coetus fabrorum, mercatorum, & virorum militarium res suas ordinant & dispungunt.

Si excurrimus ex Gallia in Angliam, ibi minor & sanior pars Cleri, imo Reverendorum Præfulum, censet illam potestatem separatim habitam, esse, quod diximus, merum Papisimum: in quam rem allegamus capite secundo aurea verba dicentis quod *dogma sit Pontificium, affirmare, Regimen Ecclesiasticum est distinctum à politico*. Si ex Anglia trajicimus in Belgium, ibi minor sed sanior pars pastorum censet cum Maccovio, Riveto, Vedelio, Polyandro & Marcello, potestatem Pastorum subijci Magistratui, ut subalterna potestas summae supponitur.

Dolendum sanè, quòd in prima reformatione viri illi sancti de clero, Calvinus, Beza, & alii in sua quique Patria, in id potissimum non incubuerint, ut Potestatem ademptam Papæ veris dominis redderent, nec sibi reservarent: saltem dolendum, quòd palam non

non professi fuerint , illam de jure ad Potestates seculares pertinere , nec à se vendicari , nisi aut non curante , aut non attendente , Magistratu ad res Ecclesiæ , nec assumi , nisi per concessionem Ecclesiarum particularium , quæ , absque Magistratu amico & benevolo , recidunt in conditionem liberi populi.

Certè si hujus veritatis de natura Papismi intelligentiam dedisset Deus viris sanctis , majores progressus fecisset reformatio , & pridem concidisset imperium Papæ , quod primi illi Reformatores instillassent unctis Domini , non suum esse , sed illorum : sed eò majores progressus reformatio fecisset , si larvam vocabulorum , *Ecclesiastici* & *Spiritualis* , quibus Papa suum imperium terrenum in Reges & populos & acceptum & πέντε reddit , illi eripuissent : nec eo involucro & tectorio vocabulorum ipsi suam potestatem in greges Domini obduxissent. Hæc tam doleo esse vera , quam Olape est hunc dolorem in sinum Viri integerrimi effundere. Porro longioris epistolæ , non aliam causam addo quam Balzaci ad amicum ; Cum non vacaret brevem , se longam scripsisse Epistolam.

Wiro

XVIII.

Viro longé Illustri,

DOMINO

ROBERTO MORAVIO,

Equiti Aurato.

EXcitavit me fama Moraviorum scilicet, Tui, viri, Ingenio, Judicio, Morum elegantia & suavitatem eruditioneque præstantissimi, Tuorumque proavorum, qui magnam Historie partem implent, quorum virtutibus heroicis Studium tuum in Christianam Religionem & pietatem, atque Regiæ prosapiæ & coronæ decus, tum Mæcenatis partes & officiosa humanitas, erga illos qui colunt rem literariam, tam severiorem quam humaniorem, cumulum adjiciunt. Hæc inquam fama me excitavit, ut te quasi per jugulum prehenderem, nec vim tamen aliam inferrem quàm rogantis & precibus imminentis, ut petenti Maximæ controversiæ Jugulum favere & subservire velis, nosque inter Tui cultores censere.

Viro

Viro longé Illustri & Eximio,

DOMINO DOMINO

JACOBO LANGHAMO,

Equiti Aurato.

Quamquam imparem tibi, ingenio & eruditione, imprimis Romano eloquio, in quo tibi ultrò fasces submitto, diu me sustinui, propriâ verecundiâ & meæ tenuitatis conscientîâ, tene Epistolâ, aut latinâ, aut aliquâ compellarem: non diu tamen mihi ambigendum fuit, utrum necne te accenserem viris & Principibus & Illustribus, quibus impensè cupio, meam novam *Rationem* probari: cum plures de tuo judicio quàm de quoquam habeam causas cur bene sperem; tum in eo triumphem, etiam non ponendo in conditionibus boni & æqui Judicis tuas doctes acerrimi & defæcatissimi, seu judicii, seu ingenii, & reconditam Divini humanique juris cognitionem; imo nec numerando sanctitatem, seu pietatem vitæ castigatissimæ, quarum, saltem aliquis modus cadere debet in eum, quem tibi dispicias incorruptum & æquum judicem: sed in conditionibus boni & æqui judicis, judicii que ponendo, illos calculos, illas rationes, illas suffragationes, quas omnes conjunctim & agminatim, in quemquam nisi te unum, vix cadere crediderim: qua-

quarum ducit agmen quam Martialis ponit in conditionibus vitæ beatæ , nempe rem lautam & florentem , eamque non partam sed relictam , ejus qui sit quod velit , nihilque malit : nam de te hoc dicitur , qui cum in florenti fortuna ab illustri Parente tuo , viro amplissimo , etiamnum superstitè , accepta & per virtutem ad culmen aut togæ , aut dignitatum civilium conscendere pollit , hunc tamen , aut sapientiæ , aut ambitionis modum retinet ; hancque sibi modestiam indicit , ut malit , consistere in statione viri principis inter nobiliores equestris Ordinis , quàm altiùs asurgere ; præferens honestam quietem , studiaque literarum in seducto , vitæ actuosæ , sed habitæ inter celsissimas regni dignitates & munera , quò te tua virtus proveheret : quibus conditionibus , quæ te præstant æquissimum meæ opellæ judicem , qualem in præsens mihi depono , accedit quod , nec amor imperii , nec spes opimi , aut beneficii Sacerdotalis , aut Episcopatus , ut apud gentem sacram , te præjudiciis obcæcet , deflectatque à vero , recto & æquo , ut nec metus ferulæ Ecclesiasticæ aut exclusionis liminibus Ecclesiæ , te transversum actum ad obliquum judicium compellat , cui ipsa domus Ecclesia est : à qua nunquam exit , nisi quando pedem domo effert. Ut jam cum tot conditiones boni & æqui judicis in te unum quasi fœdere facto concurrant , planè optimo & recto judicio coram te , aut damnari aut laudari debeam. Utut sit , tam jucunda erit simplicitas dissentientis , quàm comp. obantis autoritas. Ge-

X X.

Generoso & Illustri Viro,

DOMINO

EDMUNDO BERY
GOTOFREDO.*Equiti Aurato, Irenarchæ, seu Justi-
tario Pacis.*

HÆc opella, vir Amplissime, ultrò pro-
perat ad subeundum tuum judicium, id
postulante amicitia quam dignaris mecum co-
lere, & merito tuo, quorum alterum efficit
ut id velim, alterum ut debeam; hoc im-
primis, hisce tuis naturæ dotibus, ingenii acer-
rimi, judicii detæcatissimi, & altissimi intel-
lectûs, quibus pretium addit ut bractea gem-
mæ supposita, cultura penitioris Divini, hu-
manique juris, eruditionisque amœnioris, nec
non pietatis castigatioris: tum vita viri con-
sularis per multa experimenta exacta, per
quæ non tam usum, quàm contemptum
mundi didicisti. Certè probasti te integer-
rimum judicem, invictum adversus gra-
tiam, & fraudibus blandientium intrecta-
bilem, accurantemque, ne cuiquam, ne-
dum afflicto, vexato, & innocenti suum jus
pereat:

pereat ; nec amico charitas tua , non fides,
 nec auxilium desit : quæ non do tuis auri-
 bus , expertus loquens de te , qui semper apud
 me implevisti partes viri , suo consilio , con-
 fortio & amore , me , vel juvantis vel re-
 creantis, Vale.

Longé

Longé Clarissimo Viro,

DOMINO

JOHANNI WALISIO,

S. S. Theologiæ Doctori & Mathemati-
carum Scientiarum Professori cele-
berrimo.

Quamquam, jam sunt viginti anni, & quod
excurrit, postquam veni in consuetudinem
Magni Walisii; attamen nunquam exculpere
potui, quamnam essent ejus sensa, circa illas Hy-
potheses quibus moles nostræ novæ Rationis insi-
stet: an illa fuerit indifferentia, an indiligentia
rei cognoscendæ? ut jam utrobique debemus esse
æquior lectôr opellæ, ad quam accedes integris
animis & nullo partium studio abreptus.

Longé

Cla-

XXII.

Clarissimo & Doctissimo Viro,

DOMINO

JOHANNI OWENO,

S. S. Theologiae Doctori.

ET te quoque, Vir Clarissime, compello, futurum unum ex lectoribus meis, cui hæc nostra perinde placitura confido, ac Vauquelino meo; quocirca quæ illi dico in Gallia, puta tibi dicta esse in Anglia, & à me juxta rogatum, ut author sis rei longè gravissimæ, quam hac dissertatione, aut aggreddior, aut molior, diffundendæ ad plures: Opus sanè usu & utilitate maximum paro, sed quod parvis momentis ad umbilicum perduco; parvo sanè impendio, aut temporis, aut scripturæ; ut quod penè uno temporis puncto & intra ambitum periodi concludo; sed eo fructu, ut non dubitem affirmare, hoc momentum insumptum rationi exequendæ quam doceo, plus effecturum ad debellandum & Papam & Papismum, quam integrum seculum per viam tentatam & tritam ab immensa multitudine, mole & numero virorum & librorum effecit, & quibus postquam penè uno ictu, ævo Lutheri & Calvinii à Papa descitum est, reformatio retro, certè potius rursus quam prorsum ivit. In causa potissimum fuit
reten-

retentâ à sanctis viris Potestas Ecclesiastica ;
 impositum esse mysterium iniquitatis ; plané
 imbibit ; etiam ponendo , rem esse bonam ,
 sanctam & imperatam à Christo , licet via ,
 quæ id ponit & supponit , paulò sit longior &
 circumductior : nempe quemadmodum sub
 fugo pietatis , sæpe latet iniquitas , sic Papam
 omnium maximam (secundum illam quæ fuit
 Judæ) seu mysterium iniquitatis patravisse &
 implevisse extruendo imperium terrenum ,
 ereptum mundi Dynastis , fucandoque , ne fraus ,
 iniquitas & impietas dispalescerent , tectorio
 & involucro potestatis illius sacræ , Ecclesia-
 sticæ & spiritualis ; quam ejus vindices , in
 quibus sunt aliqui Protestantes , rem volunt
 tam esse bonam , quam pietatem , nec ejus
 usu , sed abusu in ea errari : ut jam utrobi-
 que constet ratio novæ *Rationi* , & causæ ju-
 gulo , vel tollendo è mundo , vel retinendo
 potestatem Ecclesiasticam . Sed si rectè ratio
 putatur (& hunc intellectum det Deus Pro-
 testantium doctõribus & antesignanis) tam
 certum est ruinâ potestatis Ecclesiasticæ , invol-
 vi ruinam Papæ , quàm certum est subruen-
 do & dejiendo columnas & fundamenta do-
 mûs , totum ædificium corruere debere : quo-
 circa gaudebant in sinu Patres Tridentini ,
 quod Lutherus & Calvinus illam fartam &
 integram in reformatione servassent potesta-
 tem . Nec minus eo nomine læti erant Pau-
 lus V. Baronius , & Bellarminus in controver-
 sia inter Papam & Venetos , quod de centum
 viris , qui Tractatus ederent pro aut contra

Papam & Venetos, seu Pontificiis, seu Protestantibus, vix unus fuerit, qui non grande hoc ~~munus~~ pro concessio arriperet, nempe dari in mundo potestatem Ecclesiasticam, & si quid peccatum esset à Papa, id duntaxat fuisset in ejus abusu: nam, ne unus de Protestantibus extitit, & illis tuentibus partes Venetorum, qui non impingeret in illud saxum abusûs, cum tamen id debuisset esse Jugulum causæ & litis contestatio, tribus hisce Capitibus comprehensa.

1. Quicquid juris & potestatis sibi assumebat Papa Paulus V. in Venetos, fuisse de jure & potestate Domini temporalis in subditos, clientes & fideles.

2. Potestatem Ecclesiasticam duntaxat ad fucum obtentam, cum sit potestas vana & chimerica, adeoque ejus præcipuus actus, fulmen & censura ut est excommunicatio, sit merum terribilamentum avium, nemini nocens qui illud contemnit.

3. Nec si potestas Ecclesiastica res esset realis & bona, magis pertinere ad Papam quam ad quemquam de clero, nec illos attingere debere qui habitant extra, aut territorium, aut provinciam Papæ.

Ejusmodi argumenta nulli præterquam Patri Paulo, seu Petro Sarpio succurrerunt, & qui sanè nisi solitarius fuisset, potuisset litem totam dirimendo solo auxilio illorum argumentorum, & Papam & ejus imperium in Venetos & cæteras mundi partes pessumdare. Certè cum semel dixisset in quarta propositione

tione tractatûs cui titulus *Risposta d'un Dottore in Theologia*, non aliam pastoribus ac proinde Papæ datam à Christo potestatem præter potestatem verbi agentis in corda hominum, Bellarminus noluît ingredi in materiam, in qua ipsi Protestantes & Pontificii essent *ὁμόφωνοι* & concordēs, admittendo ex æquo Potestatem Ecclesiasticam : sed ne nihil diceret ea tantum verba reponit : *questo appunto è l'heresia di coloro che tolgono al Papa & alla Chiesa ogni giurisdittione : hæc est illorum hæresis qui Papam & Ecclesiam spoliant omni jurisdictione.* Nam quicquam addere de potestate ipsa Ecclesiastica, aut de illa quæ tribuitur Papæ fuisset cancrum (potius relinquendum, quo diutiùs vivat æger) curatiùs attrectare : quocirca Sarpìus observat Papam ejusque legatos imprimis cavisse in Concilio Tridentino, ut ora obturarentur illorum, qui non solum volebant potestati Ecclesiasticæ habitæ à Papa modum & limites ponere, sed & de natura istius potestatis verba facere : nec unquam, si quâ ejus mentio eis fieret, potuisse doctores sic mentem suam explicare ut intelligeretur dari aliquam differentiam inter potestatem Civilem & Ecclesiasticam. Verba sunt Sarpìi, quibus aurum non est pretiosius. *Si nega in parole che la giuridittione spirituale sia un dominio come quella del secolare : ma non si sa por tra loro differenza reale.*

Sed subit mirari, quod Protestantes non minus quam Pontificii refugiant, istius potestatis arcana, fraudes, saltem inutilitatem pa-

lam facere aut fieri : quæ non solum causa est durationis Papismi , sed & collisionis inter Protestantes ; cum tamen non possint edere , quid utilitatis ex ejus usu in Ecclesias reformatas redundet . Subit quoque mirari , quod qui inter se digladiantur super doctrinæ capitibus , ut pugnant Pontificii cum Protestantibus , Lutherani cum Evangelicis , hi sensibus invicem à se abeunt : sint tamen omnes concordēs in consilio retinendi illam potestatem Ecclesiasticam , ejusque excommunicationem : mirarer sanè , nec ex hoc stupore emergerem , nisi scirem optimos quosque affectibus & suâ cuique utilitate duci : illam potestatem esse Helenam , quam quisque sibi vellet , esse tunicam , de qua Tacitus , quæ primò induitur & ultimò exuitur : certè Calvinus istius potestatis retinentior , agnoscit tamen epistolâ ad Tigurinos Ministros anno 1553. dari pios & doctos homines , quibus sub Christianis Principibus non videtur esse necessaria excommunicatio , in quibus fuerunt Martyr , Musculus , Gualterus , & venerandus Bullingerus , qui epistolâ ad Dathenum ait , disciplinam quidem esse debere in Ecclesia , sed satis esse si administretur à Magistratu , quæ in re longè abeunt ab illis viris quos Calvinus ait fuisse pios & doctos Illi Presbyteriani juxta pii & docti , cum excommunicationem usque adeo necessariam esse Christi institutionem affirmant & salvificam , ut penè eam æquent utilitate Verbo & Sacramentis : nam sic loquuntur in suo Dissensu pag. 63. cæterum

rùm ni metuerem ne materia hæc sequax me
 abripiat extra modum epistolæ, possem tibi
 insinuare, quibus de causis & motibus &
 qua ratione Potestas Ecclesiastica in mundum
 reformatum à Calvino fuerit introducta;
 (nam ab eo solo introductam, aut potius eo
 authore retentam de reliquiis Papismi fortiter
 affirmo) nempe id factum est ex occasione
 injuriæ, quam Magistratus Genevenses fece-
 rant in prima reformatione Verbi Dei Mini-
 stris, diminuendo eorum capita jure civitatis,
 & arcendo eos à regimine reipublicæ (ad quod
 jure Divino & humano, exemplo Judaicæ rei-
 publicæ æquum jus habent cum Principibus
 populi) quam injuriam ulturus Calvinus (an
 potius, ut credo, meliore mente) ne deesset
 genti Sacræ imperium, videtur in hostimen-
 tum introduxisse hanc Chimericam potesta-
 tem, imperiumque Ecclesiasticum separatum
 & distinctum à Civili, & cujus nullus erat
 usus in Germania, nec inter Ecclesias fun-
 datas à Zuinglio, qui excommunicationem ut
 sæcem Papalem valere jusserat, testibus Bul-
 lingero & Gualtero. Sed redeo in viam, & no-
 vam nostram *Rationem* cujus tanta est veritas
 & utilitas, ut etiam admittendo potestatem
 Ecclesiasticam & excommunicationem tam
 esse institutionis Divinæ quàm Verbum & Sa-
 cramenta, non minus conficiatur illas adhi-
 bitas ad implendum mysterium iniquitatis &
 fucandum imperium Papæ, quàm si de illis
 statuatur ut de figmentis humani cerebri, &
 quibus Papa & Clerus authoritati suæ velifi-

cantur. Certé nova nostra *Ratio* funda est
 cujus marsupio exceptus silex uno ictu nec re-
 petito coniectus & adactus in Papam, ad ter-
 ram daret illum Goliath, & eâdem ruinâ in-
 volveret totum Papismum & Missaticum ap-
 paratum. Nec omittendum, quod per no-
 stram novam *Rationem* facilis & expedita est
 enodatio omnium controversiarum quæ non
 sunt de fide, veluti inter Pontificios ipsos de
 natura & potestate Ecclesiæ, Papæ, Concilio-
 rum: nam per nostram *Rationem*, Ecclesia
 Romana, tam est imperium terrenum, quam
 imperium Augusti & Constantini: & perso-
 na quæ sedet ad clavum imperii tam perpe-
 ram vocatur Papa & Episcopus, quam po-
 testas Papæ in terrarum Dominos nuncupa-
 tur Ecclesiastica & Spiritualis; adeoque tam
 futile est disputare uter Papa an Concilium
 præesse & prior esse debet, quam quærere
 an Rex an verò Parlamentum præponi de-
 beat. Par facilitas & expedita ratio, per
 nostram novam *Rationem* apud Protestantés
 enodandi omnes controversias, circa naturam
 & potestatem Ecclesiæ, pastorum, Synodorum,
~~synodalis~~ Episcopalis, & circa modum im-
 perii & obsequii in sacris, & quatenus Pote-
 stas secularis admota clavo, aut regni, aut
 reipublicæ, est caput rector & gubernator,
 imo Episcopus Ecclesiæ: quæ quidem con-
 troversię, dispendio veritatis, pietatis &
 Charitatis, Protestantes in Europa inter se
 colliserunt. At in Anglia, inter Hierarchicos &
 Puritanos: hos in Presbyterianos & Inde-
 pen-

pendentes divisit , luctuoso sané dissensu
 potius quàm Schismate, cujus naturam nemo
 ante te intellexit, & quam quoque exhibet
 nostra nova *Ratio*, insistendo illis hypothefibus
 quas me docuisti.

F 4

Summo

XXIII.

Summo Theologo,

DOMINO

THOMÆ BARLOW,

S. S. Theologiæ Doctori & Professori in
 Illustri Academia Oxoniensi, & Biblio-
 thecæ Bodleianæ Custodi.

Quanquam de more Novitas argumenti libra
 lenocinatur : attamen , seu quia conscius
 sum meæ tenuitatis ; seu quia diffusus titulus
 libri plus in speciem promittente , quàm in pro-
 gressu præstare queam , semper metui , ne ejus
 lectione deterrerentur , etiam prompti ad nova &
 mira : quocirca , ut mihi lectores pararem , mi-
 rum , ni imitari debui agyras , qui quò sua
 pharmaca (an pixides) divendant , solent emp-
 tores aliquo spectaculo allicere , vel transeuntes
 distingere & rogare ut ad se respiciant . Sed has
 artes , Vir Clarissimè , non adhibeo in præsens
 apud te virum cordatissimum & humanissimum
 juxta ac doctissimum ; certè librorum usque adeò
 bellonem , & qui cum Plinio Seniore censet
 nullum librum esse tam malum , ut non aliquà
 parte possit prodesse : ut non verear , qui tot Bib-
 liothecas exantlasti , devorasti ; imo totius or-
 bis florentissimæ , librisque ac codicibus locu-
 pletissimæ es custos , lector & nomenclator , non
 sumpturum in manus nostram opellam , nec le-
 cturum

*clurum nisi exoratum & precibus nostris perma-
tum: nam & in illa forsan aliquid esse potest
quod juvet, si non approbatione, saltem inâ
censurâ dignum, & quod obelo tuo configas; ut
si quâ erravi me reducas in viam, certè non
laudare sed carpere me, vocabo hoc tuum judi-
cium, Vale.*

Clarif-

XXIV.

Clarissimo, Doctissimo & reverendo
Viro,
DOMINO
THOMÆ MANTONO,
S. S. Theologiæ Doctores.

Cum primùm consilium animo agitavi
subjiciendi Epistolæ meæ nuncupatoriæ
plures alias, tanquam ad lectores meos, vi-
ros Principes, illustres Theologos, Juris-
consultos, Medicos: cumque mihi sponde-
rem futuros æquiores Judices & lectores opel-
læ meæ de illustri Hierarchia Anglicana, quam
de reverendo ordine Presbyterianorum: quos
noveram in antecessum, nec visam nec ar-
reptam manibus damnaturos; apud me ob-
firmatē constitueram, neminem horum, sed
potius unum aut alterum illorum compellare,
quorum aliqui planē conspirant, cum illis
hypothesibus & fundamentis, quibus tota in-
cles nostræ novæ *Rationis* innititur. Nam in
Hookero lego (lib. 8.) *Rex est caput Ecclesiæ,*
quatenus est corpus politicum, alioquin Ecclesia
non aliud caput habet præter Christum. Et in
Irenico Edoardi Stillingfleet, p. 47. *Licet ob-*
jectum constitutionum sit Ecclesiasticum, tum
personæ quæ eas definiunt & materia sint Ec-
clesiastica: attamen robur & fundamentum ob-
liga-

rationis illis parendi, plane civile est. Et pag. 127.
bi Ecclesia in corpus Reipublicæ Christianæ
uit, ejus summa authoritas ad eum pertinet,
quem Reipublicæ authoritas. Et in tract. de
xcomm. p. 30. Vis & virtus, excommunic-
onis in foro humano à civili Potestate emanat,
que datur proprium effectum illius quod non
eat à sanctione Magistratûs. Quid? quod eo-
em tractatu, non aliam admittit excommu-
cationem, quàm exclusionem & expulsio-
em à coetu, ut non præteream Authorem
dissertationis longè eruditæ, cui titulus est
piscopal Inheritance, qui pluribus docet, di-
inctionem Jurisdictionis in Ecclesiasticam &
civilem esse de fabrica Papæ, Dogma (inquit)
Pontificium, asserere regimen Ecclesiasticum
distinctum esse à Politico.

Quanquam, inquam, staret sententia totum
 astrum ordinem præterire præjudiciis ex-
 tum & abreptum, deposui tamen meum
 gorem, cum de te cogitavi, quem aliquan-
 o audiavi pronunciantem, plus arridere il-
 d regimen Ecclesiæ, in quo, hinc Magistra-
 is imperia, illinc pastorum hortationes, sua-
 ones, persuasiones & monita plus valerent,
 cui proculdubio magis arridet modus ex-
 communicationis ab Authore Irenici positus,
 am qui ex tripode pronunciat à Conven-
 Theologorum Presbyterianorum in suo
 issensu à fratribus Independentibus, pag. 63.
 erba sunt *Excommunication should be embrac-*
ed as a soule saving Ordinance of Jesus Christ
well as the Word and Sacraments, hoc est, Ex-
 com-

communicatio recipi deberet ut salvifica animarum Institutio à Jesu Christo, perinde ac Verbum & Sacramenta, cum tamen inter constitutiones Evangelicas latas à Christo & Apostolis, nullus locus sit excommunicationi; & tametsi constet, multas myriades hominum, vel ad fidem conversas per Verbum, vel in fide firmatas per Sacramenta; attamen, ne unum aut alterum exemplum proferri possit hominis cui excommunicatio, nisi quatenus fraus pia, ad salutem profuerit; certè omis- sam non nocere bonis viris qui cum impiis communicant, testantur Patres, imprimis Au- gustinus Epist. 48. ad Vincentium, Manifestum est non contaminari justos, alienis peccatis, quando cum eis Sacramenta communicant. Te- statur venerandus Beza Epist. 2. ad Tilium, Ut ritè accedam ad Cœnam non est mihi scrutan- dum, quâ quisque conscientia ad eam mecum accedat: sed de mea ipsius conscientia laboran- dum est, &c. ubi plura in hanc rem. Testatur & summus Vir Gerardus Vossius Disp. 21. disp. Theol. & Hist. nec credibile est Calvinum existimasse Excommunicationem de necessita- te salutis retinendam esse: cùm, scribens ad Tigurinos Ministros anno 1553. sic loquitur. De excommunicatione, non omnes hodie idem sentiunt, nec me latet pios & doctos esse homi- nes quibus sub Christianis Principibus non vi- detur esse necessaria Excommunicatio, neque enim piis accenseret illos qui repudiant In- stitutionem ad salutem necessariam; sed vero similis est Calvinum censuisse excommunica- tionem

ionem necessariam esse in Ecclesia non ad salutem, sed ad firmamentum imperii Ecclesiastici à civili distinctum, quod primus Vir sanctus introduxit in orbem reformatum, & cui nulla gratia, nulla authoritas accessisset, absque illo *μνημονεύει* & terriculamento.

Hæc cum animo volverem, religio mihi venit, te accensere, Presbyterianis (hoc est minus æquis de mea dissertatione iudicibus) isti nomine pietatis castigatæ in Deum & fidei victæ in Regem, quæ tibi & illis juxta sunt cordi. Adde quod reputatio Tui, viri, ingenio, judicio & candore præstantissimi, cui Anglia superiorem, vix parem non habet auditione, & quem summo affectu prosequor maximum mihi fuit incitamentum, & argumentum ad benè sperandum de æquitate iudicii Tui.

Clarif-

Clarissimo Theologo,

DOMINO

EDOARDO STILLINGFLEET,

S. S. Theologiæ Doctori & Regio Sacellano ordinario.

VELIS, nolis, esse lector meus, vel abjiciendo chartas meas, si tibi obruduntur, ut vix tuo conspectu dignas; vel in manus sumendo, te hoc dilemmate traho, si non adduco ad id quod volo; tibi vel damnandum esse tuum Irenicum; eruditum sanè & subacti judicii Opus, adeoque unâ liturâ, corrigendum, ne dicam expungendum; vel fatendum, novæ meæ Rationis ædificium hypothesis tui Irenici superstructum esse, sive illæ sint tuæ, sive ab alia occupata.

Ex-

XXVI.

Excellentissimo Viro,

DOMINO

THOMÆ COXE,

Archiatro Regio.

Cum mihi dispicerem lectorem in turba
 laicorum, quibus solenné est de toto rei
 complexu, (aut cujusquam quæ non est de
 fide) quam tracto, imprimis *distans* pro-
 nunciare; viris de clero sæpius in re sua, sua
 cuique utilitate & studio partium à vero ab-
 ductis: cum, inquam, in vestro laicorum
 agmine dispicerem aliquem qui meam opel-
 lam in manus sumeret & aliis laudaret com-
 mendaretve, tu primus omnium mente oc-
 curristi Vir princeps inter Archiatros Regios,
 quem jam in antecessum compertum habeo,
 imo certus sum, probaturum esse illam: ut
 non opus habeam tuum iudicium ambire, aut
 emercari testificatione amoris, quæ te prose-
 quor, & in tuo conquiesco; & gaudeo, &
 exosculor, colo & revereor te tuasque virtu-
 tes & dotes; in quarum choro, sunt iudicium
 acerrimum, ingenium comptum & in nu-
 merato, morum suavitas & elegantia: Eru-
 ditio in re Medica maximis artis filiis par;
 aditus *inest*, & à quo nemo non recedat
 doctior, melior, & lætior: quibus ornamen-
 tis

tis ut bractea gemmæ supposita , in Deum
 citra fucum pietas, per quam nemo tuam do-
 mum ab Ecclesia distinguat , splendorem ad-
 jicit. Nam non erit injuria Medici, in eo
 prædicare , aut religionem aut pietatem ,
 tanquam virtutem supervacaneam.

Præ-

XXVII.

Præstantissimo Viro,

DOMINO

JONATHANO GODDARDO,

Medicinæ Doctori.

Jura veteris consuetudinis violarem, si te à quo amari & cui placere hæc nostra velim, unum de lectoribus æquis opella meæ non figerem & destinarem, quem jam tot annos novi virum judicio, eruditione, pietate, candore, & suavitate morum & elegantia cultissimum: nec sensibus ni fallor abeuntem ab illis hypothesebus, quibus nostra nova Ratio tanquam columnis & tibicinibus insistit, nititur, fulciturque: Cujus meritis, virtutibus & dotibus, cum abique, tum maxime in illustri Regio Collegio fulgentibus nulla par oratio reperiri potest, quamquam eo major in eo sis, quod vita tua, eruditio, dotes, non cieant ut æra vacua magnos tinnitus, sed ut alta flumina minimo sono labantur, atque minus pompe, plura in recessu gerant.

G

Con-

XXVIII.

Consultissimo Viro,

DOMINO

JOHANNI SADLERO,

Amico veteri.

Cum reputo te Jurisconsultum, futurum
 æquiores Judicem & lectorem meæ opellæ,
 quàm quemquam de gente sacra; succurrit
 illud Optati contra Parmenionem dicentis, Ubi-
 que veritatem studiis impediri, imprimis ab
 illis quorum maximè interest ejus vindices esse;
 quasi quisque in re sua prædeditus sit amore,
 odio, invidiâ, adeoque à recto & æquo abreptus:
 ut Ethnicus qualis fuit Imperator Aurelianus,
 optimus sit arbiter causæ inter Paulum Samosa-
 tenum, & Synodum Antiachenam. Ptolomeus,
 tempore Judæ Maccabæi, in controversia inter
 Judæos & Samaritanos. Nam ea fuit senten-
 tia & praxis S. Augustini: ut, cum anno 392.
 in lite inter Ipsum & Fortunatum Manichæum,
 voluerit stare potius judicio populi Hipponensis,
 quàm cujusquam Episcopi, aut coetûs virorum
 Ecclesiasticorum. Inde est quod videas viros,
 hinc de sacro ordine, amore aut imperii aut opi-
 mi sacerdotii omnia loca Sacræ Scripturæ, Dic
 Ecclesiæ: Sit tibi: Tibi dabo claves, &c. &
 Quicquid ligaveritis, &c. semper inflectere ad
 suam potestatem, perperam dictam, Ecclesiasti-
 cam:

cam : illinc de natione laica, ut sunt Grotius & Drusus, vocabulum Ecclesiæ Matth. 18. intelligere de pluribus quàm sunt duo vel tres, quorum judicio pars ledens stare recusat, illisque non de sacra functione, sed de populo viris : qua in re imitantur Papæ adulatores, qui ex quolibet Scripturæ loco quidlibet exculpunt : unde Papali authoritati & imperio velificentur : ut jam rectum judicium expectem ab omnibus tuæ togæ viris, de mea nova Ratione : at non nisi obliquum & perversum à plerisque de ordine Ecclesiastico, nisi forsitan tuo judicio obstat, tua mei charitas : at contra auguror fore, ut operi meo apud te gratiam amor nostri adjiciat : neque enim soli bcne judicant qui maligne legunt.

XXIX.

Apprimé Reverendo Viro,

DOMINO

RICHARDO BAXTERO.

TE etiam virum integerrimum , judicio subactissimo & defecatissimo , tum pietate citra fucum insignem , pono inter eos qui dignabuntur nostra legere , & cui maxime cupiam probari : cui si non placent singula nostræ novæ Rationis corollaria , hâc jucundâ opinione me mulceo, mibique gratulor, futurum, ut probes in summa rei animum in magnis voluisse, & consilium explicandi, modo hætenus non audito, naturam mysterii iniquitatis apud S. Paulum. Cui mysterio etiam revelando & recludendo sedulam operam navas , secundum illam quam impendis in mysterio pietatis , exponendo, tradendo & inculcando per conciones & lucubrations, ipsa intima , adyta , flexus & recessus cordis penetrantes : quò magis confido hac pietate , quam præter res ceteras habes præcipuam , tum hoc judicio subactio , te citra præjudicium & studium partium futurum lectorem meum : imprimis postquam audiivi illud de te proferri judicium à viris non usquequaque æquis in Puritanos , quos vocant ; tum in multis à tuis placitis abeuntibus , sed probis & cordatis, ceterum judicii acerrimi & emunctæ naris ; postquam , inquam , audiivi de te hoc judicium pro-

proferri, Te usque adèd, esse bonum, probum, pi-um, justum & equum amantem; nihil gratiæ can-sa (nisi veritatis) quicquam credentem, di-centem & profitentem, ut, si standum esset duo-rum Anglorum judicio in eligenda, reforman-da, commendanda, componendaque religione in orbe Christiano, saltem in Britannico, unde illustrior veritas, sanior fides, vita sanctior, pax alior & tranquillior affulgeret, benè age-retur, si non alii Judices assumerentur (si am-bo in vivis essent) quàm Jacobus Vsserius, nu-per Archiepiscopus Armachanus, & Richar-dus Baxterus nuper verbi Dei Minister apud Kederminsterienses, ad quos referretur de omni controversia & lite, in religionis negotio: non quod vobis lis esset cum quoquam super ingenio & eruditione Divini, humanique juris intel-ligentia & rerum usu, per multa experimenta; sed quod equitate ceteris potiores essetis: quo-rum sententiæ prolata, interni sensus concor-darent, & cujus nullum esset pretium quàm bene judicasse.

XXX.

Reverendo & Ornatissimo Viro,
 DOMINO
 THOMÆ GOUGE,
Amico Coniunctissimo.

NON debui te virum apprimè reverendum, quem summo affectu colo & prosequor eximere de choro illorum, quibus impensè cupio, nostram opellam probari: quanquam non est mihi multum laborandum, ut te habeam ejus æquum judicem, hisce tuis moribus, & hocce tuo vivendi genere; in quo extrorsum & introrsum felix, non pendes ab aliorum, aut judiciis, aut divitiis, & quem multis nominibus omnium hominum beatissimum reputo, in hac quidem vitâ, mente tuâ, sanâ piâ & lætâ, in corpore sano; & re tua non partâ sed relictâ: at in futurâ propter eum animum tuum jugiter foras eminentem & cælestia spirantem, tum præconcepam à te æternitatem: quem novi à teneris, venerandi Parentis curâ & præceptis imbutum, per perpetuum, parem & æqualem vitæ Sanctæ & castigatæ tenorem adolevisse, & ad vegetæ & crudæ Senectutis hosce primos aditus pervenisse, malis irreprehensibilem, bonis omnibus charum, imo in obvium quemque, seu afflictum & jacentem, seu

seu vix de facie notum , cõmem & benefi-
cum , tantâ charitate , humanitate , pectoris
candore , & oris probitate ; ut non putem
quemquam extare , qui melius te exprimat
imaginem viri boni : ad cujus exemplar &
mores vivere , & in cujus consortio & sinu , mo-
ri imprimis vellem : ac proinde , quo de
meis laboribus non alium mihi æquiores aut
eligerem aut sponderem judicem , Vale.

XXXI.

Eximio & Præstantissimo Viro,
DOMINO
THOMÆ COXIO,
Armigero, amico conjunctissimo.

Cum constitutum esset mihi dispicere viros eruditione, ingenio, & per sua & aliena experimenta doctos, qui idonei forent Judices & Lectores Opellæ meæ, non alios credidi compellandos præter ætate grandiores, ratus in hos imprimis æquum & subactum judicium cadere. Sed tuî reputatio mihi hoc dictum apud Plautum comprobavit, Non ætate, sed ingenio sapientiam comparari: Tuî, inquam, spe & juventâ properi, & cujus cursus ingenii, eruditionis & prudentiæ celerior est quam ætatis: Nam cum in homine sit duplex naturæ vis, altera corporis, quæ citò, altera animi, quæ tardius adolescat: de more fit, ut corpus citò maturum, ad voluptates sit proclive, antequam ab animo nondum adulto cohiberi possit: plerisque in eo tuæ ætatis flexu, aut ad vitia se applicantibus, aut saltem ad virtutem quasi perclivum tendentibus. Tibi contra usu venit; cui bonum virum, probis, piis & ornatissimis moribus esse, tum sedulum & intentum in proposito assurgendi ad magna, grandia, fortia

tia & honesta quæque , sit in proclivi , ut in via virtutis per ~~deverum~~ feraris : nam per piam sollicitudinem Parentum & tuam indolem ad virtutem ductilem , tua adolescentia castigatissima , sic ex facili te in juventutem juxta cultissimam transmisit , ut nunc bene agere & sapienter vitam instituire , in naturam veritas , id agens sponte , quod alii ex necessitate faciunt : quò magis in spem , imo fiduciam venio , futurum , ut in hac peregrinatione potius sis alibi quam alius , & per lustrationem mundi discas ejus contemptum & artem supra res terrenas eminendi & vivendi ; cæterum domum redeas , non tam melior scientiâ , moribus & prudentiâ quàm limatior : atque hanc ulteriorem limam dabit tibi nostra Gallia , quam ideo destinās finem & fructum tuorum itinerum ; in qua , ut ubique , tibi solenne fuit observabis præceptum Nicolai Damasceni , ut ad modum rationis studiorum , tuam & viam & moram instituas , loca & libros quosdam duntaxat videndo , non nullos delibando , alios multo usu terendo .

Reve-

XXXII.

Reverendo Viro ,

DOMINO

JACOBO INNESIO,

Amico singulari.

CUm tibi pridem notum sit meum erga te
 studium, quantum te diligam, imo amem,
 suavissimamque consuetudinem, petus candi-
 dum, sanctitatem vitæ & doctrine (quam sa-
 ne in te comperi & sanam & multam) exosce-
 ler, non est quod in presens illud anxie tibi in-
 geram & predicem, cum causâ nunc scribendi
 eadem sit quæ aliis viris doctis & amicis, ut
 integris animis & judicio a quo meam opellam
 legant.

Reve-

XXXIII,

Reverendo Viro & amicissimo
Capiti,

DOMINO

JOHANNI THORNETONO.

Non si assignandus est tibi locus in orchestra
& quatuordecim ordinibus Procerum, qui-
bus nostram opellam probari velim, debetur
unus, inter viros doctrinâ jugenio & eruditione
præstantes, eosque qui consistunt in tertiis or-
dinibus & inter meos æquales quorum consuetu-
dine & amore mirè Capior, & quorum judicio
de meis laboribus multum tribuo, & qui suo
exemplo vitæ sanctæ & piæ, sperantem & spi-
rantem æterna, suisque curatissimis precibus
juvare me possunt apud Deum, cui te vovexor
commendo.

Nobi-

XXXIV.

Nobilissimæ & Illustrissimæ Feminae,

DOMINÆ

LUCIÆ HASTINGS,

Comiti Huntingdoniæ.

UT agmen duxit illustrissimus illustrium Anglorum, quos compello, ita agmen omnium claudat Angla illustrissima & eruditissima; & quam nefas fuisset in turba illustrium hominum (nam tu quoque ut dixit Sulpicius scribens ad Ciceronem de Tullia, *homo es*) non ponere, quos opellæ meæ impensè cupio, & lectores & approbatores. Te imprimis, cui omnes feminae assurgere debent, quæ nihil muliebri præter corpus habet, quod maligno naturæ errore sortita est: ut quæ vix adolescere cœpit, cum virilibus curis & studiis feminarum vitia exuit: unum tamen retinens præter corpus de sequiori sexu, nempe matronalem gravitatem cum virginali verecundia & modestia, per quam ingenium altum, eruditionem reconditam; Linguarum Hebraicæ, Græcæ, Latinæ, Gallicæ, Italicæ, & quarum non? peritiam eripis quantum potes aliorum cognitioni: tum hæc munera Dei, & alia per artem tuam & studium comparata obducis vel indolis, mali nesciæ & inexpertæ Simplicitatis

tatis : quin si quisquam te pro meritis aut in os , aut aliis laudat , eo nomine plus offenderis quàm alii ad maledicta : forsitan , in ultionem laudis, ut injuriæ, tuorum commendatorum offensionem concitans , hoc dicto, illos plus amori quam judicio indulgere : qua in re , dum minus benignè de alieno judicio pronuncias, malignus es tui Judex.

Amplif.

XXXV.

Amplissimo & Illustri Viro,
 DOMINO, DOMINO,
JOHANNI MEERMAN,
 Ordinario Delegato & Toparchæ, nomine
 Hollandiæ, in Confessu D. ordinum fœ-
 derati Belgii; nec non reipublicæ Ley-
 densis veteri Syndico.

CUm, Vir Amplissime, plurimos habeam in Belgio de omni ordine virorum doctorem, seu de amplissimis Magistratibus, seu de reverendis Pastoribus, consultissimis Doctores & professoribus, quos confido non dedignaturos esse lectores hujus opellæ, quam Jugulum Causæ voco; immo in summa rei approbaturus; te imprimis, Vir illustris, figi & designavi, qui operis mei esset lector, ut pote quem in antecessum auguror, imo scio futurum laudatorem & approbatorem, si non modi rem ipsam tractandi; certè totius Consilii & Ideæ quam animo & scripto figuravi; ut qui cum fungereris Londini, longè illustrissimo munere extra ordinem legati à Potentissimis ordinibus Fœderati Belgii ad Serenissimum Regem Angliæ, non solum me suavissimâ & doctissimâ consuetudine & familiaritate honoravisti, sed & ingenuè fassus es per me & scripta meâ, si non pervictum, saltem confirmatum in ea sententia, cujus sum vindex: quin, ex quo ab eo pulcherrimo munere Legati re-
 quic-

quievisti, non semel me beavisti tuis amicissimis
literis, quibus aurum non est mihi pretiosius;
ut multas causas habeam, in tuo, tum amore,
tum judicio, mei (immerentis) triumphandi,
illudque, si vita longior suppeteret, potius acci-
piendi pro hortationibus, aculeis, & incitamen-
tis acerrimis ad capiendum de te exemplum,
Viro Divini humanique juris scientissimo, &
moribus, pietate, & probitate castigatissimo,
Vale.

Illustrat-

XXXVI.

**Illustrissimo & Amplissimo Viro ,
DOMINO, DOMINO,
JOHANNI BORELIO,**

A Potentissimis , unitarum Provinciarum
in Belgio Ordinibus, ad Serenissimum
Magnæ Britanniae Regem Legato,
nuper Extraordinario, nunc
verò Ordinario.

AD te perinde (*Vir Amplissime*) atque ad
illustrem nuper Collegam tuum, pertinet
Judicium opellæ meæ, quibus ex æquo placitu-
ram, certam habeo & spem & fiduciam; quocir-
ca, quod Illi, Tibi dictum puta, nisi quod abs-
que invidia viri integerrimi adjiciendum cen-
seam, id quod in te solum cadit, nempe celebra-
~~rum~~ nomen Borelisrum, jam per seculum in-
tegrum, sibi virtute suâ & meritis adoptasse
usum & consuetudinem defungendi munere le-
gatorum ad potentissimos quosque Europæ Reges
& Principes; & unâ dotes & laudem virorum
eruditione, probitate, prudentiâ, consilio & rerum
usu præstantissimorum, ut sileam quod ipse ex-
pertus sum, de tua humanitate, tuisque maxi-
mis in me meritis, quibus me totum tibi de-
vinxisti, imo pene mancipasti.

Illustris-

XXXVII.

Illustrissimo Viro;

DOMINO DOMINO

CONRADO

VAN-BEUNINGEN,

Amplissimis honoribus, muneribus, & delegationibus defuncto, & etiamnum defungenti : & ad Majora & ulteriora propriis meritis assurgenti.

Sæpe me admiratio subiit, cum imperium Papæ, quod est purus putus Papismus, opus sit, tanta arte, tanto artificio & ingenio contextum, ut quicquid unquam post homines natos fuit astutiæ, artis & solertiæ, præ hujus Papismi telâ, sit merus stupor; attamen doctrinis Romanensibus, seu Religione Romana, nihil extet insipidius, vesanius, futilius & absurdus, ut non potuerim diu me ex hoc stupore exsolvere, unde fiat, quod, hinc tot viri meliore luto formati de Romanensibus, hæc religionis deliramenta, ut suam fidem, tantâ aut pertinaciâ aut pervicaciâ arripiant, tueanturque, ac pro illis tanquam pro aris & focis pugnent: Illinc verò, Protestantium Doctoribus viris judicio & eruditione præstantibus, tantum supersit otii à rebus feriis & bonis, ad quæ sunt nati, ut omne ingenium, omne pene otium, studiumque,

H

ac

ac operam, impenderint jam seculum integrum, & quod excurrit, in chimeris & vacui capitis deliramentis confutandis & expugnandis: posthabito, aut levius attrectato opere detegendi fraudes & technas adhibitas in fabrica imperii Papalis seu Papismi, & quarum solâ detectione everteretur, etiam sine armis & sanguine Papæ imperium, & unâ corrueret totum systema religionis & doctrinarum Romanensium, quibus à solo illo imperio Papali suâ pompâ & divitiis, venerationem conciliante futilibus quibusque, gratia & auctoritas accedit, non minus quam ab imperio Turcico, & illo quoque fulgore divitiis & robore illustri, accedit auctoritas Alcorano. Nam par utrobique ratio: Etenim (atque hac ratione me ex eo stupore & admiratione exsolvi) postquam modico usu novi Rationes Statûs, ut loquuntur Itali, quibus stant res, tum Turcicæ tum Papales; comperi has & illas, tot partibus constare, & iisdem artibus stare: utque Mahumetanismus constat imperio Sultani & Alcorano, qui est regula obsequii & fidei quam Mahumetani præstant suo Imperatori; pari modo Romanam, seu Ecclesiam, seu Religionem, constare imperio Papæ & systemate doctrinarum quæ sunt norma credendorum & agendorum, per quæ populi retinentur in obsequio Papæ. Altrinfecus itidem comperi, hinc pari ingenio, arte & solertia fabricatum Imperium & Papale & Turcicum ad retinendos in obsequio populos, qui suspiciunt & venerantur quicquid est robore pompâ & divi-

divitiis magnificum & in alto positum; illinc verò & Alcoranum & fidem Romanensem pariteresse vacui capitis deliramenta, nisi quod flexa sint ad fulciendam Dominationem & Turcicam & Papalem, & his & illis ab utroque imperio authoritas & gratia accrescant: ut jam perinde sit ad firmamentum Imperii, cum Turcici, tum Papalis, sive Alcorani, fides & Papæ transubstantiatio, purgatorium, cultus imaginum, sanctorum, reliquiarum, crucis, liturgia linguâ ignotâ, indulgentiæ Papales, & ejusmodi, sint febricitantis deliramenta, an verò sobriæ mentis cogitata; modò istis dogmatibus & ritibus accedat authoritas ab imperio, aut Turcico, aut Papali, quo, ut fulgore radiorum solarium pariter aurum, coenum, & palea, coruscant & nitent: quarum reputatio, altè in animum meum infixit veritatem horum corollariorum.

1. Quemadmodum ad casum imperii & Turcici & Persici, omnis fides & authoritas perire debent Alcorani apud illorum imperiorum subditos; sic periunde ad casum imperii Papalis concidere debere, & Religionem Romanam, & totum systema doctrinarum Romanensium, de quibus lis est cum Protestantibus.

2. Ac proinde intacto, aut imperio Turcico, aut Papali, frustra illorum ruinam sperari debere ex confutatione deliramentorum Alcorani, & fidei Romanensis.

3. Sed potius, posthabito labore confutandi & expugnandi illa deliramenta, aut Alco-

rani, aut fidei Romanensis, hujus & illius ruinam expectandam ex ruina imperii florentis & magnifici, hisce deliriis gratiam & auctoritatem conciliantis.

Verum, quanquam vidimus paria in multis facere, tum imperium Turcicum & Papale; tum Alcoranum & fidem Romanensem; tum etiam ruinam sperandam hujus & illius per casum sui cujusque imperii, non puto pari facilitate Turcicum quo Papale rueré & subverti posse: nam illud tantæ molis esset, quam fuit Imperium aut Assyriorum aut Persarum dejicere. At demolitione Papalis imperii evertendi judico ut de mole seu massa lapidea in urbe Asiæ dicta Harmasa, quæ admoto uno digito mobilis & ad ruinam prona erat: at immota stabat, si toto corpore impelleretur. Namque, ut docet nostra nova *Ratio*, cum ad detractiōem larvæ & tectorii Potestatis Spiritualis & Ecclesiasticæ, quo obducitur & fucatur Papæ imperium, debeat prodere se & probare ejusdem naturæ, quæ est natura Imperiorum mundi Monarcharum, non diu sacra illa capita ferent Papam imperii aut socium aut dominum; sed ad exemplum Henrici VIII. Regis Angliæ, jubebunt eum alibi quàm in suo territorio res habere, victoriâ sanè tam incruentâ, quam fuit illa, quam hic Rex de Papa reportavit: nec abactō Imperio Papali, diutius erit fides religioni Romanæ apud Papæ subditos, quam fuit apud Anglos, simul ac inde Papæ imperium fugatum est.

Porro

Porro quemadmodum duo imprimis Papam in mundum introduxerunt, *Viz.* Potestas Pastorum Potestati Magistratûs analogâ in greges Christi, dein potestas ejusdem naturæ unius pastoris in alterum per *ἐπισκοπία* Episcopalem: sic nihil tam reformationem retardavit, quam germana illa & gemina potestas similisque (de priore loquor) potestati Magistratûs retenta in Ecclesia, cum per indulgentiam Magistratûs, tum consilio virorum sanctorum Lutheri, Calvini, & Bezæ: unde consecuta est perpetua collisio, cum fratribus de ordine Ecclesiastico inter se, tum horum cum Magistratu, utut orthodoxo & amico, non solum Genevæ primæ originis imperii Ecclesiastici inter reformatos, sed & maximè in Belgio, in quo jam fermè per seculum integrum, Magistratus & viri Ecclesiastici, hi pro imperio, illi pro libertate decertaverunt: (nam in Anglia illud imperium Ecclesiasticum minus caput extulit, Reverendis Episcopis æquo animo ferentibus suam jurisdictionem Serenissimo Regi subjici, ut subalternam & inferiorem summæ) utrisque in culpa viris, nempe viris de Magistratura arcentibus viros de ordine Ecclesiastico ab administratione reipublicæ: quibus tamen æquum jus est regendæ reipublicæ cum cæteris ordinibus populi; licet non quâ viris de ministerio, sed ut liberis capitibus, quibus sunt libertas civica, fundus, uxor & liberi: at altrinsecus viris Evangelicis in solatium amissæ libertatis, an potius in vindictam &

redhostimentum sibi struentibus separatim imperium, planè ejusdem naturæ quæ est potestas Magistratûs: sed tam fucatum vocabulis Ecclesiastici & spiritualis, quam est imperium Papæ in Reges & populos, ut jam nunquam sit futurus finis litium apud vos, circa imperii modum in sacris retinendum, vel a Magistratu, vel à pastoribus, quoad.

1. Ecclesia vestra in unum corpus coalescat, Ecclesia sit in Republica, ut loquitur Optatus; ac proinde hæc & illa uno imperio regantur: nec Ecclesia ulterius suum separatim habeat corpus & distinctum à republica, quàm quatenus pars à toto differt; nisi quando Christiani & fideles cœunt statis diebus in unum locum ad vacandum precibus, ad auditionem verbi, & participanda Sacramenta; extra quam coitionem, non alia sit Ecclesiæ formalis ratio, quam Academiæ, Collegii, & cujusvis cœtûs politici.

2. Nec sit finis litium, quoad Pastoribus Evangelicis, sua, ut sacerdotibus & levitis sit functio sacra, separatim: at nulla jurisdictio virtute functionis sacræ, sed de jure communis, quo ex æquo gaudebant sacerdotes & Principes populi, & gaudere pariter debent viri, & Ecclesiastici & laici sub œconomia Evangelica, illi imprimis, ut æquius est peritiores juris Divini, admoveri regimini cœtuum qui Divina tractant: ita tamen ut in Synodis, Consistoriis & Cœtibus suis, non reputent se magis jus dicere per potestatem Ecclesiasticam, quam Medici in Collegio medicorum
per

per potestatem Medicam, & fabri in Collegio fabrorum per potestatem fabrilem: Sed de sua potestate censeant, ut de delegata à Magistratu amico & benevolo: vel eo infenso, aut non curante res Ecclesiæ, ut de habita per disciplinam confœderatam, quæ supplet locum Magistratûs, ut solenne est in Gallia.

3. Sed, nec erit finis litium, quoad exsolvantur vestri populi futilitate potestatis Ecclesiasticæ & Spiritualis; istiusque avium tericulamenti (de Excommunicatione loquor) nec aliam imbibant & retineant potestatem vi sacræ functionis, præter eam quæ in volentes se exerit, & quæ per Ministerium Evangelium homines transfert à potestate Satanæ ad Deum; à tenebris ad lucem, seu ad cognitionem & amorem Dei, fidemque in Christum.

4. Sed nec finis erit, quousque vestri populi exsolvantur & liberentur futilitate & vanitate duplicis generis Seniorum in Ecclesia, quorum uni verbum est concreditum, unà cum regimine Ecclesiæ, alteri regimen duntaxat sit demandatum: non erit, inquam alta pax apud vos donec futilitas istius commenti obtinet, nec ea veritas animis eorum insidet, quod potestas Seniorum secundi generis eadem est quæ potestas Magistratûs, eaque vel delegata ab ejus potestate extra cœtum, vel à corpore Ecclesiæ quæ rationem habet liberi populi. Nam si ratio rectè putatur, Seniores, tam primi, quam secundi generis, proferunt quidem animi sui sensa putà in Synodo quatenus pastores Christiani,

fideles , viri prudentes & consulti Divini & humani juris : sed canones condunt , jubent & obligant , ad obsequium eorum , præsent in Synodo ad majorem aut minorem numerum sententiarum aut suffragiorum discedunt , quatenus viri potestate Magistratûs & jure communi præditi.

5. Denique perpetuum erit litigium quoad Ecclesiâ & republicâ in unum corpus coalescentibus, viri Ecclesiastici redonentur libertate civica , & communi jure quo potiebantur sacerdotes & levitæ cum capitibus familiarum & Principibus populi.

Profectò, si hæc veritas comperta perinde esset viris sanctis de functione sacra apud vestrates, atque Principibus de gente laica, tibi imprimis , procul dubio (ut examina apum exiguo pulveris jactu) considerent omnes lites, de potestate, tum Magistratûs , tum pastorum circa sacra. Sed hætenus, aut ignorantia , aut studium partium amorque imperii, qui est, ut loquitur Tacitus, Tunica quæ primò induitur & ultimò exuitur , in causa fuit quominus res Ecclesiæ ad votum pii Magistratûs componerentur ; nec extra culpam fuit Magistratus, forsan ignorantia proprii juris & alieni , capite diminuendo Pastores Evangelicos: quam injuriam gens sacra sumpsit in occasionem sibi imperium in Imperio ædificandi ; nam in ea sum sententia, æquum esse & expedire , ut tandiu Magistratus fraude illâ piâ jurisdictionis Ecclesiasticæ & ejus bruto tulmine terreatur & circumscribatur ;

tur; atque veluti septo & repagulo in arctum cogatur, quoad viros de clero in conditionem ingenuorum & capite liberorum asseruerit, redditâ illis civica libertate.

Sed cum illam quoque veritatem nostra nova *Ratio* illustriorem faciat, eam tibi imprimis probari cupio, viro virtute, eruditione, judicio, morum elegantia & suavitate, & quod caput est, sanctitate, tum togâ & dignitate consulari famâque meritissimo, quem Patriæ tuæ vocem Periclem, non sibi sed reipublicæ natum: qui quantus vir sit pace & bello, consulari prudentiâ & fortitudine, sed quæ plura mente quam manu agit, testantur Gallia, Anglia, Germania, Suedia, ipsumque Belgium, testantur Dania & Hafnia (vulgo Kopen-hagen,) quæ te suum liberatorem & ~~veregansin~~ agnoscit: quibus factis heroicis spectante & stupente totâ Europâ, cum nulla par oratio reperiri possit, multò minus intra ambitum Epistolæ; tutius & religiosius faciam si id silentio suppressam, quod voce & stylo resignare, nec possum, nec audeo, ad exemplum ingeniosi pictoris, qui velo obumbravit quod penicillo exprimi posse desperabat. Hæc non damus tuis auribus, id imprimis quod felici temperamento sociavisti res raro coeuntes, in summa fortuna Summam humanitatem; & in flore ætatis, multorum senum, qui vitam per multa experimenta egerunt, prudentiam, in unum caput aggestam. Hæc, inquam, non damus tuis auribus, sed rei veritati, quæ me impulit ad te quasi laciniâ pren-

prensandum, rogandumque, ut digneris esse
meus lector, imo Judex, per quem aliis pro-
bentur, quæ tibi non ingrata fore auguror &
flagrantissime opto. Unus pro populo mihi
eris, ut populus pro uno.

Clarif-

XXXVIII.

Clarissimo & Celeberrimo Viro,

DOMINO

SAMUELI MARESIO,

S. S. Theologiæ Doctore & Professore Primario in illustri Academia Groningana.

ET te quoque, Vir magne, licet Gallum, pono inter illustres Belgas, (ut pote adoptione Belgam,) quibus probari nostram opellam impensè cupio: Te, inquam, Principem virum, Primarium Theologiæ Professore & Doctorem, & veteranum bellorum Domini militem, eò ardentius figo & dispicio lectorem & judicem novæ meæ *Rationis*, quòd, cum sis de ordine Ecclesiastico, natione sanè de more præpedita, vel suâ cuique utilitate, ut est amor imperii, vel præjudicio, ne possit aut velit ejusmodi veritatem, quam palam facio cernere; noverim te extra hunc ordinem & morem judicia proferre *ad sinistram*, etiam pugnantia, vel cum tua privata utilitate, vel cum consuetudine tuorum symmystarum, qui in argumento consimili illi quod præ manibus habeo, similes sunt illis qui fluminibus innatant: non eunt, sed feruntur; aut eunt quâ itur, non quâ eundum est. Quò magis, plus, quam cujusquam laicorum gloriior judicio virorum tui ordinis, vel amplecten-

plectentium, ut est meus Vauquelinus, hypo-
 theses illas, quibus tota nostra *Ratio* inniti-
 tur, vel proximè ad illas accedentium, in
 quorum numero te pono, quod veritatis amo-
 rem & conscientiam præferatis, vel privatæ
 utilitati, vel adversis & iniquioribus etiam
 fratrum & Sanctorum virorum de vobis ju-
 diciis. Nam penè ausim me hac jucundâ
 opinione beare & sustentare, Te non prox-
 imè, sed per omnia & omnino esse, aut futu-
 rum, meum, cum probando illam *Rationem*
 quam trado confutandi Romanenses doctrinas
 per ruinam imperii Papalis, & hanc accele-
 randam per detractionem larvæ, quâ Papa
 illud obtegit; tum admittendo illas hypotheses,
 quibus nostra *Ratio* superstruitur, ut non de-
 beam gloriari, te & me etiam in hoc hypo-
 theseum fundamento sternendo propemodum,
 sed omnimodo ὁμοῦλῶντες esse. Namque cum
 non detur medium inter authoritatem coerciti-
 onis & authoritatem persuasionis: inter pote-
 statem Magistratûs & potestatem Verbi; multò
 minus inter potestatem propriè dictam, ut est
 Magistratûs, paterna, maritalis, & potesta-
 tem Pastorum, quæ est verbi, solummodo in-
 volentes, eosque quos ex nolentibus præstite-
 rit volentes, se exerentis: quamcunque in
 partem te vertas, aut te meis partibus constri-
 ctum teneo, aut te amando ad castra illorum,
 ut est Clarissimus Voetius, qui sunt Potestatis
 Ecclesiasticæ acerrimi vindices; neque enim
 habes ubi consistas, aut pedem figas, pen-
 dulus inter hanc & illam potestatem: post-
 quam

quam à te audiui, *Judicia & decreta Pastorum & Synodorum*, tam subijci iudicio potestatis secularis, quam iurisdicção subalterna summæ & supremæ; & legi in tuo Collegio Loc. 16. *Decreta Pastorum, non obligant cōscientias quâ iudicio Conciliorum, sed quâ Dei Verbo sunt conformia*, quo respectu sunt adhuc revisioni obnoxia, multò magis quàm ipsæ *Pauline conciones*. Et Ibidem, *Ministri Ecclesiæ in Concilio, non tam referunt iudices ad senatum advocatos, quàm Doctores prudentes & peritos ad Concilium coactos*: & quæ est Medicorum cōsultatio circa valetudinem corporis, talis est *Synodorum constitutio in rebus ad animum spectantibus*. Quibus machinis (nec aliis) verbero & diruo mænia Potestatis Ecclesiasticæ, vel à latere Politicæ & civilis incedentis, vel hanc sibi subijcientis, quo in conatu Papa suum imperium ad summum iniquitatis apicem pro-
vexit: nam firmiter imbibit per illam potestatem, vel solummodo collateralem, impletum fuisse mysterium iniquitatis, illam calam & ascensum fuisse ad Papatum & sub hoc fuco Papam ædificavisse suum imperium in mundi Dominos & populos: in qua sententia tantò magis firmor, quod etiam admittendo, illam potestatem (quam pertendo neram esse chimæram & figmentum humani cerebri) tam veram & realem esse potestatem, imò tam bonam & sanctam, imperatamque Deo, quàm est ipsa pietas; non minus existimandum sit per eam impletam fuisse, prophetiam de mysterio iniquitatis & de ho-
mine

mine peccati , sed ad eundem modum quo scelus pietate fucatur, mens tristis fingit jocum, & odium fallacibus blanditiis velatur : ut jam perinde sit, tum ad firmandam, tum ad infirmandam veritatem novæ nostræ *Rationis*, tum ad impletionem mysterii iniquitatis per potestatem Ecclesiasticam, sive hæc sit res bona, sive mala , *Ens Rationis*, an verò reale : cum utrobique constet ratio *Rationi* meæ, & mysterium iniquitatis per eam potestatem, seu chimericam, seu rem bonam & seriam complementum suum habuerit, ut fusius doceo tuo loco, unde certus sum, si conatus sum parva ad eversionem Papalis imperii per novam nostram *Rationem*, te per eandem posse magna perficere, si tibi Deus hanc bonam mentem daret, per eum jugulum Papam aggre-
 grediendi. Nec despero, qui quarta opima jam dudum de erroribus Pontificiis & Socinianis reportavisti, te in hac cruda senectute, miranda eruditione, etiam de summa rerum, hoc est de imperio Papali relaturum, Papam adoriendo per arma, quæ, unà cum loco in quo solummodò est penetrabilis, tibi indico: nam hoc & illud tantum præstare possum, tibi provinciam relinquens validiori brachio, illa arma, telaque intorquendi & excutiendi, atque ex destinato infigendi, Vale.

Reve-

XXXIX.

Reverendo & Doctissimo Viro,

DOMINO

JACOBO GAILLARDO,

*S. S. Theologiæ & Philosophiæ Doctori, & in
Ecclesia Gallica quæ Leydæ est, Mysteriorum
Divinorum dispensatori fidelissimo.*

ET tibi duplici nomine, Vir Clarissime, & nostrati & adoptione Belgæ, debetur locus inter illos, quos mihi magnopere deponso lectores & judices istius opellæ: & quem modò recludentem felicissimo ausu, in oratione tua inaugurali, (opere defæcatissimi judicii & eruditissimi ingenii) mysterium pietatis, nunc magnoperé exoptarem, huic quoque mysterio, quod est iniquitatis, revelando, aliquot horas impendere; cum *iniquitatem*, seu imperium Papale per omne nefas extructum in Reges & nationes, prodendo, & terrenum esse, & ejusdem naturæ, quæ natura est mundi Monarcharum in suos subditos; tum velum interpositum potestatis Ecclesiasticæ & spiritualis, quo ne fraus imperii terreni dispalescat, obducitur, & in quo positum est *mysterium*, auferendo. Mirum ni illud sit iustulum causæ & per illud jugulum summus Theologus totum Gaillardum exprimens,

primens , Papamprehendens , plus unâ horâ proficeret ad evertendum Papale imperium, & eâdem ruinâ involvendum , Romanam , & Ecclesiam & religionem , quam hactenus toto seculo effectum est per illam viam sigillatim confutandi Romanenses Doctrinas; & per quam ipsa reformatio substitit ubi coepit, nec ulterius provecta est ; quin potius retrorsum quam prorsum ivit : quocirca te vehementer , Vir Magne, hortor, ut secundum negotium patefaciendi mysterium pietatis , quod doctrinâ & vitâ palam & in seducto (ut solenne est tibi, in tua prius anima quam in ταῖς τῶν ἄλλων ψυχαῖς ἐκμελετᾷν ἐνείβην, ut loquitur Nazianzenus) sedulò accuras, fatagas ; ut per eam viam , nulli melius quam tibi notam , mysterium iniquitatis aperiatur & in apertum proferatur.

Longé

XL.

Longé Clarissimo Viro,

DOMINO

ISAACO VOSSIO,

*Magni & Summi Viri Gerardi Johannis
Vossii filio perinde Magno.*

Sæpenuerò, Vir Magne, replicanti causas, cum Papismi introducti in orbem Christianum; tum reformationis à Papismo non ulterius perductæ & provectæ, postquam semel illuxit tempore Lutheri, Zuinglii & Calvinii; una potissimum continuò obversatur mihi, à qua ut ab ulcere jugiter urente, & continenter Ecclesiam Dei affligente, non queo manum retrahere; quàmque altè imbibi verum esse mysterium Iniquitatis, cujus jam tempore Pauli primulæ radices pullulabant. Atque illa est, cum pastorum in greges Christi, tum unius pastoris in cæteros symmystas & ejusdem ministerii Evangelici consortes per *τὸν αὐτὸν* episcopalem injusta vendicatio & occupatio potestatis perperam dictæ Ecclesiasticæ, sed quæ ejusdem est naturæ atque potestas Magistratûs, per quam quidem scalam, tum potestatis Ecclesiasticæ, tum prælationis episcopalis factus est ascensus ad Papatum. Id docet summus Vir Claudius Salmasius *Apparatus* pag. 169. de *vet. xpi* Episcopali, cum
I
dicit.

dicit, illam fuisse venenum, quod corrumpit
 Ecclesiam, & quæ congruenter invexit *πρωτο-
 κλας* Metropolitanorum in Episcopos, & Pa-
 pæ in Metropolitanos: sed reticet istius *πρωτο-
 κλας* fundamentum fuisse Potestatem perpe-
 ram dictam Ecclesiasticam; cujus ruinâ, aut
 illâ nunquam comparente, aut concidisset, aut
 nunquam exorta fuisset illa *πρωτοκλας*: certè
 Primatus in Ecclesia, ac proinde & ipse Pa-
 pa nunquam Caput extulisset. Fateor opti-
 mo consilio & optima mente viros sanctos in
 reformatione eliminasse, cum in Gallia, tum
 in Belgio illam *πρωτοκλας*: sed, quandiu non
 est eversum fundamentum, non evulsa radix,
 seu potestas Ecclesiastica, inde semper surculi
 & propagines funestissimi pullularunt potesta-
 tis analogæ Papali, etiam in Ecclesia refor-
 mationis castigatissimæ, apud quam fuit po-
 tior *ισοτιμία* inæqualitate pastorum. Profe-
 ctò si Dominus Jesus, aut Apostoli, suam nobis
 hodie sanctam præsentiam in regimine Ec-
 clesiæ accomodarent, pertenderem obfirma-
 to (at subactò) iudicio, non aliam sibi po-
 testatem vendicaturos, quam quæ est persua-
 sionis, per quam homines traducuntur à po-
 testate Satanz ad Deum, à tenebris ad lu-
 cem, & arguuntur peccati, justitiæ & judi-
 cii, quæ in volentes duntaxat se exerit: ita
 tamen ut è nolentibus volentes præstet. Nam
 si quid insuper moliuntur Pastores, quo invi-
 tos in arctum cogant & ad officium compel-
 lant, eæ non sunt partes Pastoris Evangelici,
 imò nec Christiani quâ Christiani, nec fidelis
 quâ

quâ fidelis, sed viri prudentis suas res ordine
dispungentis. Potestas est disciplinæ confoede-
ratæ, assumptæ per consensum totius societa-
tis, Magistratu, aut non curante, aut non at-
tendente ad res Ecclesiæ; at delegatæ ab eo,
amico & benevolo: Potestas est communis
omni Societati, Collegio, cœtui virorum,
ut Theologorum, Jurisconsultorum, medi-
corum, mercatorum, fabrorum: quorum
peritiæ in sua arte, functione & scientia cre-
dendum, non jurisdictioni obtemperandum,
quæ nulla est virtute functionis, nec intra, nec
extra cœtum, sed de jure communi quate-
nus sunt cives & libera Capita: quorum de-
creta à majori parte suffragiorum lata, infice-
tè & absurdè quis diceret Confectaria esse po-
testatis aut jurisdictionis, Theologicæ, mer-
catoriæ, fabrilis, & Medicæ. Hæc cum sint
veritatis tam obviæ & expositæ, quam ve-
rum est, Sole exorto diem esse; non possum
satis mirari ei veritati refragari tot viros pios
& sanctos de ordine Ecclesiastico, dum sibi
aliquam potestatem, præterquam quæ fuit
verbi, tum Christi & Apostolorum, virtute
clavium & potestatis ligandi & solvendi adju-
dicant; unde alterum Papam, saltem gemi-
nam & germanam Papali potestatem præfi-
ciunt Ecclesiarum reformatarum cœtibus: at-
que per id perpetuum contentionis funem in
Ecclesia ducunt & collisionum fomitem inter
patres alunt circa modum potestatis qui de-
etur, aut Synodis, aut Pastoribus, aut Ma-
gistratui circa sacra. Verum quanquam viris

sanctis relinquerem suam ſeorſim poteſtatem in qua tantopere ſibi placent , tanquam jure Divino retinendam ; id mihi ſaltem indulgebunt , quod maximé molior in hoc Jugulo Cauſæ , ut quemadmodum ſub ſuco pietatis , impietas ſæpe latet , aliquando in perniciem alicujus eruptura , ſic ſub larva poteſtatis Eccleſiaſticae & ſpiritualis Papam imperium terrenum extruxiſſe in Reges & populos ; & per ejus fulgorem , pompam , divitias & robur , quibus illuſtre eſt & magnificum , gratiam & authoritatem conciliaſſe deliramentis doctrinarum Romanenſium : neque inſiciabuntur , larvâ illâ detractâ , & Papâ probante , ſuum imperium naturâ conſimile imperio Poſtea- tum ſecularium , hæſce non diu laturas ejuſdem imperii aut conſortem aut Dominum ; nec longam moram , abacto ſemel imperio Papali , habituras Doctrinas Romanenſes ; quibus nulla amplius gratia & authoritas accedunt ab imperio illo Papæ , fulgore ſuo , pompâ & divitiis , aut amorem , aut terrorem (certé venerationem) conciliante. Sed meo judicio poteſtas Eccleſiaſtica & ſpiritualis (ſive ens reale ſit , ſive fictum) fuit per plura ſecula Equus ephippiatus ſollicité adornatus & curatus , in ſpem ut aliquando ſeſſorem Papam admitteret ; qui inſidens huic Buccphalo ſibi imperium majus & potentius imperio Alexandri pararet : at neceſſaria Episcopalis fuit ſub-
exſuppedaneus , ſeu ſtrepa per quam Papa in dorſum iſtius Equi evaderet.

Ad te nunc , Vir Clariffime , meum ſermo-
nem.

nem converto : nam habeo quod te de pluribus submoneam, hortorque, non tam tuam quam reipublicæ literariæ, (imprimis Christianæ) causâ. Novit natio Doctorum te totum Patrem referre, ejusque vestigia implere, usque adeo ut cum nemo unquam extiterit vir ingenio, eruditione omnigena, imprimis ocupleti penu Historiæ, seu sacræ, seu exoticæ, & conditione, ac genere vitæ extra laborem concionandi in orbem, ut contingit genti acræ; cum inquam nemo hisce conditionibus extiterit qui munus confutandi Baronium (si lemandatum fuisset) dignius Parente tuo exolevisset; sic neminem novi, cui hæc provincia potius quam tibi demandari debeat, nec quemquam, qui eam feliciter sustinere & exequi queat : in quem non solum conditiones hæc concurrunt, quas in Parentem tuum calere dixi, ut te idoneum suscepti semel muneris præstent, sed & longè plures : ut sunt, Res, non parta, sed relicta, Vita lare secreto & in seducto, nec pulsata, ut erat tui Parentis, tot negotiis, curis, & studiis, inductis, invocantibus & intercurrentibus; tum major librorum copia, ætas florens & constans, vaetudo firmior : ut non putem consilium prudentius posse capi ab Illustrissimis & Potentissimis Unitarum Provinciarum, Ordinibus, quam seponendo, & te ad id muneris, & tua dona, quibus te suum civem remunerentur : Nihil enim nisi heroicum à te in eo genere studiorum expectandum confido.

Ego sanè tibi longè impar, animo agita-

veram opus in Baronium , multis in hanc rem congestis & conditis : sed prohibuit infirmior valetudo , quæ me jugiter de discessu ex hac vita submonuit , & de abjiciendis chartis & operis consilio , quod nunquam me vivo ad umbilicam perduxissem . Sed nec tam mens erat Baronium *χρὴν* sequi , quam totum exenterare , molemque ædificii ad terram dare ; dirutis illis columnis quibus nititur , imprimis illo tibicine seu fulcro Potestatis Ecclesiasticæ uni Ecclesiæ Catholicæ adjudicandæ , ad cujus clavum unus sedeat , (nec alius magis idoneus quam Papa) cui , tum ejus Jurisdictioni , legibus , imperio sublit omnis anima quæ Christo nomen dedit ; tum omnia negotia , imperia , regna , nationes , populi mancipientur ; nam diruta ea solummodo columnâ quæ est de jurisdictione Ecclesiastica retinenda in mundo scorsum à Civili , diruitur quicquid illi à Baronio superstruitur : Et revera nili sub Evangelio plus mentionis factum fuisset Potestatis Ecclesiasticæ scorsum à Potestate seculari habendæ , quum sub lege , nunquam mysterium Iniquitatis , aut exticisset aut impletum fuisset . Quod sanè altè imbibiti esse imperium terrenum Papæ in Reges & nationes , fugo Potestatis Ecclesiasticæ & spiritualis obductum , ne fraus , aut potius iniquitas dispalescat .

Porro , Consilium erat duplici viâ Baronium aggredi : unâ necendo catenam Corollariorum quibus tanquam Hypothesis moles Baroniana sustinetur , & unâ operâ enumerando
gradus

gradus ascensûs quibus Papa pervenit ad culmen sui Imperii, & sibi subjecit Reges & nationes: alterâ exhibendo veram imaginem veteris Ecclesiæ & regiminis Ecclesiastici: De hac & altera, pauca apud te dicam & quatenus Consilium erat confutare Baronium; & primò, de istis Corollariis & Gradibus ascensûs.

1. Cum jure Divino naturali & gentium, nâ jurisdictione, uno imperio res Sacræ & civiles, Ecclesia & Respublica, ordinentur, primum molimen, & primus gradus ascensûs fuit, persuadere mundo, distinctis curiis, foris, legibus & iudicibus, imperium circa Sacra distinctum esse ab imperio circa civilia & politica: quæ opinio, tantò altius animis Pastorum & Christianorum veteris Ecclesiæ, edit, quòd cum cogerentur sub Magistratu infenso & Ethnico, res suas sibi habere, & Magistratum erigere in sua disciplina consociata, facile in animum induxerunt, id quod necessitatis erat & ad tempus, quoad sancti ut loquitur St. Paulus, hoc est fideles Magistratus orbem Christianum regerent, de ere in legem perpetuam transire, ut sub novis Magistratu, seu amico seu infenso, Pastores retinerent suum forum, suam seorsum Potestatem, sua iudicia, suas leges & iurias; atque hanc Potestatem verè & iustè, citra *ἐκκlesiολογίαν*, & dici Ecclesiasticam, & retineri virtute Clavium & Potestatis ligandi & solvendi in solos Pastores, collatæ.

2. Cumque Pastorum & Episcoporum

omnis autoritas sit persuasionis , secundum molimen fuit , ut illi sibi dominatum coactivum (qualis est Magistratûs) in greges Christi assumerent.

3. Tertium molimen fuit, ut ad fucum faciendum, illum dominatum fucarent, incrustarentque , vocabulis Potestatis Ecclesiasticæ & spiritualis , virtute clavium & potestatis ligandi & solvendi, ad solos Pastores Evangelicos pertinentis.

4. Cumque omnes Pastores seu Episcopi, sint *ισότιμοι* & suppare, æqualisque auctoritatis per Divinam constitutionem , quantum molimen fuit , ut unus Pastor eundem dominatum in Collegas suos & symmystas assumeret (qualem tota gens sacra modò sibi assumpserat in greges Christi) per *ἐπισκοπὴν* episcopalem : atque de utroque molimine , & omnium Pastorum , & unius , loquitur sacer codex : de primo quidem Petrus capite quinto primæ Epistolæ : at de secundo, Apostolus Johannes in persona Diotrephes.

5. Cumque, paulò post tempora Apostolorum , unaquæque Ecclesia , particularis , suum haberet Presbyterium , quorum singula capita æquali auctoritate essent prædita , nisi quod præses coetûs & moderator sermoni & precibus publicis imprimis dans operam , peculiari nomine diceretur Episcopus ; quantum molimen fuit , ut Episcopus , non symmysta , sed Dominus esset suorum collegarum ; tum solus , horum Potestatem in gregem, sibi vendicaret.

6. Cum-

6. Cumque ubi cœperunt vocabula & gradus Episcoporum, Archiepiscoporum, Primatum, Patriarcharum, & Papæ esse in usu, Episcopus tantum esset primus ordine sedendi inter Presbyteros, & itidem Archiepiscopus sedens inter Episcopos, solâ *πρῶτος*; potior esset; & pari modo Primas inter Archiepiscopos, solummodò primum locum primi scamini premeret: sextum molimen fuit ut quemadmodum Episcopus commutaverat suam *πρῶτος* in jurisdictionem in Collegas; sic Archiepiscopus se gereret erga Episcopos suæ Provinciæ, & sic porro, ut Primas qui dioceseos suæ primus erat in Collegio Archiepiscoporum, sibi dominatum in hos pararet, ut Patriarcha in Primates, Papa verò in Patriarchas.

7. Cumque solenne esset ut Episcopi in toto imperio Romano, imo omnes Christiani adirent primum imperii Episcopum multâ cum significatione & testificatione obsequiî, propter dignitatem urbis, cujus erat Episcopus, usurpatis solennibus verborum formulis, quæ etiam apud æqualem & comparem sunt, hoc longè fuit magnum molimen, ut civiliter tantum dicta, acciperentur tanquam officia delata à subdito & inferiori, suo feudali Domino.

8. Cum stante imperio Romano, id imperii diceretur Catholicum, universale, œcumenicum; Roma etiam ab Ethnicis vocaretur caput orbis terrarum, & appellatio Catholici tribuèretur Episcopis & Synodis, octavum
mo-

molimen fuit , ut etiam concidente & diviso imperio in partes , cum iisdem vocabulis res ipsa , & vis ac spatium imperii transfirent ad Papam.

9. Sed maximum momentum fuit elatio Potestatis Ecclesiasticæ, cum qua assurrexit Papa , seculis quarto , quinto , & sexto ; cui elationi occasionem præbuit erectio tribunalium Ecclesiasticorum in toto imperio Romano à Constantino Magno : inter quæ tribunalia Romanum imprimis caput extulit, propter Urbis dignitatem, & in quo cum diu Papa jus diceret & leges daret per Potestatem Diplomate Imperatorio indultam, mox cadente in Occidente imperio , derivari voluit eam Potestatem non ab Imperatore , sed à Christo pro sua potestate ligandi & solvendi, nam & reliqua tribunalia , ad exemplum Romani , sibi vendicaverunt Potestatem, non tanquam ab Imperatore, sed à Christo derivatam; quoad Papâ concedente in jura Imperatoris , illum omnis jurisdictionis Ecclesiasticæ fontem & originem agnoscerent.

10. Cumque canonibus veris primorum Conciliorum, omnes Episcopi magnarum sedium æquarentur dignitate & autoritate, id fuit magnum molimen eudere & supponere falsos Canones , quibus plus autoritatis tribuebatur Episcopo Romano quàm cæteris; quemadmodum fecerunt Zozymus, Bonifacius & Coelestinus in negotio Appiarii.

11. Cumque his artibus & moliminibus non posset Episcopus Romanus plenum jus imperii

imperii possidere , in totum Ecclesiæ Catholice clerum , neque in Reges & populos : intercedentibus & obstantibus Papæ assurgenti, Sacra Scripturâ , Patribus & Canonibus veterum Conciliorum , culmen , apex & colophon omnium moliminum & fraudum fuit medio seculi noni cudere Decretales; quæ ubique receptæ pro veris , congruenter & æquo jure attribuerunt Episcopis Romanis eum modum imperii qualem exoptabant , & quo imperio moveri, pelli & deturbari non potuerunt , etiam decretalium fraude detectâ : quæ quidem decretales contulerunt ad fabricam imperii Papalis , quod tabulata ad fabricam ædificii lapidei , & quæ non sunt impendentis ruinæ causa , etiam tabulatis illis amotis, nec per earum absentiam , minus durat , statque fabrica.

Longum esset persequi & recensere omnes columnas , tibicines & fraudes quas Papæ adhibuerunt ad firmamentum imperii Papalis (ut sunt Menachorum mandræ) & quarum hæ duæ fuerunt longè præcipuæ, Potestas Ecclesiastica & Decretales : quibus pene solis Papa debet ortum , incrementum , & ultimam manum sui imperii. Certè Petrus Sarpius & Fulgentius in vita hujus notant maximum momentum Papalis imperii erecti , introducti in orbem Christianum & firmati, deberi Potestati Ecclesiasticæ ; atque ejus non solum introductionem , sed & elationem Papam provexisse ad id culminis quod nunc insidet ; cæterum illam potestatem invexisse *negotia* Episcopalem,

lem , & hanc fuisse scalam ascensûs ad Papatum ; unde liquet nunquam Papam ruiturum, nisi per eum jugulumprehendatur : cum tamen nulla sit spes , ut vindices , aut potestatis Ecclesiasticæ , aut prælationis episcopalis , ut sunt pene omnes de clero viri , hunc Jugulum petant , imo per ullum jugulum vitam Papæ eripiant , cum illa unica hypothesis credita , retenta & recepta *quod detur in Ecclesia media potestas inter potestatem Verbi , quæ in solos volentes agit , & potestatem Magistratûs ;* aut Papam aut Papali consimilem potestatem introducat in orbem Christianum certè congruenter præficiat Papam caput , & summum rectorem Ecclesiæ Catholicæ , ejusque imperio sic subjiciat mundi Monarchas (etiam nullo præsidio petito à Scriptura sacra , Primatu Petri , & Decretalibus ,) ut non videam quâ ratione nixi , possint hoc imperium detrectare , nam

1. Nihil magis rationi est consentaneum quam ut uni Ecclesiæ Catholicæ , uni fidei , ana jurisdictio Ecclesiastica & Catholica respondeat.

2. Et quemadmodum civili potestati attribuitur suum caput , rector , & gubernator ; sic Ecclesiastica suum habeat.

3. Et cum Ecclesiastica latius pateat quam civilis , saltem privati dominii , sit nobilior , æquius esse , ut ei civilis , eoque magis privati territorii , subjiciatur , quam hæc alteram sibi mancipet.

4. Atque ut concordat cum ratione ut Reges

& mundi Monarchæ se aggregent ad Ecclesiam Catholicam, ejus sint membra; sic par ut capiti Catholicæ, seu jurisdictionis, seu cleri morigeros se præsentent.

5. Et cum in uno territorio, non possint & jurisdictiones collaterales diu stare, nisi a subjiatur alteri per subordinationem, minus esse ut civilis Ecclesiasticæ, quam hæc subjiatur.

6. Et si citra Papæ considerationem Synodus convocata ex Episcopis unius privati territorii, sibi merito vendicat summum regimen cleri istius territorii; quanto magis æquum seu Papam seu Synodum ex Episcopis Ecclesiæ Catholicæ convocatum habere rectum minium, ut vocant Ecclesiasticum, in omnia membra Ecclesiæ Catholicæ.

7. Et cum jurisdictio Ecclesiastica, non habeat ut civilis certos limites, nec castellis, montibus & fluminibus terminetur; imo ceteris ipsos, ut volunt, pertingat: cumque tam cura totius Ecclesiæ, incumbat privato Episcopo, imo Ministro cuique Evangelico, juncta & demandata sit, quanto æquius, ut caput Ecclesiæ Catholicæ curam totius Ecclesiæ Catholicæ suscipiat, exerendo ad ejus patrocinium & defensionem suam jurisdictionem Ecclesiasticam.

8. Et cum Excommunicatio censeatur actus productio potestatis Ecclesiasticæ; & illa ferat diminutionem capitis, adeoque exauorationem muneris; non video quid Rex aut Imperator abnuat subire aut excommunicationem

tionem aut depositionem. Atque quemadmodum hæc octo corollaria non solum congruenter, sed & necessario Papam constituunt, astruunt & stabiliunt in orbe Christiano, ita semel admissa hypothesis de potestate Ecclesiastica, tam necessario contextu infert, imo demonstrat veritatem illorum corollariorum, quàm, primo geometrico theoremate dato, danda sunt reliqua.

Jam, ut per detectionem illorum moliminum & fraudum evertitur & dejicitur moles Baroniana; sic per imaginem quam tanquam in brevi tabella exhibeo veteris Ecclesiæ & regiminis Ecclesiastici retenti à Christianis per prima secula æræ Christianæ, mihi paro, etiam nulla facta mentione Papæ, clavem, machinam & malleum, quibus totum Baronium, ejus dolos aperiam, referem, & dejiciam totam fabricam Baroni.

1. Ante omnia reputandum est, de jure esse Divino naturali, imò positivo, ut qui colunt Deum in varios coetus abeant, sacra seorsim sibi faciant & ordinent.

2. Adeoque unumquemque coetum, seu Judæorum seu Christianorum, qui in unum locum ad colendum Deum coeunt semper habuisse sui potestatem & modum ordinandi cultum & disciplinam; potestatem, inquam, nullis præterquam principibus & rectoribus coetus obnoxiam, nisi quando & quatenus, aut se summa potestate seculari interponente, aut mutuo consensu, plures coetus coiverunt in unum corpus Nationale.

3. In

. In republica Judæorum , præter illum
 um nationalem cujus leges , jura & con-
 itiones & potestas concedebant & conflue-
 t in potestatem, jura, leges & constitutio-
 regni & reipublicæ , ut corpus Ecclesiæ
 aliud esset à corpore reipublicæ , semper
 itisse etiam Divina constitutione coetus seu
 vocationes in unaquaque vicinia , colen-
 Deo & precibus dicatas & destinatas, die-
 Sabbati, (quæ Synagogæ dicebantur,) lo
 nationali fœdere coagmentatas & colli-
 as , quandiu parebant Regibus Principibus
 udicibus patriis, gentilibus & amicis , &
 , seu Ecclesiæ , seu reipublicæ defensori-
 : verum sub Ethnico Magistratu illas Sy-
 ogas novam induisse formam, quæ erat con-
 lerationis opus ; per quam ipsæ Synagogæ
 æ sunt coetus tam Ecclesiastici quam Poli-
 , dicatique, tam colendo Deo quàm li-
 is forensibus dirimendis.

. Cum post Christi ascensum ad cælos
 ni Christiani essent Judæi, factum est ut hi
 arent coetus suos ad modum Synagoga-
 ; in eodem coetu colentes Deum & diri-
 ites lites subortas inter Christianos; nisi
 d non constat Synagogas quæ nomen Chri-
 dederant in unum corpus concessisse &
 uisse.

. Quin contrà constat sub primâ Centuria &
 cepts per 300. annos unamquamque Ec-
 am suas res seorsim ordinasse ; atque, ut
 ies pares erant autoritate, ita ejus Pa-
 es *ισοτίμους* fuisse, & æquales per omnia,
 nullæ

nullā *προεστία* sed tantum *προεδεία* locum habente.

6. Cum circa initia , promiscuæ essent appellationes Episcoporum, Presbyterorum, & Diaconorum, ut omnes ex æquo essent Pastores Evangelici & verbi Divini dispensatores, non solum tempore Apostolorum , sed & diu post Apostolos rebus humanis exemptos , accidit circa exitum primi seculi , cum unaquæque Ecclesia haberet suum Presbyterium , ut primus Presbyterorum diceretur Episcopus, qui imprimis vacabat Doctrinæ & precibus ; cæteris juxta Pastoribus seu diaconis sepolitis ad alios actus pastores , quales erant erudire privatum Ethnicos & rudes , Sacramenta administrare , curam suscipere collectarum, pauperum & ægrorum , quibus sublevandis imprimis diaconi destinati erant.

7. Cum inter omnes Ecclesias maxima fervaretur consensio fidei per literas Ecclesiasticas, formatas, Encyclicas, &c. attamen habebat unaquæque Ecclesia suos particulares ritus, ceremonias, disciplinam.

Atque insiliendo hisce rationibus, consilium erat aggredi Baronium , ejusque strophas & paralogismos detegere, quibus retexendis non parum adjumenti tibi, erit à Blondello nostro, opere de Primatu Papæ, ejusque Apologia pro Hieronymo , tum à nostris observationibus in Historiam Ecclesiasticam Godellii, nec parum tibi lucis accederet ex præsentī opella, cujus lectorem & judicem appello, Vale.

Or-

XLI.

Ornatissimo & Clarissimo Viro,

DOMINO

H E N R I C O
O L D E N B U R G I O ,*Illustrissimæ Regiæ Societatis Secretario.*

Cum mihi penè de omni statione, ordine,
 & natione virorum dispicerem lectores
 opellæ, quam publici juris facio; non debui
 te præterire, & non designare lectorem meum,
 virum, egregiè gnarum & intelligentem illa-
 rum rerum quas tracto, atque omni genere
 Literaturæ & virtutum Cultissimum & Orna-
 tissimum; tum verè Germanum & natione
 & pectore, sincero, niveo & candidissimo;
 quem colo, amo, & facio maximi, cujus no-
 titiâ & amore gaudeo & gratulor mihi, &
 cui quoque nostra probari impensè cupio &
 expeto; & cujus judicio, ut & reverendi
 soceri tui Johannis Duræi, si ubique stare-
 tur, statim concordia iniretur inter omnes Pro-
 testantes, qui à Papa ex æquo defecerunt,
 quò majoribus animis & conjunctioribus vi-
 ribus & armis, viri boni operam conferant ad
 debellandum Papam & disuendum ejus impe-
 rium: ad quam concordiam, cum suam quo-
 que Symbolam conferat Author dissertatio-
 nis,

nis, (cujus copiam mihi fecisti) de coalitione Christianismi, & de modo reconciliandi omnes Christianos per unius fidei vinculum, non possum quin laudem conatum magna in magnis voluisse; nec impossibile credam eam coalitionem inter Protestantes iniri posse per hosce modos quos tradit.

1. Ut Sacra Scriptura retineatur pro sola certa & infallibili regula ac norma credendorum & agendorum.

2. Ut in constructione Confessionis fidei, edantur & tradantur Articuli paucissimi, fundamentales, expressis Scripturæ verbis concepti, qui nec ad particularia & minuta, nec in liberiores excursus, longioresque sermones extendantur.

3. Ut per illos imprimis negotium & studium piæ & sanctæ vivendi commendetur: in summa, doceant potius benè vivere quàm disputare.

4. Ut in rebus mediis, ritibus, Ceremoniis, disciplinæ usu, observetur mutua toleratio, *συγκατάτασις* & accommodatio.

5. Ut nec hæ, nec ipsa fides imperentur, sed persuadeantur: tum à rectoribus Ecclesiarum, tum à Potestatibus secularibus.

Sed, ut hocce temperamentum probetur à Pontificiis, aut per illud inquam sperari possit, ut ineatur concordia inter Protestantes & Pontificios; non possum in animum inducere, quandiu.

1. Ecclesia Romana nomine tenus est Ecclesia, cum reipsa sit Imperium terrenum; neque

que enim alia concordia initur cum Papa quàm se subjiendo ejus imperio & judicio.

2. Et quandiu qui ad clavum ejus sedent non alio elatere quam terreno, aliisque utilitatibus, quam mundanis & terrenis commoventur :

3. Tum imperium Papale, longé latèque porrectum, suo robore pompâ divitiis & tulgore incutit & parit, cum cæcitatem, bardis stolidis, ignaris & sequacibus, ut est turba Romanensis plebis; tum amorem illis, qui sunt viri de clero & ejus commodis sunt deliniti; at terrorem & metum ei parere detrectantibus.

4. Tum quandiu alté sedebit mentibus hæc opinio, præter Scripturam Sacram dari aliam credendorum & agendorum regulam.

5. Et quandiu Reges qui Papæ vestigia lambunt, non exsolvuntur fraude illa Imperii Ecclesiastici, sub quo tectorio & involucro Papa obtinet imperium terrenum in imperio alieno juxtâ terreno.

6. Nec spes est fore, ut sexcenti de clero Romano viri, ad navale Ecclesiæ plus, puta Gallicana, in opimis beneficiis & sacerdotiis possidentes, quam centum millia de eodem clero, accomodent aurem rationi concordie propositæ à Dussæo, (nam audio auctori dissertationis id nominis esse) in suo Irenico, ut modo reconciliationis inter Protestantes & Pontificios.

7. Quid? quod, cum imperium habentibus facilius à summo ad ima & præcipitia

descendatur, quam in medio subsistitur: minori cum negotio, ut docet nostra nova *Ratio*, Papa è medio tollitur, quàm per temperamentum Dussæi ad medium compellitur.

Nec ejusmodi modus coalitionis, ut duo extrema ad medium compellantur, & ad aliquod temperamentum concurrant, quod utramque partem participet, sperandus est; nisi ubi vitium est in hoc & illo extremo, & expectari potest, ut hæc & illa pars aliquid de suo rigore remittant: qui modus tam est vitiosus, imo impossibilis inter Protestantes & Pontificios, quàm foret concordia inita inter doctrinam Augustini & Pelagii; Apostolorum & Nicolaitarum, utraque parte adducta ad aliquod medium inter duo extrema.

Sed videtur Dussæus non legisse nuperam & eruditam dissertationem reverendi Corasii Pastoris Ecclesiæ reformatæ quæ est Tonnèsi; in qua lucidissimè demonstrat unionem in fide & doctrina inter Reformatam & Pontificiam Ecclesiam esse impossibilem, hac & illa non abeunte à sua fide.

Nec illa fidei constructio accommodata ad intellectum partium, etiam varia & pugnancia sentientium per locutiones quibus nemo refragetur, caret suis incommodis; ut liquet ex arte adhibita, tum in colloquio Possiacensi ut Articulus de Eucharistia admitteretur ex æquo à Pontificiis qui Transubstantiationem mordicus arripiunt, & à Protestantibus qui eam, ut horrendum dogma repudiant; tum in Concilio Tridentino; in quo id perpetuum fuit ar-

canum

canum & cautela Papæ legatorum, ut Canones de gratia, de peccato originali, de libero arbitrio, de Prædestinatione, de Justificatione, super quibus varia erant judicia in Ecclesia Romana, conciperentur eo sensu ut pariter damnarent & Lutheranos & Calvinianos: at ex æquo arriperentur ut sana dogmata à dissentientibus à se invicem Romanensibus: tam à Dominicanis, quam à Jesuitis, & hodie tam à Jansenistis, quàm à Molinistis. Eodem incommodo comparente in collatione facta Marpurgi anno 1529. inter Lutherum & Zuinglium, cum, soluto reconciliationis conventu, fieri nequeat, quin quisque ad suum ingenium redeat, atque in concionibus & tractatibus publici juris factis, Zuingliani non abeant à Lutheranis, Vega à Dominico à Soto, Richeriani à Jesuitis, Jansenistæ à Molinistis, dissensu partium, ad tempus sopito, postmodum erumpente, cum majori studio partium, pugna & ira, quàm antea.

Quocirca, ut perpetua, non interrupta, & immota, nec lacerata pax & consensus permaneat per viam illam reconciliandi Pontificios cum Protestantibus, Lutheranos cum Calvinianis, propositam à Dussæo, per quam fidei professæ verba flectuntur ad sensum eorum qui sunt diversi judicii, ubi per longiorem sermonem ejus exegesis exhibent: ut, inquam, rationi à viro docto propositæ constet *Ratio*, & fida ac mansura concordia; atque ut obviam eatur huic incommodo quo Pastores

res & populi abeunt ab illo generali intellectu fidei, plané expediret ad remedium ut Pastores non haberent alias conciones, imo ne preces, præter certis & statis formulis conceptas, nisi quando hortationes ad pietatem & vitam sanctam & castigatam adhibendæ sunt. Nam nisi hoc repagulo & scpto Pastores cohibentur ab excurrando in liberiores egressus, & extra intellectum fixum à reconciliatoribus, graviores suborirentur in Ecclesiâ dissensus, quàm si nunquam de concordia incundâ actum esset.

Unde non leve incommodum, quod, studium penitioris Theologiæ, libertas Prophetandi, omnes cruditæ & piæ exegeses & commentationes virorum Doctorum, Lutheri, Calvini, Martyris, Davenantii, &c. Tum Scripta Patrum, Historiæ Conciliorum per viam à Dussæo traditam exulabunt, aut in nullum usum erunt comparatæ.

Tum puriores coetus Christianorum, intelligentioresque juris Divini, propius accedentes ad sanctitatem Doctrinæ, vitæ, & disciplinæ Apostolicæ, quales hodie seorsim habentur plures in orbe Christiano, eliminandi erunt, cum per viam, à Dussæo propositam, ne cogitatione quidem, ejusmodi puriores coetus haberi possint.

Sané præstaret ut unus aut alter duntaxat, seorsim in mundo esset Christianus coetus, modò propé accederet Doctrinâ, vitâ & disciplinâ ad Apostolicam, toto inter hæc mundo Christiano, vel longé, vel tantillum ab Apostolico

stolico exemplari abeunte : quam si puriores illi coetus abscedentes ab Apostolica puritate, temperamentum illud Dussæi sequerentur; per quod nulla unquam in mundo extaret Ecclesia pura, sancta & Apostolica, aut non nisi corruptelis fœdata; & mirum ni per id revocaretur deplorandus ille status sub Pontifice Romano per plura secula, cum sub specie uniformitatis in doctrina & disciplina ubique, & fidei, solo Decalogo, Symbolo Apostolorum, & Dominica Oratione comprehensæ, crassa & atra ignorantia incubuit toti Europæ.

Sed & interdicentur omnia privata commercia domi & inter amicos; de Attributis Divinis, de Operibus Dei, de Providentia, de grandi illo mysterio pietatis, de quo loquitur St. Paulus, quatenus peccatum Adami dimanavit ad posteros, & homo justificatur per fidem; denique omnis fidei inquisitio, cognitio & sermo de Divinis, quibus mens & oratio pariter insurgunt, & pervenitur ad ulteriorem cognitionem & amorem Dei & proximi, interdicentur, ne tantillum humanus & privatus intellectus, recedat ab illo generali & superficiali mysteriorum Divinorum intellectu, habendo & retinendo ab omnibus Christianis secundum schema reconciliationis à Dussæo propositum.

Accedit aliud incommodum, quòd cum cultus qui constat mentis affectu, & corporis positu ad venerationem compositi, proximè consequatur particularem cujusque intellectum Canonis à reconciliatoribus modo hoc generali

conditi ; non poterunt hinc Pontificii in modum adorantium, illinc Protestantes in modum accumbentium, eodem in loco ejusdem Eucharistiæ esse participes sine mutuo dissensu, conflictu, contemptuque sui invicem. Par incommodum in Articulis de cultu Sanctorum, imaginum, Crucis, reliquiarum & virginis Mariæ concipiendis ad eum modum qui admittatur à Protestantibus & Pontificiis juxta, ubi ab his & illis in unum locum congregatis peculiaris cuique parti modus cultûs exhibendus est, qui non abeat nec à privato cujusque intellectu, nec à generali reconciliatorum: quocirca ut constet ratio rationi propositæ à Dussæo deberet insuper & ante omnia sufficere viam per quam omnes Christiani unum sentirent : neque enim fieri potest ut non sint in mundo tam varia ora & sermones quam sensa interna : & os non eloquatur quod mente & in pectoris recessu cogitatum est.

Sed nec illa *οὐκ ἀτάκτοις* inter Protestantes sectis & sententiis à se invicem dissitos speranda est iis in locis, ubi homines ad obsequium aut fidei aut disciplinæ, non persuadentur sed vi coguntur sub iisdem poenis quibus leges de furto, de pcculatu, de Emphyteusi, & hæreditatibus herciscundis sanciuntur.

Nec inter causas collisionis inter Protestantes ponit, cujus meminit nostra nova *Ratio*, nempe imperium in regimine Ecclesiæ Potestatibus secularibus debitum, sed separatim reventum à viris Ecclesiasticis, per quod, non tantum Papa & clerus Romanus, sed & Pastores

stores Evangelici defecerunt à Magistratibus , ædificando sibi imperium in imperio dominorum suorum.

Porro inter plura obelo configenda , apprimè arridet , quod ait pagina 169. frustra per authoritatem Conciliorum expectari consensionem Christianorum in unam fidem, in quibus sententiæ non ponderantur, sed numerantur, nihilque tam est inæquale quam inæqualitas ipsa, in qua cum sit impar prudentia, par omnium est jus; ut jam Vir sapiens in magna Synodo, (sicut in omni coetu plurimorum capitum potius magnis numerus quam veritas dominatur.) discedens à majori numero ad veritatem usurpet verba Claudii Imperatoris, *Se secundum eos sentire qui vera proposuissent*; innuens, rarò veritatem penes magni numerum esse: nam ejus modi reponuntur in meo Jugulo Causæ, ut plura alia, in quibus dissertationis Author & Ego sumus *sub Inqui*: veluti in assignanda potissima causa tum fratrum à se invicem dissidentium; tum Romanensium obstinaté sua, utut futilia, amantium, studio partium, suæ cuique utilitati; & Judicio, aut excæcato, aut præjudiciis correpto & abrepto. Nam in eam materiam assumo caput satis prolixum, quod est sextum: ut jam tantò magis mihi arrideant mea quæ in alio video, eaque non occupata, nec ab illo nec à me: solenni more ut loquitur Plinius Epistola 21. libri 1. *ut quisque inventioni suæ faveat, & quasi fortissimum putet quum ab alio dictum est, quod ipse prævidit.*

Quo-

Quocirca quanquam præsupponeretur bonam esse rationem à Duffæo propositam, atamen tot incommodis iisque insuperabilibus urgetur, ut de ea censendum esset quod de Cyropædia Xenophontis, Principe Balsaci & temperamento ad pondus apud medicos, aut de exemplari ad quod collimes, nunquam assequaris: quod de nova nostra *Ratione* nemo dixerit, quæ semel intellecta à Potestatibus secularibus, statim probaretur, & probata illico ad effectum & exitum perduceretur, contentione tantò acriori, quòd ipsa sua cuique utilitas, tum studium rerum mundanarum, ut est amor imperii, ad rem exequendam viriliter impellant; cum inter hæc Reges & mundi Monarchæ, promovendæ viæ ab authore dissertationis traditæ nunquam acriter instabunt, nili prius, valedicendo mundo & ejus voluptatibus, seriò animum ad Divina & cælestia applicent; quod tamen nunquam continget nisi in Republica Platonis.

Hæc sunt sensa mea, cum de Universitate, tum de partibus dissertationis, quam commodatò à te accepi, iniquiora fateor quam in epistola ad generosum virum, Domino Guillelmum Areskinum solo auditu de viro ejusque libro credideram, aut libenter voluisssem, quem noveram virum esse reverendum quia sacri ordinis, & doctum; sed quem transversum egit justa ira in Amyraldum, à quo injuria altum descendente læsus fuerat, at non erant perinde iniqua, quam nunc sunt judicia quorundam amicorum,

rum , qui opus viri damnant , ut impium & vacui capitis incoeptum & molimen, in quod voluissent me infentioribus animis insurgere : at mihi satius fuit insectari , non hominem, sed hominis vitia , animo tanto minus hostili, quod noveram eum modum ab eo traditum conciliandi inter se Protestantes dissidentes, occupatum fuisse, & etiamnum tentari à Clarissimo tuo Socero , ut seorsim sua cuique sectæ esset sententia, à quâ cum quisque internis sensibus veram aut comperisset aut crederet, non desisteret in privato recessu ; sed palam omnes conspirarent in concordiam fundamentalis doctrinæ , in cæteris in quibus variare sententiis dispalesceret , mutuò se tolerarent : quanquam quo magis rem cum animo meo voluto (& mirum nî in eandem sententiam pedibus eat reverendus tuus socer) quod spectat coalitionem Protestantium & Pontificiorum , atque horum & illorum , cum cæteris Christianis in oriente & alibi locorum in unam sectam per viam quam proponit Dussæus, planè videtur mihi & absurda & impossibilis, nec apud æquiores Pontificios & Protestantes unquam habitura , aut fidem aut approbationem.

Porro Dussæum (imo nec Duræum) esse primum authorem ineundæ concordie qualem proponit , testantur viæ consimiles in veteri Ecclesia , aut tentatæ aut initæ inter Christianos dissentientes, à Synodis , quarum nonnullæ sic attemperarunt suas confessiones , ut eis subscriberent , cum Catholici & Ariani,

tum

tum Donatistæ & orthodoxi. In Nicæna I. & Constantinopolitana I. Synodo, Patres statuerunt, unum Deum, Patrem, Filium & Spiritum Sanctum, tum ita distinctos inter se ut *ὁμοῖοι* essent, at non laborarunt in explicando discrimine inter Essentiam & Hypostasim. Sic Episcopi Epheli & Chalcedone convenerunt in definiendo unam esse personam Christi, duasque Naturas: at non existimarent modum ulterius indagandum. Eandem viam tentavit Duræus inire, & ait, placuisse Pastoribus celebrioris notæ in Gallia: verba ejus sunt Dissertatione de pace inter Evangelicos procuranda, *itaque capita omnia controversa certâ quâdam formulâ concipiantur, quæ utrisque satisfaciat, ex ipsis sacre Scripturæ verbis (si fieri possit) contexta: nemo à fratre quicquam præterea exigat.* Certè, Davenantius adhortatione ad pacem, & de pace Ecclesiæ, & Usserius concione coram Rege pag. 28. imò & Hallus Episcopus opellâ quæ dicitur *Pacificus* non longè abeunt à Duræo, ut non longè Duræus à Duffæo, cum affirmant, paucissimis capitibus Summam Christianæ fidei, concipi posse & comprehendî, quæ ab omnibus Christianis recipiatur, & cui nihil desit necessariorum ad salutem, si accedat studium sanctitatis. Davenantius ait, *Qui credit omnia quæ Symbolo comprehensa habemus, vitamque Christi præceptis conformem agere conatur, ex albo Christianorum non est expungendus, neque à communionem cum aliis Christiana cujuscunque Ecclesiæ membris abigendus.* Pro pace pag. 10. 11.

Jof.

Jos. Stegmännus *Dodecad, de Eccl. viat. præfat.* volebat totum Christianismum verti circa hos duos cardines, *veram fidem in Christi meritis, & vitæ sanctitatem.*

Sed quod diximus de concordia tentata superiori seculo inter Lutherum, Zuinglium, & Oecolampadium, annitente imprimis & se interponente Principe Hassiæ, tum de Concilio Tridentino, id accurante ut dissidentes Romanenses in unam sententiam adducerentur, docet Dussæum nihil induxisse quod sua novitate offendere debeat bonos viros: sanè ea spes concordix inter Lutheranos & Zuinglianos revivixit anno 1642. per authores Reconciliationis (nam ejusmodi vocat Chrysostomus *καταλλαγῆς αἰτία*;) factò Francosurdix in hanc rem concordix Instrumento.

Sed dices, Si nulla est via reconciliationis Pontificiorum cum Protestantibus, dum stat his & illis sententia non discedere à modo sui cultûs & fide sua; quinam foret tandem coalitionis modus, quod temperamentum quò cõcordibus animis palam vivant omnes Protestantes, etiam singuli retinentes, suam fidem suumque cultum, seu hujus & illius modum sub Christiano Magistratu, sed non Pontificio? hæcce meo judicio foret ratio expeditior ineunda, tum à Magistratu ipso, tum à populis.

I. Ut Magistratus altè imbiberet, Fidem non imperari, nec ad eam quemquam cogi debere, nec quemquam puniendum esse ob errorem intellectûs, sed voluntatis, arctè tenendo

nendo Patrum dicta, aurea fané & uncialibus literis incidenda, ut Tertulliani ad Scapulam, *Humani juris est & naturalis Potestatis unicuique quod putaverit colere; sed nec religionis est, cogere religionem, quæ suscipi debet sponte non vi.* Lactantii lib. 5. Inst. cap. 19. *Non opus est vi & injuriâ, quia religio cogi non potest. Verbis potius quam verberibus res agenda est, ut sit voluntas.* Greg. lib. 2. Eph. 52. *Nova & inaudita ista est prædicatio quæ verberibus exigit fidem.* Bernard *Suadenda fides, non imponenda.* Hoc modo, docendo potius quam jubendo, monendo quàm minando, cum Magistratus reformatus se gerere debeat erga subditos, seu Pontificios seu alios ab eo abeuntes in religionis negotio, tantò magis confirmari debet in ea lenitate, si ei constet eam viam mitiorem placuisse cordatioribus Pontificiis de gente laica & togata (at non de clero viris semper iniquioribus) erga illos quos vocant hæreticos: Cujus rei luculentum habet exemplum Thuanus anno 1555. lib. 11. Historiarum in Senatu Parisienti: nam cum Rex Henricus II. incitatus à clero suo urgeret istius curiæ senatores ut edictum asperius in Lutheranos confirmarent, & in suos commentarios referrent, Thuanus ait in hæc verba senatum ad Regem rescripsisse, *Cum minimè æquum censeret, senatus suarum partium esse duxit, ut ad te rationibus referretur, quibus adductus fuit quominus ei edicto subscriberet, supplicij id tantum effectum est ut crimen potius detestabile esset, quàm errores ipsi corrigerentur: æquum*
videri

videri ut potius vestigiis veteris Ecclesiæ insista-
tur, quæ non ferro & flammis in religione consti-
tuenda ac propaganda, sed puriore doctrinâ,
& honestis vitæ antistitum exemplis rem con-
fecit, piè vivant & sincerè verbum Dei doceant :
hac ratione pravarum de religione opinionum
luxuries coerceatur. Hæc remedia si spernan-
tur, nullæ leges, nullæ edicta huic malo cu-
rando satis erunt. Quis non lugeat hîc vicem,
non solum orbis Christiani ut Pontificii, sed &
Reformati, quorum gens sacra (cujus esset
imprimis verbo potius quam gladio errantes
in fide aut reducere aut coercere) semper fuit
in modo & temperamento quod adhiberi de-
bet ut obviam hæresibus & hæreticis serpenti-
bus eatur, ad consilia aspera, crudelia & im-
mania pronior, quàm natio laica de quacun-
que Christianorum secta, imo quam Ethnica.
Sanè tertio seculo Idacius & Ithacius, teste
Sulpicio severo, suâ orthodoxiâ feroces, pri-
mi introduxerunt in orbem Christianum le-
gem (saltem authores ferendæ fuerunt,) de
puniendis hæreticis gladio aut flammis, ægrè
Imperatore Ethnico Maximo patiente hanc le-
gem ferri, nec ad id adacto nisi impulsu &
clamoribus orthodoxorum Episcoporum.
Quorum exemplum dehinc secutus clerus
seu Pontificius seu reformatus semper fuit
asperior gente laicâ in constituendis poenis in
hæreticos : quanquam non negaverim, omni
tempore extitisse pios & sanctos viros de cle-
ro (sed longè numero impares) in quibus fuit
St. Augustinus & Beatus Martinus, qui huic
diræ

diræ legi intercesserunt, censueruntque in neminem capitali supplicio animadvertendum esse, propter prævum iudicium, imo nec in quemquam hæreticum durius statuendum, sed relinquendum Dei iudicio, juxta dictum Ethnicorum *Deorum injurias Diis curæ esse*: & Jurisconsulti, *contemptam religionem satis Deum ultorem habere*: Nam semper extitisse minorem numerum piorum & de clero & de plebe, quorum Consilia essent & saniora & æquiora, testatur Severus. lib. 2. in fine, *Nunc cum maximè discordiis Episcoporum turbari aut misceri omnia cernerentur, cunctaque per eos odi, aut gratia, metu, inconstantia, invidia, factione, libidine, avaritia, arrogantia, desidia essent depravata; postremo plures adversum paucos bene consulentes, insanis consiliis & pertinacibus studiis certabant: inter hæc plebs Dei & optimus quisque probro, aut ludibrio habebatur. Redeo in viam.*

2. Verùm si quid expedire censeret Magistratus, constitui circa aut heterodoxa aut diversa sentientes, ut solius est de quacunque re legem ferre aut statuere, id faciat quadriariam; *conniventia, toleratione, imperio, & invitatione.*

1. Conniventia, non inquirendo in Judæos Pontificios, Tremulos, &c.

2. Toleratione; ferendo publicè & privatim in suo territorio cultum Lutheranorum, Calvinianorum, Arminianorum, & aliorum qui non tam à fide quam à modo cultûs abeunt quem approbat, tum neminem fidum, aut
Regi

Regi aut supremo Magistratui capite diminuendō , aut Religionis causâ libertate civicâ & subditorum exuendo.

3. Imperio: imperando, ut in Anglia, & fidem & modum cultûs, sed illis duntaxat, qui in eam fidem, eumque modum cultûs, quem approbat, nomen dederunt: tum eorum Pastoribus seu Episcopis seu aliis (non utique cæterarum sectarum Pastoribus, nisi quatenus expedire visum fuerit) assignando & attribuendo, Episcopatus, Sacerdotia, & Ecclesiasticos redditus.

4. Invitatione: nempe invitando Dissidentes eorumque Pastores, præmiis, sacerdotiis & Episcopatibus, omnesque in genere exemplo sanctitatis vitæ & doctrinæ illorum qui eos possident ad amplectendum, tum fidem, tum eum modum cultûs, quem aut approbat aut imperat.

Quod si Pontificii Magistratus ad id quadruplex temperamentum coalitionis adduci possent, meo iudicio ratione longè expeditiori, quàm à Dussæo proposita constaret pax, fides, religio, Regibus, Magistratibus & populis.

3. At quod spectat modum coalitionis adhibendum ab ipsis populis meliori loco res essent ubique inter Christianos si dictum Rupertii Meldeniî cordi esset, *Parenes. fol. F. 2. verbo dicam, Si nos servaremus in necessariis unitatem, in non necessariis libertatem; in utrisque charitatem, optimo certè loco essent res nostræ: aut si arrideret unitas, (an potius unio?) quam*

L

Hila-

Hilarius commendat libro contra Auxentium. *Speciosum quidem nomen pacis & pulchra opinio Unitatis; sed quis ambigat eam solam Ecclesie atque Evangeliorum unitatem pacem esse quæ Christi est.*

Sed meo iudicio duo imprimis (culpâ potissimum gentis Sacræ etiam purioris reformationis) obstiterunt reformationi ulterius, aut non protractæ, aut non promovendæ, atque paci & charitati firmæ & immotæ constituendæ & servandæ inter Ecclesias, licet in summa rei orthodoxas, attamen communione à se invicem abeuntes: nempe altè animis pastorum sedentes duæ opiniones: una de potestate sua Ecclesiastica & Foro externo habendo seorsim à curiis Potestatum secularium: altera de non tolerandis, imo affligendis & vexandis, exilio, multâ, carcere, non tam fide quàm modo cultûs & disciplinæ ratione à se discrepantes, & de necessitate uniformitatis ut loquuntur, in eodem territorio retinendæ.

Circa profitentes planè impia dogmata & pravam religionem (præter eam quæ est Pontificiorum,) cui tamen subrepat error, potius intellectûs quam voluntatis, (Soli Deo notæ,) saltem hoc temperamentum adhibendum est, legis latæ à tribus Imperatoribus, Gratiano, Valentiniano, & Theodosio *codice Theod. l. omnis de heret. Ut ejusmodi hæretico imponatur necessitas, ut sibi tantum nocitura sentiat, aliis obfutura non pandat.*

At quem modum tolerationis tenere debeat

Ma-

Magistratus reformatus erga Pontificios subditos, non facile est statuere, quandiu alium Dominum, nempe Papam agnoscunt extra sui Domini territorium, & stat sententia altè animis Pontificiorum sedens, Fidem non esse servandam hæreticis quibus accensent Protestantes: nam ejusmodi non tolerare, non tam esset dictamen religionis, quàm axioma Politicum & Imperii firmamentum & securitas. Verùm cum his quoque author essem agi per legem trium Imperatorum, si modò cuiquam aut id axiomaticis, aut charitas in Papam non obftet quominus pax regni sit immotiôr: nam nolim in quemquam graviùs statui religionis nomine, vel per exilium, aut capitis diminutionem, nisi forsan Jesuita foret.

Cæterum de hisce penes me sunt rationes plurimæ pacis ineundæ in orbe Christiano, si vera & profutura pandere & palam facere, tutum esset; nec obstarent ubique sua cuicque utilitas & præjudicium, pessima ut ait Tacitus veritatis venena, tum te diutius morarer, Vale.

Nobilissimo & Illustrissimo Viro,
 DOMINO, DOMINO,
 MARCHIONI
 DE RUVIGNI, &c.

AGmen Gentilium meorum, quibus nostra impense probari cupio, ducat Vir meritissima fama & omni laude dignissimus, celebrisque & celebrandus à genere; ingenio, rerum usu & militarium & forensium, quibus defungendis semper fuisti terrarum Dominis ad quos justè, imprimis tuo, acceptissimus; tum, ab eruditione in omni genere literatura, pietate in Deum, amore in Protestantium partes, Religionem & causam, & præcipua charitate in Ecclesias in Gallia reformatas, & quæ te eo nomine, ut suas delicias, suosque oculos diligunt, imo amant, atque ut suum Mæcenatem, defensores, oratores, & interpretes suorum, seu desideriorum, seu gravaminum apud Potentissimum & Christianissimum Regem, suspiciunt, colunt, venerantur: & cujus judicio, suo calculo comprobante totam operis nostri rationem, plus gauderem, gloriarer & triumpharem, quam homo privatae sortis factus inopinatò Regii fastigii & Domini compos; quodque vel solitariū opponerem toto agmini virorum de ordine Ecclesiastico, qui novam nostram rationem, aut odiosè exagitarèt, aut damnares; quocirca cum

habeam

babeam omnes de statione laicorum qui à Papa abiverunt, viros præcipue dignationis, Consulares, amplissimis legationibus, pulcherrimisque muneribus defunctos, qui ad nostra respicere dignantur, approbatores & laudatores illius substructionis & fundamenti quibus nova nostra Ratio innititur: cumque huic globo virorum illustrium de laico ordine se adjungant plures de sacro (aliàs in re quam tracto præjudiciis abrepto & excacato) in quibus est in Gallia Vir Clarissimus Jobannes Vanquelinus: cujus auctoritate, cum & alii ejusdem Sacri ordinis, aut commoverentur, aut persuaderentur; & in his esset ejus Symmysta Falcenburgius unice mihi reverendus, memini hujus olim verba fuisse per literas ad me, Tantum abest ut tua sententia subvertat aut percellat nostrarum Ecclesiarum in Gallia disciplinam, ut contra stet sententia, tuas hypothèses naturalia & certa fundamenta esse quæ tanquam in firmo & solido stabiliant & collocent illam disciplinam.

Cum inquam, hæc ita sint, Vir illustris, hæc me jucundâ opinione sustento, futurum ut quæ placuerunt toti nationi laicorum, nec displicuerunt omnibus de gente Sacra, à te probentur & arripiantur: atque per te ad alios diffundatur ratio finem tandem impanendi controversiis circa religionem, & liberandi exolvendique labore in orbem actis nostros Doctores, qui jam integrum seculum emensi sunt viam, vestigiis iisdem, millies & millies rursus, prorsum, versis & tritis, sine ulla aut specie, aut spe progressus.

Age, Vir Magne, si non exemplo tuo, saltem animo, eloquio & tua authoritate cohortare viros præstantissimos Roccas, Claudios & Boscos instando, suadendo, orando, usque adeo donec perpuleris ad Papam aggrediendum & invadendum per eum Jugulum quem designo, viamque insistentiam, multò breviorē, tutiorē & faciliorem ad adducendos Pontificios ad Protestantium religionem, quàm quæ à Dussæo proponitur. Denique voti compotem me redde; in qua spe, omine, & voto, desino, Vale.

Illustri

XLIII.

Illustri Viro,

DOMINO

JOHANNI COLADONIO,

Equiti Aurato & Archiatro Regio.

Tibi duplici nomine (vir illustris) debetur locus inter eos, quos depasco iudices & lectores opellæ meæ: tum quia hic in Anglia locum Principem tenes inter Archiatros Serenissimi & Potentissimi Regis: tum quod sis unus de illustribus Gentilibus meis, quibus nostra maximè probari velim: Neque enim eâ gratiâ te compello, ut in tuas laudes excurram & dicam de tua peritia in re Medica, in qua totum Mayernium, avunvulum Tuum, virum longè Illustrẽ, & sæculi nostri Decus & Æsculapium refers: tum de tuis maximis in me meritis, quibus sæpe decumbenti, & in lubricis locis porrexisti manum; at semper conspectu tuo recreavisti & favore ac amore complexus es: quibusque me totum tibi devinxisti: certè illis cumulum addidisti, cum existimavisti nostram necessitudinem cum præstantissimo filio tuo primo genito Theodoro Coladonio posse eum firmare in proposito assurgendi ad ulteriorem eruditionem: in cuius stadio sic sua sponte currit ut potius egeat sufflamine quàm stimulo; cuius ingenium adeo est acre, & iudicium subactum; indoles proba, vivida & erecta; eloquentia

quentia & oratio seu ore seu scripto, naturali pulchritudine exsurgens, & maximis oratoribus par; ut etiam sine literarum adjumento eminere posset. Quocirca de tanto filio tibi gratulor; ut mihi tali amico gaudeo.

Nobi-

XLIV.

Nobilissimo & Amplissimo

Viro,

DOMINO

VALENTINO CONRADO,

Regis Christianissimi Consiliario &
Secretario.

Maximo, & viro, & nostræ Galie, & Minibi Illustris Academiæ, & quod caput est Ecclesiarum reformatarum ornamento, debetur imprimis iudicium de nostrâ opella, magna & nova conante: viro sanè maximo, in quo omnia summa nemo bonus non amet, imo non revereatur, (certè non desideret,) Sapientiam, prudentiam, & eloquentiam, sinceram pietatem, tum æquabilem vitæ irreprehensibilis tenorem; videatque perfectissimum exemplar, moribus, ore & habitu, ad exprimendam imaginem honesti; ejusque quo nostrâ ætas non habet antiquæ severitatis & decoræ cunctationis retinentiorem: cujus virtus, nisi obstantia modestiæ percurreret, miràm, si optio esset, lateret in seductio & obscuro. Professio hæc tua modestia hæcenus obstitit, accedente purioris religionis professione, cur, aut in Aula, aut in Foro civili, principem locum non teneres: ut jam spes sit futurum, ut qui recusat

casat se in lucem proferre aut propria monumenta seculo imputare & consecrare, non dedignetur ad aliena respicere, eaque suae censuræ subicere, vel probando, quod rectum est, vel suo obelo configendo, sicubi erratum est.

Clas

Clarissimo, Amplissimo & Nobilissimo
Viro,

DOMINO

HENRICO JUSTELLO,

*Regis Christianissimi Consiliario , &
Secretario.*

QUanquam nullâ ingenii, doctrinæve specie,
imo ne officiorum, mutuum benevolen-
tiæ redhossimentum promereri possim apud
te (Vir magne;) observantiâ tamen & omni
cultu erga te & tuas virtutes, do operam ut
dignus censear aliquâ tua commendatione, ut
reputes me virtutibus eatenus abundare quia
amo tuas: Te imprimis, quem afflictum de-
pereor; & cujus diligo ingenii elegantiam ab-
solutissimam, humanitatemque, quâ te ad
longe Te eruditione inferiores, ut me, demit-
tis, quem tuo amore complecteris, laban-
tem erigis, ignarum instruis, errantem re-
ducis in viam &, afflictum solaris: quo san-
né tuo affectu imprimis inpræsens opus est
mihi, dum legis hancce meam *Rationem*:
quæ sané ornatior prodiisset, te duce, aut in-
spectore: quocirca æquum est, si quid in eo
opere probas, aut mihi, aut aliis, plus in-
dulgeas amoris quàm iudicio. Cujus tamen
hanc fiduciam habeo fore ut arrideat tibi quod
maximè

maximé urgeo , cum toto meo *jugulo cause* ; tum apud reverendum Ludovicum le Blanc ; nempe ad summam rei & litis quæ nobis est cum Pontificiis , & ad Reges & populos abducendos à Romana Religione : breviter ad Papam , ejus imperium , & unâ Ecclesiam Romanam & religionem evertendam , parum proficere viam & rationem (jam seculum integrum tentatam & usurpatam , & quæ etiamnum insistitur ,) per quam vel luce meridiana clarius demonstraretur & probaretur Regibus & populis , imo ab illis agnosceretur & intelligeretur futilitas ; aut omnium , aut unius duntaxat dogmatis Romanensis ; ut est Transubstantio , Purgatorium , Primatus Petri , Cultus imaginum & sanctorum ; quorum ; vel singulorum , vel omnium fides dubia est , etiam apud celebriores quosque de Romanensibus Doctoribus : inter hæc nihilominus inviolatis & immotis , Papâ , ejus imperio , Ecclesia & Religione Romana : nec per eam viam posse , vel uni dogmati ut est Transubstantiatio fidem detrahi , uno seculo , apud unum hominem per tot codices , in hanc materiam assumptos & ultro citroque editos , hinc à Rocca & Claudio , illinc ab Arnaldo & Jesuita Noüet , ut lectione horum major sit , aut autoritas Transubstantiationis apud Protestantem , aut minor apud Pontificios : ac proinde laborem esse eorum , qui arenæ semina mandant , Romam aggredi , non solum per confutationem , putâ Transubstantiationis , quod sané strenue factum est , licet majori

jori cum ingenio & eruditione quam fructu, ab Albertino, Blondello, Rocca, & Claudio, sed & per semel cognitam & compertam à Regibus & clero futilitatem aut istius, aut cujusquam dogmatis Romanensis: intacto inter hæc illo imperii Papalis arcano: quo uno latente mundi Monarchas qui Papæ vestigia lambunt; nec à Pontificiis, imo nec à Protestantibus attrectato (ut nunquam sine querela ægra tanguntur) stat, stabitque Papa ejusque imperium, & unâ Romana & religio & Ecclesia: at semel detecto, compertoque illo arcano, sacris illis capitibus, totus hic complexus Papæ, Ecclesiæ & religionis Romanæ statim ruere & concidere debet: eventum tantò certiori, quod ratio rem ad effectum perducendi, futura sit Regibus acceptissima, nec ingrata, ut fuit Pauli ad Felicem sermo, qui non fuit de imperio parando, sed de vita castigata & judicio futuro; tum non sit opus multorum annorum multò minus seculorum, quale est molimen abducendi populos à quoquam dogmate Romanensi, ut est Transubstantiatio, sed aliquot horarum. Atque id unum arcanum, quod velim à nostris instillari & inculcari Regibus, posthabito tædio, nec unquam profuturo labore confutandi sigillatim cæteras Romanenses doctrinas, pronunciatum est, unâ eaque brevissimâ periodo comprehensum.

Cum Papa reipsâ possideat Imperium terrenum, in imperio, & in imperium Regum, qui in ejus verba juraverunt; & ibi exerceat jura
Re-

Regalia, ut sunt Dominorum in subditos, ligas, fideles, & clientes, sub fuco Potestatis Ecclesiasticae; planè confici & sequi, Illos Reges precario duntaxat regnare, saltem habere Papam socium & consortem imperii.

Profectò hoc unum pronunciatum, inculcatum Regibus & mundi Dynastis qui Papam adorant; plus valeret ad rei summam, & plus momenti haberet ad evertendum Papam, ejus imperium, & eadem ruinâ involvendam, Religionem & Ecclesiam Romanam, quam foret probata illis & comperta vesania, vel unius duntaxat Romanensis dogmatis, ut est Transubstantiatio, Purgatorium, Primatus Petri, vel totius systematis Romanensis, de quibus Reges, de quacunque religione & sacro dogmate securi, stant arbitrio confessarii sui. Nec est quod Protestantium Antistites deterreantur à detectione, illius arcani Papalis imperii, quod per latus Papæ vulncretur Potestas Ecclesiastica, quam prava Religione forsàn mallerent intactam, quam ruere Papam, si unâ ruinâ hic & Potestas Ecclesiastica caderent, namque eos scire velim posse Papam cadere absque ruina Potestatis Ecclesiasticae: nec si tam res est bona sancta & vera quam ipsa pietas, & Doctrina de salute per solum Christum parta & paranda, obstare quominus Papa illam Potestatem perinde in obtentum sumat, atque vulgò scelera tantò facilius patrantur, ubi fuco pietatis obducuntur.

Porro, quanquam nemini de gente laica
me

melius nota est hæc veritas quam tibi, nec quisquam magis idoneus extat, qui illam ornare, limare, & prodere possit; attamen non dubito affirmare, plus virium habituram, si tuis consiliis & præceptis imbuti præstantissimi viri de gente sacra, Marefii, Roccæ, Blanci, Gaillardii, Claudii, Mori, Bosci, Mönachi, Langlæi, Dallæi, illam calamo & scripto publici juris factò assererent & astruerent, & in debellando Papa per istius veritatis detectionem, quâ solâ, tota nostra nova Ratio constat, operam sociarent cum apprimè reverendo viro Johanne Vauquelino, qui non solum per omnia noster est, & ὁμολογῶν in hac veritate vindicanda, sed & primus virorum de ordine sacro in Gallia illam palam agnovit & suis symmystis commendavit.

Age ergo, Vir Magne,ingere animis virorum Doctorum, momentum, imo facilitatem, exequendæ nostræ novæ *Rationis* non propemodum unâ, sed revera unâ periodo conclusæ, ut habet epistola ad meum Vauquelinum; & cui illa, quam tibi nunc exhibeo succenturiari potest, si altera longior & operosior videtur, quàm ut, aut uno spiritûs ductu evolvatur, aut ad effectum perducatur; cum par & idem felix successus expectandus sit ex hac & illa, intellecta, probata & arrepta: Nam præstò mihi est ad manum ratio, aut potius novæ nostræ rationis epitome: quam nisi viri sancti refugerent, & offenderentur ad ejus tactum, commendarem non tam tibi quàm illis, eamque non
unâ

unâ periodo, sed unâ lincâ comprehensam, unde (si semel juxta intelligeretur, probaretur & ad effectum à nostris adduceretur) perinde Papa rueret, & unâ totus complexus & systema Ecclesiæ, Religionis, & totius Romanensis & missatici apparatus, conciderent. Sed quid moror illam tibi edere? En tibi ergo!

Ratione expeditissimâ Papa rueret, per ruinam Potestatis Ecclesiasticæ.

Quæ pericope perinde argutè & breviter Gallicè exprimitur.

Le plus court chemin pour defaire le Pape est de se defaire delà Jurisdiction Ecclesiastique.

Brevissimè. Osters la puïssance Ecclesiastique, & vous osters le Pape.

Nam quanquam forsan Potestas Ecclesiastica, non invexit necessariò, certum est congruenter intulisse Papam in mundum, ut doceo Epistolâ ad Clarissimum Virum Isaacum Vossium: Et multò certius est, non solum scalam fuisse ascensûs ad Papatum, sed & illâ ablatâ ne horam unam consistere posse Papam in orbe Christiano, adeoque longè expeditissimam illam esse rationem quæ uno nitu Papam radicitus extirpat, hoc est, illam radicem, seu Potestatem Ecclesiasticam, evellet funditus unde (si quæ ejus vel minimæ fibræ aut tenuiores villi non eximerentur) aut Papa, aut Potestas Papali analoga semper pulularet, aut erumperet. Sed quia nondum sunt præparati animi nostrorum Pastorum, ut hanc

hanc medicinam, aut fumant aut concoquant, quæ uno pharmaco & Papæ, & suæ tantopere amatae Helenæ, (Potestati Ecclesiasticæ,) vitam eripit: facile adducor ut illam retineant modò non repugnent *Rationi* nostræ propositæ & exequendæ per illam viam quæ larvam illam Potestatis, si non tollit de mundo (cujus possit aliquis esse usus in orbe reformato) saltem eripit Papæ; docendo sub hoc fucò Papam suum imperium in Reges & nationes & ædificasse & etiamnum retinere.

Nam licet, quod stet Papa & conciliet authoritatem Ecclesiæ & Religioni Romanæ, id debeat soli possessioni longæ imperii terreni in Reges & populos, pompâ, divitiis & robore magnifico, non verò authoritati cujusquam dogmatis: certè non Primatûs Petri quem oculatiores censent infirmum esse tibi-cinem supportandæ Monarchiæ Papali; & quem Sorbonistæ subruunt in sua censura contra Vernantium: non infallibilitatis, quam Rex Christianissimus & senatus Parisiensis sugillant ut chimericum figmentum & vacui capitis deliramentum: non decretalium, quarum fraudes & imposturam ipsi Romanenses agnoscunt: licet inquam, sola possessione res & imperium Papæ stent, attamen certum est quod Papa brevi illa possessione moveretur, si duplici illa fraude atque errore exolverentur, tum Rex, tum primores regni de gente laica, qui quidem altè animis infixus est, non solum Regum & populorum qui adorant Papam; sed & proh dolor! pene omnium Protestantium.

M

I. Unum

1. Unum quodque territorium regi debere per duas jurisdictiones collaterales, quarum alteri (quam Ecclesiasticam vocant,) aut Papa aut Clerus præest, imperio, nulli præterquam Deo aut Christo reddendis rationibus obnoxio.

2. Inter hæc Reges retinere seorsim imperium (idque terrenum & civile) perinde *ἀνυπερβύιον*, de cujus possessione nemini præterquam Deo, & gladio quo accinctus est beneficiario aut clientari, jure sit obstrictus, ut nec cuiquam obligatus, tanquam superiori, aliqua sacramenti præstatione: ut jam si recte ratio putatur, sola Potestas Ecclesiastica non solum *πρότιμ.ν* & acceptum reddit Imperium Papale terrarum Dominis & populis; sed &, ut ait Petrus Sarpus, est centrum quò omnes fraudes & technæ Papales concurrunt & tendunt, & quò Papa facum facit Regibus, hoc est instrumentis servitutis (ut loquitur Tacitus) *ἀνταρξαιείας*, tum Ecclesiæ, religionis & sanctitatis: atque conciliat auctoritatem futilibus quibusque Romanensibus doctrinis. Sed longius abripior.

Magni

XLVI.

Magni Patris, Magno Filio,

DOMINO

PETRO MOLINÆO,

S. S. Theologiæ Doctori, Canonico Cantuariensi, & Regio Sacellano.

Cum nemo extet in choro virorum illustrum, Doctorum & Amicorum, ad quos scribo, quibus præter debiti necessitudinem magis voluntariâ sponcione obstrictus sim, hoc est, plus debeat, aut debereme, adeoque placere novam nostram *Rationem* velim, quam tibi. Cumque tota nostra nova *Ratio* iisdem hypothesebus insitit, quibus nostra opella publici juris facta ante quinquennium ex occasione Cardinalis Chigi in Galliam adventantis, & quæ tum demum unâ liturâ emendata fuit ab illustri tuo Collega Merico Casaubono, cum visa est illi sapere Erastianismum; mihi maximè enitendum est, non quidem defendere aut damnare Erastum, sed dum tibi meam *Rationem* probare conor, tuæ cognitioni subicere, atque exponere illas hypotheses quibus innititur, longè abire ab Erasti placitis.

Namque, cum in Ecclesia quavis, seu particulari, seu nationali, tum in omni Synodo, convocatione; imo extra Synodum, Pastores,

M 2

Episco

Episcopi & Præsules duo genera actuum proferant, quorum primum est functionis, alterum Jurisdictionis : Illud quidem quod est primum, exerunt quatenus Ecclesia est coetus Christianorum & fidelium : Et eatenus ipsi Pastores sunt Evangelici, & verbi prædicatione & administratione Sacramentorum, pascunt populum; & ex nolente volentem præstant; at secundum actuum genus exerunt quatenus sunt præditi jurisdictione & *potestate*, jure seu Divino, seu humano, habita & retenta, etiam in nolentes, quos compellant cogantque vel ad obsequium, vel ad poenam, si parere detrectant.

Per primum genus actuum, quod est functionis, canones, leges & constitutiones Ecclesiasticæ, imò censuræ, non ulterius sunt validæ, quàm quatenus sunt bonæ, veræ, justæ, aut tales esse censentur ab illis, quibus hæ leges decreta & constitutiones figuntur : atque juxta illam actuum classem ipsa Ecclesia est coetus Christianorum & fidelium, & soli Christo subest : ipsi verò Pastores & Episcopi, non sunt Regis Ministri, sed Christi; nec eatenus Rex est caput Ecclesiæ.

At per alteram classem actuum Ecclesia est corpus Politicum, cujus Rex est caput, Rector & summus Gubernator, cujus leges & constitutiones Ecclesiasticæ sunt validæ, non quia justæ, bonæ, & veræ, sed quia imperatæ à summa Potestate seculari : neque enim juxta eam classem actuum secundi generis, canones & decreta Pastorum & Episcoporum accipiunt

cipiunt modum , aut imperii , aut obsequii ,
 ab æquitate , iustitia , aut bonitate decreto-
 rum , sed à voluntate imperantis : sive ille
 imperans sit Rex , sive persona Ecclesiastica ,
 quæ non magis actus hujusce classis producit
 & exerit quàm persona sacra & Ecclesiastica ,
 quàm medicus ædificat domum quàm medicus .
 Denique , par ratio est duplicis generis actuum
 qui se exerunt in Ecclesia aut Synodo , vel à
 Pastoribus , vel ab Episcopis , quæ duplicis ge-
 neris actuum , qui se proferunt in Collegio Me-
 dicorum , aut fabrorum ; in coetu Ducum &
 virorum militarium , & in societate mercato-
 rum & Textorum ; neque enim Collegium me-
 dicum subest Regi , quatenus medicum , sed
 quatenus corpus Politicum . Nec ipsi medici ,
 quàm medici sunt Regis subditi , nec leges ferunt
 Pharmacopolis & Medicinæ candidatis per Po-
 testatem medicam ; ut nec mercatores aut fa-
 bri in coetum coacti res suas dispungunt per
 Potestatem , aut fabrilem aut mercatoriam ; sed
 per illam quæ viget in omni coetu , in quo
 non functio , ars , scientia , imo nec sapientia ,
 nec prudentia ; sed major pars suffragiorum
 aut voluntas convocantis , imprimat vim con-
 stitutionibus à coetu latis . Per primum ge-
 nus actuum , ut sunt functionis , scientiæ , ar-
 tis , prudentiæ , sapientiæ , suffragia , inquit
 Plinius , ponderantur ; at per secundum nu-
 merantur : per primum impar est prudentia ;
 at per secundum par omnium jus est : per
 primum , nihil est tam inæquale quàm æquali-
 tas ipsa ; at per secundum æquum est singulis ,
 æquum esse jus suffragii .

M 3 At-

Atque hoc Diagramma Potestatis concordat cum sacra Scriptura, cum Ratione, Jure & consuetudine gentium; imprimis apud populum Dei sub legali œconomia, sub qua Sacerdotes per primam actuum classem offerebant, tangebant, adolebant, mactabant victimam; de lepra & de jure Dei respondebant; legem interpretabantur; monita & præcepta Divina inculcabant: at, per secundum genus actuum, communi jure & jurisdictione cum Principibus populi potiebantur, cum intra, tam extra Synagogam & Synedria; nec cuiquam de gente sacerdotali unquam; ne per somnium in mentem venit extinguere, Sacerdotes per duplicem Potestatem jus dicere in Israël; alteram Ecclesiasticam, alteram Politicam: namque hæc distinctio opus est de Fabrica mysterii iniquitatis & Papæ; & sine qua nunquam homo peccati, hoc est Papa, venisset in mundum: nam & jam tempore St. Pauli istius Fabricæ, seu Potestatis Ecclesiasticæ à civili distinctæ prima jacta sunt fundamenta: ante omnia introducta est Potestas perperam dicta Ecclesiastica, priusquam Papa se ejus caput probaret & inferret. Illa fuit scala per quam conscendit ad id culminis, quod nunc insidet.

Obiter dices, Unde sit, si nullo præcepto Divino, aut jure naturali, aut gentium, Potestas Ecclesiastica distincta est à Politica, nec juxta illud jus naturale & Divinum, unquam venit in mentem sacerdotibus & levitis dividere Potestatem Ecclesiasticam à civili: unde
fit

fit, inquam, quod Pastores Christiani Consilia iniverint de Jurisdictione Ecclesiastica separatim habenda in Ecclesia? Ejus rei duæ aut tres omnino videntur esse causæ.

1. Ante omnia, cùm sub primordiis, seu Ecclesiæ, seu reipublicæ populi Dei, hæc & illa non solum in unum corpus coaluerint, sed & uno imperio unâque jurisdictione gubernatæ fuerint à Principibus, Judicibus & Regibus, amicis & Patribus, cum Ecclesiæ, tum reipublicæ, factum est ut nunquam sacerdotes & levitæ, (vel quando suberant Principibus Ethnicis) sibi animo figurarent regimen Ecclesiæ legibus & judicibus distinctum à regimine reipublicæ; sed semper reputaverint sub infenso Magistratu haberi per disciplinam confœderatam (quæ quidem locum suppleret amici Magistratûs,) at sub amico derivari ab eo, tanquam à suo fonte & origine. At planè contrarium evenit sub Evangelio: cum enim circa ortum Ecclesiæ Christianæ, deinceps usque ad Constantinum Magnum, Episcopis & Pastoribus incumberet necessitas sub Magistratu infenso res suas sibi habere, Synodos indicere, disciplinam, leges Ecclesiasticas & censuras decernere, facile in animum induxerunt, illam Potestatem, Potestatisque actus, quorum fons & origo manat à Magistratu amico & benevolo, sibi deberi jure Divino & exerceri virtute clavium; Potestatisque ligandi & solvendi in solos Pastores Evangelicos collatæ, jure usque adeò perpetuo, ut etiam sub amico Magistratu Christia-

no & fidei ægré passi fuerint ; eam Potestatem seorsim vindicatam, aut sibi præripi, aut decurtari.

2. Accedit alia causa, cur Pastores & Episcopi sub Evangelio in ea sententia obfirmarentur, regimen Ecclesiæ distinctum esse debere jurisdictione, legibus, iudicibus, & coetibus, à regimine reipublicæ & imperii ; enata sanè ex occasione tribunalium Ecclesiasticorum, passim erectorum in imperio Romano à Constantino Magno, quæ suffugia erant & Asyla contra rigorem Ethnicarum Curiarum : namque, cum Episcopi horum tribunalium essent iudices ; (quæ quidem de omni penè causa & lite cognoscerent & iudicia proferrent, per delegatam ab Imperatoribus Potestatem, & eatenus Ecclesiasticæ dicerentur, quod eis præessent viri Ecclesiastici ;) non diu fuit, cum cadente in occidente imperio, & acciso in oriente, crescenteque per hoc damnum, auctoritate illorum tribunalium, unà in immensum augetetur Potestas perperam dicta Ecclesiastica : quam quidem, cum reipsa obtinerent jure imperatorio, factum est ut Episcopi eam nollent retineri virtute diplomatis à Principibus concessi, sed per delegatam à Principe Ecclesiæ Jesu Christo, & pro potestate clavium, tum ligandi & solvendi, ad solum Christum & ejus Ministros pertinente : atque inde non solum confirmata est ubique opinio de Jurisdictione Ecclesiastica distincta à civili, sed & inter omnia tribunalia caput extulit Romanum. Atque illæ sunt duæ cau-
sæ

sa veriffimæ, cur non utique sacerdotibus & levitis sub lege, quemadmodum Episcopis & Pastoribus sub Evangelio, subrepperit & invaluerit opinio de duplici Jurisdictione, quæ quidem usque adeò altè animis hominum sedit, ut arrepta fuerit à Protestantium Antistitibus; annitente imprimis reformatorum primipilo Calvino, sine quo Potestas seorsim habita à civili, numquam introducta fuisset in orbem reformatum; quanquam corroborata fuerit ex occasione eadem arrepta à Pastoribus reformatis Gallicanarum Ecclesiarum, quæ ab Episcopis & Antistitibus Christianorum ante Constantini Magni tempora, ut ab his & illis juxta sub Magistratu infenso assumpta disciplina confœderata, retineretur jure proprio, & censeretur eo jure retinendam, etiam sub Magistratu amico & fideli.

Tertia causa quæ ubique firmavit Christianos in retinenda & approbanda Potestate Ecclesiastica distincta à civili, orta est ex decretalibus, introductis nono seculo, quibus fortiter duplex potestas, altera Ecclesiastica, altera civilis constituebatur; uni illarum Papa affixo; unde factum est ut in reformatione illa Potestas non fuerit ablata, sed tantum decollata.

Addi potest quarta causa, quòd cùm gens sacra, ut utriusque juris jugiter fuit intelligentior, ita addictior esset presenti seculo, unde congruenter Romanus clerus dictus est secularis, ut à Religioso distingueretur: tum per plura secula judicium Episcopi imprimis suscipe-

spiceretur , & in magno pretio esset : clerus ubique regnaret in Aula & in foro : nec Judex jus , nec advocatus causam diceret nisi clerico in Consilium , aut in consortium operis assumpto , usque adeò ut forensium actorum scribæ , essent clerici ; cujus rei vestigium remanet in usu , qui etiamnum hodie obtinet , cum in privata domo qui scripturæ operam navat , clericus dicitur. Cum , inquam res ita se haberent : non mirum si altè sederit animis omnium ordinum , ordini Ecclesiastico , non tantum suum deberi seorsim separatum imperium , sed & longè nobilius civili & Politico ; & quod Canonistæ subiciunt per subordinationem Ecclesiastico.

Sed è diverticulo redeo in viam , & ad id , quod maximè urgeo , nempè duplex genus actuum conspicuum esse , ut in omni coetu , sic imprimis in una , seu Ecclesia , seu Synodo ; id affirmant Isidorus & Synodus Parisiensis , viz. *Intra Ecclesiam ; Potestates necessariae non essent , nisi quod non praevaleret sacerdos efficere per doctrinae Sermonem , Potestas hoc impleat per disciplinae terrorem.* Hic habes Potestatem Magistratûs & Potestatem verbi , hanc quæ se exerit per doctrinae Sermonem ; illam per disciplinae terrorem : unam , affixam Potestati seculari , aut disciplinae confederatae , quæ illius vices supplet : alteram , sacrae functioni ; unam denique quæ est persuasionis , alteram quæ est Jurisdictionis seu coactionis : nam non datur media Potestas inter Potestatem Verbi quæ transfert à tenebris ad lucem , à regno

regno Satanæ ad Deum per doctrinæ Sermonem, & Potestatem Magistratûs, quæ etiam nolentes & invitos cogit ad obsequium.

At audio te allegantem authoritatem Pauli, Timothei, & Titi, censuras decernentium & infligentium, unde probetur, & dari Potestatem mediam inter Potestatem verbi & Potestatem Magistratûs: & illam cogentem esse; neque posse quemquam censuræ subjici & corripi, quin cogatur subire poenam, punitio-nemque, quam potius haberet declinare: hanc porro potestatem & St. Pauli & secundi generis Apostolorum, transmissam fuisse ad Pastores Evangelicos. At facile est docere & demonstrare 1. omnem Potestatem Pastorum Evangelicorum. 2. Potestatem habitam à Paulo, Timotheo & Tito non esse cogentem.

Quod primum attinet, constans est sententia Paparum, Canonistarum, Jurisconsultorum & Protestantium, Potestatem sacerdotalem quâ talem, neminem cogere ad obsequium, sed solummodo se exerere in eos qui lubenti animo monitis, jussis, imperatis, & censuris Pastorum se subjiciunt. Verba sunt Augustini de vera Religione c. 16. *Dominus Jesus Christus nihil egit vi, sed omnia suadendo & monendo.* Et Ambrosii, distin. de poenit. can. *Verbum verbum Dei dimittit peccata, sacerdos quidem officium suum exhibet: at nullius Potestatis jura exercet.* Nicolaus. I. non alium gladium Ecclesiæ tribuit quàm spirituale. Paria censet & loquitur Adrianus VI. Quodlibet. fol. 32. ubi ait, sacerdotem non ulterius ligare & solvere

Solvere quam quatenus solutum & ligatum declarat. Nec ab his longé abeunt Petrus de Marca, & Richerius Sorbonista; non Campanella, Realis Phil. cap. Aph. 12. ubi omnem Jurisdictionem abjudicat à clero; *Jurisdicção ea est nomine tenus, si cogendi & puniendi Potestatem non habet.* Sed disertiores sunt pené omnes Jurisconsulti, seu Protestantes, seu Pontificii; seu Lutherani seu Evangelici, ut Stephani, Hotomanus, Donellus & Cujacius, hujus verba sunt in tit. de audientia Episcopali, *Ecclesiastici non habent Jurisdictionem, nec forum, nec apparitionem, nec executionem.* Quibus se adjungunt viri inter Protestantium Doctores celebrioris notæ: horum agmen ducit Petrus Molinæus tract de clavibus & Epistolâ ad Subrandum Lubertum. *Jurisdicção ea nomine est tenus, si cogendi & puniendi Potestatem non habet.* Chamierus de œcumenico Pontifice lib. 9. cap. 8. §. 22. *Tota Ecclesiam Gubernandi ratio hunc scopum habere debet, ut & in Ecclesiam vocentur plurimi persuasi & in Ecclesia non alia ratione contineantur.* Camero de Ecclesia to. 1. pag. 386. *Ecclesiæ regimen minimè est coactivum: ratio est, quia habet pro proprio & adequato objecto conscientiam quæ cogi non potest.* Tilenus Disp. de Ecclesiæ Potest. in constituenda *œta*xiâ Thes. 39. *Ecclesia Potestatem habet ad ordinem determinandum per ejusmodi statuta quæ dirigendi & monendi, non cogendi vim habent ut leges: ac proinde Ecclesiasticus canon ducit volentem, non trahit nolentem ut lex Politica: quod si accedat co-*
actio,

ctio, ab Ecclesiastici canonis natura prorsus est aliena. Rivetus in Psalmum 110. ubi distinguit regnum Dei à regno civili, quòd in regno Christi non locum habeat coactio, sed tantum directio: non enim vi coguntur homines ad obedientiam Christo præstandam, sed habet regnum collectum verbo; non coactum gladio: inde definitionem veræ Ecclesiæ format, ut sit coetus populi Dei spontanei, qui se totum ad obsequium tradit per Spiritum sanctum regenerati. Amiraldu de gubernatione Ecclesiæ, via Ecclesiastica fit persuasione & instruendo, nullâ adhibita vi & coercitione actionibus externis regit motus internos, dum satisfacit conscientiæ. Porro, cum sacra Scriptura, Ratio Patres, Canonistæ, Protestantium Doctores tria duntaxat nobis edant regna Dei: primum naturæ, cujus Reges & Potestates sunt Ministri in mundo; secundum Gratiae quod est planè spirituale & quod spirituali modo agit in corda & conscientias hominum, cujus subditi sunt soli fideles, at Ministri sunt Pastores Evangelici; tertium gloriæ: oportet ut regnum Ecclesiasticum, hîc nullum locum habeat; si quidem, ut volunt, ne sit naturæ, nec gratiæ regnum, sed hoc & illud participet, adducens ad obsequium, & vi flexanimâ ut in regno Christi, & cogente, ut in regno naturæ seu Magistratûs: de quo tamen regno mediæ naturæ quod volunt esse Ecclesiasticum vi sacræ functionis habitum & retentum, altum est in Scriptura silentium, nec nisi à Papa demum occupatum.

Nec

Nec leve est, quòd cum secundum Canonistas & vindices ~~canon~~ Episcopalis, totum Pastorum munus constet duabus partibus, ~~necessaria~~ Episcopali & sacerdotio, seu Ministerio Evangelico; hoc planè sit expers jurisdictionis, adeoque coactionis, illa (etiam concessa, quod sit perinde juri Divini, ac Potestas paterna & maritalis) sit quidem coercitiva, sed eatenus Potestas Magistratùs, saltem ei supposita, ad modum quo subalterna subjicitur summæ, & Potestas paterna & maritalis per subordinationem subjiciuntur Potestati Magistratùs; ut jam Potestas Pastorum nullo modo sit cogens, nisi quatenus est Potestas Magistratùs: at si non cogit, pertineat ad Ministerium Evangelicum, cujus est perducere ad fidem per vim flexanimam: una est Ciceronis in Senatu potestas; altera ejusdem authoritas in Tusculano, qualis Posidonii sapientiæ Professoris, cui (inquit Plinius lib. 7. cap. 30.) submisit falces licitoris Pompeius, cui se oriens occidensque submiserat. Certè cum Potestas perperam dicta Ecclesiastica sit cogens, par est subjici Potestati Magistratùs: vicissim par est Potestatem Magistratùs subjici Potestati Verbi; at non Potestati Ecclesiasticæ, à qua sit provocatio ad Magistratum: neque enim Magistratus subest duabus Potestatibus, quarum unâ tantum ab altera differt, quantum Potestas Verbi à Potestate Magistratùs.

Quod attinet modum Potestatis habitæ à Paulo, Timotheo, & Tito, nullatenus fuit cogens,

gens; nisi authoritati persuasionis in subsidium accesserit potestas miraculorum. Nam Johannes Baptista, corripiciens Herodem, Ambrosius Theodosium, non adhibuit ullam vim cogentem: nec qui rejicit hæreticum, vim affert hæretico: sed ipse se ab ejus consortio abstrahit: nec si levita, sacerdos aut aliquis de populo jubetur, malum, improbum, leprosum, idololatram à se arcere, aliam vim adhibet præter eam quam ipse sibi, aut forsan jurisdictionis, quâ sacerdos, levita & Princeps populi communi & æquo jure potiebantur, non vi sacerdotii, aut functionis sacræ. Certè ea fuit sententia Hieronymi & Antonii Godelli Episcopi Pontificii ad Titum cap. 3. versu 10. & 11. non ulterius debuisse Titum rejicere hæreticum, quàm quatenus debuit ejus consortium fugere; non feriendo aliquâ censurâ, ut depositione, excommunicatione, aut fustigatione qualis decreta est in Godescalcum à sua Synodo; siquidem versu undecimo, dicitur hæreticus, non alieno, sed proprio judicio damnatus. Verba sunt Godelli in sua parafrasi: *L'Heretique prévient sa condamnation, se séparant le premier de la condamnation des autres, & refusant de se soumettre à ton jugement. At Hieronymus ait, Hæreticum à semet ipso damnari & propriâ conscientia.* Hic subit mirari oculatiorem fuisse aut Hieronymum aut Pontificium Doctorem nostrorum Protestantium Doctoribus, Potestatis Ecclesiasticæ & excommunicationis acerrimis vindicibus, ut fuerunt

runt Beza & Diodati, qui hanc hæretici rejectionem faciendam à Tito intelligunt de sententia excommunicationis ; pari absurditate quâ volunt verbum *σημειῶν* 2 Thessal. cap. 3. v. 14 itidem intelligi de excommunicatione, contra intellectum loci, glossæ, Lyræ & Zuinglii, qui volunt, Apostolum non loqui (verba sunt Zuinglii) de excommunicatione, sed de privata consuetudine, ut quisque quantum potest se subducatur ab illis qui inordinatè vivunt. *Hunc notate* (inquit Lyra) *in scribendo, ut possim cum corripere.* Redeo ad nostrum diagramma.

Atque hoc diagramma concordat cum sensibus doctissimorum virorum de illustri ordine hierarchicorum Anglorum, ut Richardi Hookeri lib. 8. de Eccles. leg. *Rex est caput Ecclesiæ quatenus Ecclesia est caput Politicum : non quatenus Ecclesia est coetus fidelium : neque enim ejusmodi Ecclesia aliud caput habet præter Christum, nec non authoris tractatûs eruditissimi dicti, Episcopal Inheritance & qui putatur Episcopus pag. 22. Dogma est Pontificium : Regimen Ecclesiasticum est distinctum à Politico, quod Bellarminus defendit eo solum Consilio, ut Papalem hierarchiam supra Reges extollat, & clerum eximat à seculari authoritate. Calvinus idem affirmat Inst. 4. 11. §. 1. 2, &c. Sed pace eorum dixerim, crassum hunc errorem esse existimo, licet id dogmatis sit vulgare idolum ; quod quisque animo sibi figuravit, non aliam ob rationem quam quia in regno nostro & forsan alibi divise sunt Curie, quem*

quem quidem non puto fuisse antiquum morem, &c.

Nec hoc diagrammate alia expeditior ratio ad enodandas omnes controversias de imperio Regum circa sacra, & de modo quatenus Rex est caput Ecclesiæ; & quod temperamentum imperii & obsequii adhibendum in negotio religionis.

Per idem diagramma ratio constat nostræ novæ Rationi: nam cum Papa imperium terrenum ædificaverit in Reges & populos per omne nefas, vendicando & occupando exercitium & productionem actuum qui pertinent ad secundam classem: sed ne iniquitas dispalescat, fucando illam injustam occupationem imperii terreni vocabulis actuum qui pertinent ad actus primæ Classis: fucō & tectorio illo deterſo & ablato, Papa prodere se debet Princeps terrenus, adeoque pellendus à mundi Monarchis, nunquam laturis æmulum aut consortem, (si non Dominum) ejusdem imperii; parique ruinâ involvitur totus apparatus Religionis Romanæ, doctrinarumque Papalium, quibus omnis auctoritas accedit à Papæ imperio personato.

Tandem hocce diagramma docet quantum nostræ hypotheseſ à sententia Erasti discrepant, qui Regem statuit caput Ecclesiæ, quatenus illa est Ecclesia & coetus fidelium & Christianorum, & vult Verbi Dei Ministros esse Regis subditos quā Ministros; quo nihil absurdius dici potest, licet hic error humanitus contigerit magno viro Andree Riveto, cujus hæc

N

sunt

sunt verba in explic. decalogi, *Ministri quatenus ministri, sunt summi Magistratûs subditi: cur autem à subditis non liceat provocare ad supremum Magistratum? & cur supremo Magistratui judicia Ministrorum recognoscere; si bonarata habere, si mala abolere.* Nec solum is fuit error Erasii, sed & Petri Martyris, cum subjicit Magistratui, & Jurisdictionem, & functionem sacram Pastorum: licet ubique dicat, Ecclesiam subjici Christiano Magistratui, non Ecclesiasticâ sed Politicâ subjectione: quod dictum, ut concordat cum meis sensibus, ita convellit pronunciatum de functione sacra mancipata functioni Magistratûs.

Adde quod totus discrepem ab Erasio in ratione formali Ecclesiæ statuenda, & modo potestatis qui Synodistribui debet: nam tam absurdam credo notionem Ecclesiæ nationalis, quatenus est collectio aut coalitio plurium Ecclesiarum particularium, quam foret appellatio Scholæ nationalis: quam vellent eatenus sic propriâ locutione dici, quod sub se capiat omnes Scholas unius aut territorii aut regni: quanquam Jussio Henrici VIII. anno 1521. ut ubique uniformitas Scholæ & Grammaticæ Lillianæ servaretur in Anglia, tam propriâ locutione constituit Scholam nationalem; quam Ecclesiam nationalem, cui uniformitas injungitur. Certé St. Paulus loquitur de Ecclesiis Galatiæ & Achaïæ: at nunquam de Ecclesia Galata aut Achaïca, ut, per hanc aut illam intelligat corpus plurium Ecclesiarum inter Galatas & Achæos. Sed nec majorem

jorem modum ascribo Synodo & Pastorum coetui, quam Collegio aut medicorum aut fabricorum, quorum est duntaxat sua sensa declarare super re quapiam proposita, non jubere, nec imperare, nisi ad modum medicorum aut obstetricum, ut Lesbix apud Terentium: *quod jussi ei dari bibere, & quantum imperavi, date*; nec aliud anathema intorquere in detrectantes imperia quam quod à Synodo Hierosolymitano, Act. 15. v. 29. *Si hoc facitis bene ageis*. Tum distantissimè ab Erasto abeo, quod pernegem Ecclesiam quamcunque, seu perperam dictam nationalem & Provincialem, seu particularem quatenus est Christiana, constans populo Christiano, fidei & Pastoribus sacra functione præditis, habere aliud caput præter Christum; & constanter affirmem, non ulterius propria locutione Ecclesiam dici Nationalem, quam quatenus est corpus Politicum, cujus caput sit summus Magistratus; & hoc sensu proculdubio canones (can. 139.) Regis Jacobi volunt intelligi Ecclesiam Anglicanam: alioquin durius videretur sacris arcere eum qui non credit Regem esse caput Ecclesiæ, quatenus est coetus Episcoporum & virorum Ecclesiasticorum: utut non incommodo suo careret, excommunicare illum, qui negat Regem esse caput Politicum corporis perinde Politici. Dignus esset exilio non censurâ Ecclesiasticâ, qui coetum mandato Regis congregatum & munitum auctoritate jubendi, vetandi & puniendi, negaret esse coetum Politicum.

Redeo ad nostram novam *Rationem*, cui tantò magis constat ratio, quod, ponendo nostrum diagramma figmentum esse humanum; atque actus utriusque classis pertinere ad ministros quàm ministros: ponendo etiam Potestatem Ecclesiasticam reipsâ à civili esse distinctam, & tam rem esse bonam & imperatam quam ipsam pietatem; non minus conficitur, ut sub fuce pietatis multa latent scelera, ita sub involucro Potestatis Ecclesiasticæ, Papam struxisse imperium in mundi Monarchas, & eatenus implevisse Prophetiam St. Pauli, iniquitate & mysterio; hoc est injusta occupatione imperii & mangonio, seu tectorio Potestatis Ecclesiasticæ & spiritualis, quibus id imperii obduxit; ut jam mea Ratio, vel unâ columnâ seu tibicine fulta, tantò firmior, sit ubi pluribus insistit, nec adminiculo Erasmi, nec quoquam, sed sola tua æquitate, tuique similium, nullâ suâ cuique utilitate, nulloque præjudicio abreptorum, fulciri, indigeat.

Nobis

XLVII.

Nobili, Reverendo & Doctissimo

Viro,

DOMINO

LUDOVICO HERALDO,

Ecclesiæ Gallo Londinensis Pastori fidelissimo,
& Ordinario Regis Sacellano.

Non erit injuria virtutum tuarum (*Vir Clarissime*) nec affectus, quo te prosequor & colo, si cum ubique sis eruditione reconditis-
simus, affirmavero, te in hac materia, quam tra-
cto hâc opellâ, esse, aut hospitem, aut incuriosum,
adeoque non esse quod tuam humanitatem fati-
gem longiori Epistolâ, quæ apud te rationem
reddat novæ nostræ Rationis. Nec injuriâ hoc
dico de te, quem semper observavi promptissi-
mum ad sacram & exoticam, cum Criticam, tum
Historiam, & quam non rem literariam de Di-
vite pectoris tui scrinio & penu depromptam?
semper declinasse omnem orationem de argu-
mento, cui plusculos annos insudavi: quod est
nova Ratio Papam ejusque imperium & Ec-
clesiam, religionemque Romanam evertendi, &
cujus momentum, cum maximum esset apud
me, at non perinde apud te, in nostro familiari col-
loquio, urgere destiti. Nam cum diu sit post-
quam altè imbibi mysterium iniquitatis de quo
St. Paulus secundo capite secundæ Epistolæ ad

N 3

Thessa-

Theſſalonicenſes, duobus conſtare Iniquitate & Myſterio: iniquitate quidem, cum Papa imperium terrenum per iniquas & impias artes, occupavit in Reges & populos: at myſterio, cum illud inſtruavit ſuco & tediſtorio vocabulorum, Eccleſiæ, Episcopos, & Potestatis Eccleſiaſticæ & Spiritualis; Cum inquam diu apud me agita- verim, atque in ea ſententia firmatus fuerim, il- lum eſſe intellectum Paulinæ Prophetiæ, in ſpem fore ut aliquando, hancce novam Rationem, iſtius intellectus ſectum, excluderem, ſemper diſtuli tibi moleſtus eſſe longiori ſermone de hac- ce Ratione, quoad ipſa lucem aſpiceret, & ultra in conſpectum tuum ſe ingereret: tu vero pri- mum eam in manus ſumeres, legeresque, po- tius ut rem gratam faceres mihi quam tibi; mox intellectum deguſtares, probares & arri- peres; tandem præbatam & arreptam aliis præ tua auctoritate commendares: quid te faci- urum ſpondent maxima tua, non ſolum in me & rem literariam; ſed & in Regem incerta, quo- rum ut tandem rationem habuit, auctor ſum, ut Parentiſſimæ Monarchiæ tempus ſigas te remun- nerandi, illi reponeſ verba quæ Plinius in qua- dam Epistoſa ſuſcipat apud Fundanum, designa- tum conſulem in proximum annum, in gratiam Afſinii Baſſi; pro quo rogabat Fundanum ut ante tempus eum aſſumeret quaſtorem ſuum; Si teſti- nar: videor, ignoſce; primum quia votis ſuis amor plerumque præcurrit, deinde quod in ea civitate vivimus, in qua omnia quaſi ab oc- cupantibus aguntur, quæ legitimam tempus expectant, non matura, ſed ſera ſunt.

Clau-

XLVIII.

Clarissimo, & eximio Theologo,
Viroque Nobili.

LUDOVICO LE
BLANC,
DOMINO
DE BEAULIEU.

Cum Ornatissimus Theologus, multis mihi nominibus reverendus, D. Johannes Vauquelinus, ad me scripsisset, se non dubitare, quin Epistola mea Latina, in qua tibi probare & accepta reddere, animi mei sensa, super re, propter quam tamdiu & tantopere exagitatus fui, impensè studebam, te non solum moveret, sed & permoveret ad æquius sentiendum de tota re, de qua lis erat inter nos, atque ad tantam lucem & rationum vim, quasi multo grandine tibi affatim affusam, ad manus mihi dandas adigeret; contrà accidit præter expectationem tanti viri, ut videreris, dum nostra legisti, velo obduxisse & obfirmasse animum, quod prædixeras, adversus veritatem adeò manifestam, & clarè ac dilucidè demonstratam, ut vel pars decima argumentorum, quæ tibi sufficebam potuisset quemquam non occupatum sententiâ ante arreptâ, multò magis tota congeries rationum

N 4

quas

quas ad cumulum tibi admetiebar debuiffe te pervincere , te inquam virum tanti judicii & tanti candoris , ut de te omnes prædicant, & ut res ipsa indicat, ubi tibi res est cum Pontificiis , dum non omnia in his damnas , nec omnia in nostris probas , ut jam frustra mihi sponderem , te futurum æquum lectorem hujus opellæ superstructæ illis hypothecis, quas damnavisti & repudiavisti , & ob quas vapulo ut flagrum Ecclesiæ in æstimatione contumilium isti homini , cujus historiam textit mihi Vauquelinus , qui ad solum oculorum conjectum in titulum Parænescos ædificatorum imperii in imperio , totum opus anathematis fulmine ambussit : Sed non si tu me omnibus diris devoveres , conspueres in faciem , vel haberes loco hominis amandandi ad Anticyras, committendique custodiæ gentilium & agnatorum, ut sui non potentis, vocares flagrum Ecclesiæ , minus perliarem in bonas spes pertinax , fore ut aliquando tantus Theologus, tam pius, nivei candoris, pectorisque impervii omnibus sinistris suspicionibus, sumat tanquam novam & modò acceptam Epistolam meam in manus , atque tanquam nunquam visam aut damnatam integris animis legat ; ejusque sit nunc quam fuit benignior lector & judex , eoque magis æquâ judicii lance expensis Vauquelini verbis , quæ sunt optimus commentarius ad meam Epistolam, non pigebit illa exscribere.

“ J'ay tellement goûté les raisons dans votre lettre à M. de Beaulieu que je ne puis
 “ que

“ que je n’y donne mon assentiment , je ne
 “ doute point qu’il n’en soit ébranlé. J’ay
 “ opinien qu’il vous écrira, & vous temoigne-
 “ ra , qu’il a conçu de vôtre doctrine une
 “ idée bien différente de celle , qu’avoit en-
 “ gendré dans son esprit la description odieuse,
 “ qu’on luy en avoit faite : il verra que vous
 “ ne depouillez pas les ministres de la puissan-
 “ ce de juridiction , encore que vous niez que
 “ cette puissance soit une partie du sacré mi-
 “ nistère, où de la puissance des clefs : il aper-
 “ cevra, que cette puissance reside dans l’Eglise,
 “ soit par un decoulement du Magistrat Sou-
 “ verain , qui en est immédiatement revestu
 “ de Dieu , soit par une discipline confederée.
 “ En fin il verra que la fin que vous vous pro-
 “ posez est si bonne & si avantageuse pour l’a-
 “ vancement du regne de Jesus Christ , puis
 “ qu’elle ne tend qu’à la destruction totale du
 “ regne de l’antechrist, que quand vous avan-
 “ ceriez des hypotheses un peu rudes , ce que
 “ je n’ay pas encore remarqué, il faudroit
 “ pourtant vous supporter , tant s’en faut
 “ qu’on dût donner à vôtre doctrine une face
 “ si hideuse , comme quelques uns ont fait
 “ jusques à present ; *Hæc cum sint sensa mea,*
 & sana & sobria , nemo nisi præjudicio ex-
 cæcatus dixerit sermonem esse ejus , qui aut
 non est sui potens , aut est flagrum Ecclesiæ,
 ut passim apud vos vapulo.

Cæterum, vult Vir præstantissimus, ut si quæ
 erraverim in exponenda potestate ligandi &
 solvendi , eatenus tamen non sum culpandus,
 cum

eum ubique pertendo , atque in eo nunc pono & constituo, totum complexum, totum Consilium , totamque designationem operis , cui titulum do *Jugulum Cause* , scilicet quamquam præsupponeretur potestatem (quam affirmo perperam dici) Ecclesiasticam, nec non *negotiarum* seu prælationem Episcopalem, tam esse res bonas & sanctas , imo injunctas & imperatas aut decretas à Domino Jesu, quam pietas ipsa & mysterium pietatis res sunt bonæ, non minus à fabris mysterii iniquitatis adhibitas ad compositionem mysterii iniquitatis, tanquam fucum , involucrum & scalam, quibus inceptum , auctum & ulterius provectum fuit . licet non diffitear illam esse viam magis compendiarium & compendiosam, quæ ponit omnem potestatem Ecclesiasticam esse merum figmentum humanum ; nam sic ejus ruina involvit ruinam Papæ, Papismi, Ecclesiæ & religionis Romanæ : Et de hoc tam certus sum quam scio bis duo esse quatuor.

Nam utut sit , stat sententia quam obfirmato (at Deo gratias subacto) animo & judicio imbibi, & cui sententiæ tam immori cupio (nisi Deus interim saniora doceat) quam doctrinæ de mysterio pietatis, quod est Christus revelatus in carne & fide apprehensus : fiat inquam sententia , quam fusius tracto capite decimo hujus opellæ, Papam Romanum implevisse mysterium iniquitatis , dum per hæc fraudes artes , & gradus pervenit ad calmen imperii, quod nunc insidet.

I. Cum ergo totum mysterium iniquitatis sit

fit imperium Papæ terrenum , ædificatum in terrarum dominos sub involucro & furo potestatis Ecclesiasticæ & spiritualis , primum molimen fuit imbuere animos hac persuasione , mundum regi debere per duplicem jurisdictionem ; ad quarum alteram quæ est Ecclesiastica (licet reipsâ ejusdem naturæ quæ est potestas Magistratûs) & ejus clavum , sedent Pastores Evangelici .

2. Fraus fuit , ut quam Pastores Evangelici Potestatem perperam dictam Ecclesiasticam in greges Christi assumpserant , cujus primum rudimentum habetur . 1 Petri . cap . 5 . versu 3 , eandem unus Pastor qualis fuit Diotrophes vendicaret in Collegas per Potestatem seu *παρακλησιν* Episcopalem .

3. Fraus & techna adhibita est ex occasione tribunalium Episcopaliū Constitutorum à Constantino Magno , distinctorum à civilibus Curiis , unde confirmati fuerunt viri Ecclesiastici in consilio sibi seorsim assumendi jurisdictionem quam vocant Ecclesiasticam , nec amplius (concidente in occidente imperio Romano) retinendam virtute diplomatis ab Imperatore indulti , sed tanquam à Christo , & pro potestate sua ligandi & solvendi , ac clavum in solos Pastores collata .

4. Siquidem jurisdictio tam latè pateat quam Ecclesia Catholica , æquum esse , ut huic , seu Jurisdictioni , seu Ecclesiæ Catholicæ præficiatur caput , præses & moderator ad quam *κεφαλὴ* , non aptior persona visa est Episcopo Romano , qui fuit Episcopus illius urbis , quæ diu fuit sedes & caput imperii .

5. Sed

5. Sed cum infirmi essent tibicines & fulcra à sacra Scriptura , ratione , Patribus & Jurisdictione Catholica , seorsim habenda à civili, cujus potestates abiverant in plura dominia , angustis limitibus conclusa , præ Jurisdictione Ecclesiastica , tam longè iatèque se porrigente , quam Ecclesia Catholica , quibus huic & illi juxta æquum erat ut præesset Episcopus Romanus : cum inquam infirmi illi essent tibicines quibus Papa suum imperium terrenum stabiliret & firmaret in Reges & populos, & suboleret passim fraus Potestatis Ecclesiasticæ & spiritualis, sub quorum vocabulorum involucro, ut hodie facit, obtegebat Papa suum imperium terrenum , circa medium noni seculi , sumpserunt Papæ temerarium consilium , sed eventu felix , quod fuit fabricare & obtrudere toti mundo Epistolas decretales Clementis , Anacleti , & quadraginta Episcoporum Romanorum, quibus ejusmodi modus imperii, qualem exoptabant, conferebatur in Episcopum Romanum : quæ decretales passim receptæ pro veris & genuinis, longè fuerunt majoris autoritatis ad subjiciendum totum orbem Christianum Papæ, ut pote longè antiquiores , quam quicquid contra allegaretur à conciliis & Patribus, & immentum quantum contulerunt ad parandum & firmandum imperium terrenum Papæ , sed fucatum potestate spirituali & Ecclesiastica , atque retinendum immotum & inconcussum per plura secula ; usque adeo , ut sola hodie possessio valeat : nam nec potuit concuti etiam post-

postquam Reges & populi exoluti fuerunt errore & fraude illarum Decretalium, quod primum accidit initio decimi quinti seculi, annitente imprimis Laurentio Valla : Siquidem istis decretalibus evenerit, quod tabulatis & fulcris ligneis, quibus insistitur ad fabricam palatii, quod stat, duratque in secula, etiam postquam tabulata sunt, aut vetustate, aut igne consumpta, ut jam perinde sit ad firmamentum Papalis imperii, seu Ecclesiæ Romanæ, sive decretales spuris scriptis, sive veris accenseantur.

Atque hæc fusius expono in hoc opusculo aperto velo, revelans omnes strophas, omnes artes, quibus Papa præstructum evasit ad id fastigii, quod etiamnum hodie insidet : adhibitis priusquam decretales cuderentur scalis potestatis Ecclesiasticæ & *resuolas* Episcopalis : quarum amore si perstas in damnanda mea Epistola & eodem obelo configis meum jugulum causæ quod est ejusdem fabricæ, solabor me hâc conscientiæ meæ fiduciâ, me innoxium, innocuum & insontem damnari & vapulare à viris bonis & sanctis : te imprimis, sed à vero, præjudiciis abreptis. Quocirca appello tuam & æquitatem & conscientiam, ut in seducto reputes, an debuerim sic odiosè exagitari ob ascriptum Pastoribus eum Potestatis modum quem habuerunt, nec alium Christus & Apostoli extra donum miraculorum in regimine Ecclesiæ, & qui per spiritum in verbo transfert à Potestate Satanz ad Deum, & à tenebris ad lucem : & quod constanter

stanter affirmem ceteros actus Potestatis in Ecclesia , potius exerceri circa ministerium, quam pertinere ad ministerium Evangelicum, quales illi, qui sunt de Episcopatu Constantini, seu de potestate in Ecclesia imperante, cogente, vetante, puniente, res Ecclesiæ ordinante, ad quarum administrationem & ordinationem & jus ad eas, tantum abest ut arceam pastores Evangelicos, ut eos imprimis & penè solos admoveri velim regimini Ecclesiæ, ut peritiores Divini, humanique juris: hoc solum caveam ne actus ministerii Evangelici, confundantur cum illis quos exercent ut libera capita & æquo jure prædita cum reliquis hominum ordinibus, in quorum turba medici aut fabri, tam congruè existimarent se ordinare res suas per Potestatem medicam & fabrilem, quam Pastores illos actus exercere per Potestatem suam ligandi & solvendi, seu spiritualem & Ecclesiasticam: nam utrobique par esset absurditas.

Hæc, inquam, si in seducto reputares apud te citra præjudicium, non exspes forem, ut aliquando æquius judicares de me, censente nullam unquam spem esse, futurum ut evellantur, tum reliquiæ Papissimi, tum morbi intereutes & qui foris non apparent, quibus nostræ Ecclesiæ laborant, quoad.

I. Viri tui similes, pietate & eruditione conspicui, atque nostrarum Ecclesiarum Antistites exolvantur & liberentur fraude illa Papismi, quem nondum penitus deposuerunt, qui que est

est potestas Ecclesiastica habita virtute potestatis clavium (hoc est, ut interpretantur potestatis Ecclesiasticæ vindices, potestatis innotandi per excommunicationem & enodandi per absolutionem) in solos Pastores collatæ, qui quidem potestatis fucus & fraus, causa est perpetuitatis, cum Papismi, tum Ecclesiæ & Religionis Romanæ in orbe Christiano: siquidem sub hoc fucō Papa suum ædificaverit imperium terrenum in Reges & populos, quo quidem imperio, pompâ, divitiis & robore illustri, conciliatur authoritas, & Ecclesiæ, & Religioni Romanæ.

2. Et quoad exolvamini interpretamentis quibus tanquam festucis vestram Potestatem Ecclesiasticam supportatis; ut, cum *Matth. 18.* vocabulo *Ecclesiæ* vultis intelligi Consistorium Pastorum & seniorum Evangelicorum, & verbis *sit tibi, &c.* affirmatis vibratam excommunicationem Judicio Ecclesiastico, in Publicanum & Ethnicum: à quo intellectu videtur longè abivisse Drusus & Jacobus Capellus harum rerum, imprimis Judaicorum rituum egregiè gnarus, disp. inserta Vestro Thesauro Theologico, de def. discip. Eccles. reformatarum Thesi. 17. *In novo Testamento* (inquit) *nec cleri nec sacerdotis nomen usquam tribuitur Ecclesiæ Doctioribus, ne putent sibi solis competere cognitionem rerum ad hereditatem cælestem pertinentium.* In qua sententia fuerunt Petrus Gregorius & Okamus lib. 2. tract. 2. parte 3. dial. c. 10. *illis verbis non tribuitur aliqua Potestas Judicibus Ecclesiasticis plusquam judi-*

judicibus secularibus : nam ibi non accipitur Ecclesia pro viris Ecclesiasticis sed pro congregatione fidelium, quæ laicos & clericos comprehendit. Et quoad liberemini crasso illo errore intelligendi Potestatem solvendi & ligandi, hanc quidem de interdictione aut Sacramentorum, aut conventûs; illam verò de solutione & enodatione à vinculo excommunicationis.

3. Et quoad vestri populi, & vos ipsi exolvamini & liberemini futilitate duplicis generis seniorum, retinendorum in Ecclesia jure Divino, quorum uni Verbum est conceditum, unà cum regimine Ecclesiæ, alteri regimen duntaxat est demandatum: de quo tamen duplici genere seniorum altum est in Scriptura silentium.

4. Et quoad partium studia, mutua certamina Pastorum, privata gratia, æmulationes, factiones, rigor ille exigendi à Ministerii candidatis assensum disertum & expressum Conciliorum Canonibus, quibus vis & auctoritas accedunt, non à verbo Dei, nec ab eorum bonitate, sed à majori parte suffragiorum: quoad, inquam illa mala exulant ex nostris Ecclesiis:

Denique quoad tibi & tuis symmyctis veritas constet fragmenti Gallici quod ex Epistola Vauquelini excerptum tibi reposui, quo plus liquidæ & solidæ veritatis continetur circa genus & modum potestatis à Pastoribus & Synodis habendum & retinendum, quam unquam, hinc & inde pluribus voluminibus scriptum

scriptum est : & quod semel intellectum, probatum & arreptum, medelam afferret triplici illi morbo, quo nostræ Ecclesiæ reformatae in Gallia laborant, imprimis si arcté tenerent veritatem illorum corollariorum quæ subjungam, & quæ idem dicunt quod Vauquelini fragmentum, nempe.

1. Pastorum Potestatem planè spiritualesse, nec quicquam commercii & affinitatis habere cum Potestate Magistratus, utpote quæ eadem sit quæ potestas verbi, Christi & Apostolorum, si in terris essent, duntaxat se exerens in volentes, saltem in illos quos hortationes, incitamenta, minæ è nolentibus præstant volentes : in summa, analoga sit potestas, authoritati Ciceronis in Tusculano, Zenonis in Stoa, & Aristotelis in Lycæo.

2. Potestatem, si quæ ordinis gratia in Ecclesia habetur & exercetur, per quam Synodi indicuntur, Canones conduntur, Canonibus vis legum Ecclesiasticarum imprimitur, Pastores ordinantur, deponuntur, & quivis de coetu excommunicantur, tum aliis censuris subjiuntur, residere, tam de lege naturæ & Divinæ in corpore Ecclesiæ, quam potestas puterna, maritalis & despotica in capite familiæ, atque ejusdem esse naturæ quæ potestas omnium Societatum, Collegiorum, coetuum, in quibus justitia, bonitas, æquitas & veritas non dat vim & virtutem legi latæ à coetu, sed major pars suffragiorum.

3. Eam Potestatem in Ecclesia quapiam, tum particulari, tum notionali haberi, & retinere



tineri per disciplinam confœderatam, quandiu potestas secularis non attendit ad res Ecclesiæ, at per Potestatem delegatam ab ea, ubi res Ecclesiæ illi sunt cordi.

4. Cum unaquæque Ecclesia particularis (cui Rex, ut in Gallia, arbitrium indulget res proprias ordinandi) recadat in conditionem liberi populi, prudenter de suo corpore deputare, Seniores quos vocant, qui operam sociant cum Pastoribus ad res Ecclesiæ ordinandas, per eum Potestatis modum & genus quo quævis societas, coetus & Collegium, ut mercatorum, fabrorum, medicorum, virorum militarium, Mathematicorum, res suas dispungunt & ordinant.

Atque comperta semel hâc verâ naturâ potestatis retinendæ à Pastoribus in Gallia & exulare iussa, quæ perperam dicitur Ecclesiastica sed Papalis gemina & germana, tum demum Pastores & primores de plebe Christiana (nullâ Potestatis fraude, nedum piâ adhibitâ, quâ fraus fraudem trudit & trahit, ut cum potestas perperam dicta Ecclesiastica, alias fraudes, illaque quæ dixi mala, studia partium, factiones, æmulationes, & ejusmodi, quibus Ecclesia corrumpitur, parit) tum demum inquam Pastores & Seniores ex bono & æquo, & per omnem charitatem, & citra ambitum & ambitionem, res Ecclesiæ ordinabunt: Etenim quanquam de Pastoribus, Christi Ministris, concionantibus de cathedra, non aliam vim adhibentibus præter vim flexanimam; & de populo audiente & attendente
ad

ad Pastorum Sermonem, conficiatur vera Ecclesia, corpusque & coetus fidelium & Christianorum; attamen iidem Pastores, ut sunt libera capita & rerum humanarum usu docti, & sociant operam cum senioribus populi ad ordinandas res Ecclesiæ; tum sunt corpus Politicum, eodem jure, ordine, eadem lege & prudentiâ (quâ quævis societas) res suas dispungens & componens, jus dicens etiam in nolentes, ut est Judicis & Magistratus.

Atque eo modo Potestatis semel cognito & usurpato à Pastoribus & senioribus Ecclesiarum reformatarum, nihil obstat quo minus omnes controversiæ & lites circa Potestatem Synodorum, Pastorum, Clavium, ligandi, solvendi, sedentur & componantur, tum certamina Pastorum, studia partium, factiones inter fratres & symmystas tollantur; pax alta & consensio arcta inter omnes ordines virorum qui sunt Ecclesiæ membra ineatur. Profectò propter hanc ignorantiam de natura Potestatis Pastorum in Gallia inter reformatos, ex quo Petrum Molinæum Jesuitæ extorrem egerunt Lutetiâ, & Pastores Parisienses intercesserunt, ne ex exilio revocaretur; corpus Ecclesiarum Gallicanarum factionibus fuit scissum per ambitum & ambitionem paucorum Pastorum inter se pugnantium, vel sua Potestate Ecclesiastica supra viros laicos, seu seniores, seu de plebe se efferentium, per quam illis solenne fuit nocentes culpâ eximere, innocentes & infirmos proculcare, nihil pensi haben-

tes modò suam authoritatem , ingenium , seque proferrent , atque voce fulgurante & tonante in magna Synodo ; plures in suam partem traherent ; unde bonorum & humiliorum offensiones & scandalum , & adversariorum infensior & acrior animus in nos insurgendi & pessumdandi dissidentes , quos periculi societas jungere debuisset per mutuam & flagrantiorē charitatem , non omnia fratrum delicta , dicta , scripta severius interpretando , ut cum te exagitant tanquā æquiorē quam par est in Pontificios ; & cum penē Vauquelinum ut prava sentientem , aut suo tonitru exaltationis straverunt , aut fulgure suæ excommunicationis ambusserunt , nam *posses* , dira ac dura parant in Dussæum Salmuriensem , virum apprimè reverendum propter suam coalitionem omnium Christianorum per unius fidei vinculum : cujus opus , licet pluribus incommodis , iisque insuperabilibus urgeatur , & multa *obscura* habeat , existimo tamen optima mentē prolatum fuisse ab eo ; & deberi ejus authorem , per omnem lenitatem admoneri , si quā erraverit , non verò acrius corripì. Porro de Dussæi libro cum fusius sensa mea exposuerim apud virum Clarissimum Henricum Oldenburgium , consilium est antequam finis excutere quæ reponis in quadam Epistola. Fortiter negas illam hypothesim (*Imperium quod Papa possidet in Italiam , Galliam , Hispaniam , & partem Germaniæ & Belgii sub fūco & involucro potestatis Ecclesiastica & spiritualis , ejusdem naturæ esse quæ est natura*

natura imperii quod Reges & Monarchæ mundi habent in suos subditos, atque revera esse terrenum) semel intellectam probatam & arreptam ab illis sacris capitibus, solam unicam & facilem esse viam ad evertendum Papæ imperium & unâ eadem ruinâ involvendam Religionem & Ecclesiam Romanam; & affirmas illam hypothefim, cujus persuaderentur, non plus momenti, authoritatis, & virtutis habituram apud mundi Monarchas, ad eos movendos, immo permovendos, ut Papæ imperium, Religionem, & Ecclesiam evertant, quàm foret semel ab illis probata opinio & arrepta de futilitate, aut dogmatum, ut est Transubstantiatio, purgatorium, cultus imaginum, aut Monarchiæ ascriptæ St. Petro: in ultimo cum imprimis subsistas & affirmes districtè ex tua hypothefi perinde atque ex mea agnita, probata & arrepta à mundi Monarchis, eadem confectaria ruinæ imperii & Religionis Papalii, sequi, juvat te audire patriâ tuâ lingua loquentem.

Si on pouvoit persuader les Princes, que la Monarchie, qu'on attribue à St. Pierre est une Monarchie imaginaire, cela feroit tout le même effet & auroit toutes les mêmes suites, & c'est ce qui est difficile de leur persuader, ven le peu d'intérêt qu'ils prennent à examiner cette question, & à lire la dessus les livres de nos docteurs il ne sera pas moins difficile de leur persuader vos hypothèses, & leur faire reconnoître que le Pape exerce sur eux un empire de même nature que Constantin & Charlemagne exer-

○ 3

coient

coient sur les Gaules, & Auguste sur Herode.

1. Ante omnia observo, nihil officere mihi, quod ex tua & mea juxta hypotheti agnita & intellecta à Regibus, sequeretur idem forsitan eventus ruinæ Papalis Imperii & Religionis Romanæ, modò constet veritas rei quam imprimis urgeo, nempe, viam seu rationem, Papam, ejusque imperium & Religionem evertendi, instillando Regibus Petri Monarchiam esse figmentum humanum, ducere per longos anfractus circuitus & fluctus, nec tantum longissimam esse, sed & difficillimam, ut nec facile à Regibus imbibatur, probetur & arripiatur hæc veritas de figmento Monarchiæ St. Petri. Nec intellecta & probata ab illis facilem & promptam suppeditet rationem exsequendi ruinam Papalis imperii: at contra illam veritatem semel, imo leviter intellectam à mundi Monarchis de Papa possidente imperio in ipsos ejusdem naturæ, quæ est natura imperii, quod terrarum Domini habent in suos subditos, fideles & clientes, uno penè ictu monitionis, & temporis, instillari & excipi debere, certè pronis auribus, eosque accingere acri & lubenti animo ad comparem & consortem imperii expellendum; unde futurum est, ut cum Papæ imperio exulent & Ecclesia & Religio Romanæ, quibus omnis auctoritas accedit ab imperio Papæ.

2. Sed hinc liquet non esse juxta difficile persuadere Regibus, Papæ imperium in Reges esse Domini temporalis in ligas & subditos, atque instillare illis Petri Monarchiam esse
 imagi-

imaginariam ; hinc, inquam, liquet, quòd te fatente ad hoc ultimum instillandum consulenda sint scrinia nostrorum Doctorum, à quorum lectione Pontificii Doctores arcent Reges : nam multò minus poterunt Reges id figmentum humani cerebri ex Scriptura haurire , in qua ipsi Romanenses Doctores agnoscunt non reperiri , nec investigandam Petri universalem Monarchiam, sed in traditione quæ labyrinthus est, cui, quam ut se committant Reges ut inde errore exolvantur, potius ducerent in errore & conditione mancipiorum Papæ perseverare.

3. At vix Scriptura consulenda est, multò minus aut Historia, aut traditio Ecclesiastica ; imo ne Protestantium libri adeundi ut discant Reges, Papam possidere imperium paria faciens cum imperio Augusti, Constantini, & Caroli Magni in Gallias, & Regem Gallie, pari conditione instrumenti servitutis Papæ obnoxium esse, quâ Augustus sibi mancipatum habebat Herodem, aut Claudius Cogidinum in Britannia.

4. Quid ? quod probatio, quod imperium Petri universale in Ecclesiam Catholicam, sit figmentum humani cerebri, non tollit imperium Papæ in Reges, manente & intacto altero errore longè graviori, nempe commento Potestatis Ecclesiasticæ, inter hæc altè infixio animis Regum, cleri & populorum, & à qua Potestate semel admissa ut de jure Divino, congruenter infertur & introducitur in mundum & Ecclesiam Catholicam, aut Pa-

pa , aut potestas Papalis gemina & germana ;
 ut doceo Epistolâ ad Clarissimum virum Isa-
 cum Vossium. Cum hoc ita sit, posset Regibus
 futilitas imperii universalis in persona Petri
 nec tamen injusta occupatio Papalis imperii
 constare; certè Reges exolvendi sunt errore, &
 curandi morbo, ubi *ῥισημα* inceptum est, mox
 auctum & tandem ulterius provectum est :
 atque mysterium iniquitatis , nec inceptum,
 nec auctum per introductum in mundum
 imaginarium Petri (ac. proinde nec Papæ)
 imperium in Ecclesiam universalem , sed per
 Potestatem vendicatam à Pastoribus in greges
 Christi; dein Pastoris in Pastorem per *πρωτοπρεσβυτεριον*
 Episcopalem : hanc & illam planè confimi-
 lem illi Potestati (ut est Magistratûs & Impe-
 ratoris terreni) quam hodie Papa sibi vendi-
 cat & arrogat in Reges & populos. Ut jam
 primò exolvendi sint illo errore (Potestatis
 perperam dictæ Ecclesiasticæ) qui cœpit tem-
 pore Pauli. Profectò nec hic error quo exol-
 vendi sunt Reges , nec hic morbus quo sunt
 curandi, auctum aut incrementum habuit per
 imperium illud Petri imaginarium, animis Re-
 gum & populorum alte inmixtum , sed per
 augmentum & exaltationem Potestatis Eccle-
 siasticæ, ut observat Petrus Sarpus in Historia
 Concilii Tridentini. Tempus plurimum secu-
 lorum elapsum est, nempe tertii, quarti, quin-
 ti; imo sexti sæculi, quibus durantibus sola
 illa potestas Ecclesiastica caput extulit; nullo
 certo viro Ecclesiastico ejus caput se præbente
 sed istius Potestatis ejusque præfecturæ partem
 assu-

assumente unoquoque Patriarcha , eamque ex æquo vocabulis Oecumenicæ, Catholicæ, & Ecclesiasticæ Potestatis inaurante , ut observant Socrates & Isidorus Pelusiota , & post eos Petrus Sarpius ; Papa nondum inter hæc sibi seorsim potestatem in Collegas & æquales vendicante , virtute illius imaginarii imperii, quod nunc Roma Petro ascribit, nam demum id imperii imaginarii prætextum sibi sumpsit Papa , postquam cadente in occidente Imperio Romano , & accisa Potestate cæterorum Patriarcharum (in summa, ablatâ Episcoporum magnarum sedium æqualitate) ad summum apicem & culmen provecta est potestas perperam dicta Ecclesiastica, cujus tandem Papa caput fontem & originem se intulit & probavit. Nam hoc imaginarium Petro ascriptum imperium , non ante fuit in mundo receptum & creditum , quàm Decretales cuderentur, nempe circa medium noni seculi. Cum hic fuerit Ordo ascensus ad Papatum per scalam Potestatis Ecclesiasticæ (ejusque prolis, seu prælationis Episcopalis) non verò per obtentum imperii illius imaginarii Petro , nisi serò , ascripti , planum est primum illum errorem quo sunt Reges exolvendi , esse Potestatem assumptam à Pastoribus (ac proinde à Papa) quæ natura non differt à Potestate Dominorum temporalium in suos subditos & clientes.

5. Et cum probatio , quod Jesu Christi, Apostolorum & Pastorum Evangelicorum auctoritas in regimine Ecclesiæ , sit mera potestas

testas verbi , persuasionis , in volentes duntaxat se exerens , omnem , aut Papam , aut Papalem Potestatem è mundo tollat , & unâ ruinâ involyat Papæ imperium , & eâdem consecutione , Ecclesiam , religionem , & totum Romanensem & missaticum apparatus ; cæcus sit & præjudicio abreptus , qui non videat , longé faciliori & compendiosiori viâ , Papam & totum systema Romanense everti per ruinam Potestatis Ecclesiasticæ , quàm aggrediendo ejus propaginem , qualis est figmentum Monarchiæ Principis Apostolorum ; & quâ amputatâ , manente radice Potestatis Ecclesiasticæ , semper inde alter Papa pullularet.

6. Sed nec opus est aleâ plenum , aut quod lectionem aut Scripturæ multam aut ullam Patrum & Historiæ Ecclesiasticæ desideret ; nec ultra spatium unius horæ requirat , ut constet Regibus , tum vera ratio Potestatis Pastorum ; tum inutilitas istius Potestatis quam Ecclesiasticam & spirituales vocant , & sub cujus fuce Papa sibi imperium terrenum struxit in mundi Monarchas.

7. Sed , nec ulterius ex detectione imaginarii imperii Ecclesiastici Petro ascripti , infertur ruina imperii Papalis Religionisque Romanæ , quàm quatenus exolutis Regibus illo errore imaginarii imperii , prodit se Papa terrenum Monarcham , & eatenus Regibus materia est odii & irarum in consortem & socium ejusdem imperii , nec ulterius ferendum , quo tandem vocabulorum fuce tectorie & involucro

lucro sit obductus, quæ reputatio firmat veritatem nostri pronunciati, quod vellicas; nempe non proximè per detectionem imaginarii imperii Petro ascripti allatum iri excidium Papæ, ejus imperio, Religioni & Ecclesiæ sed per compertam injusti imperii terreni occupationem in imperio alieno juxta terreno; nam perinde esset Regibus, vendicari à Papa imaginarium imperium, & vocabulis Ecclesiastici & Spiritualis incrustari, possiderique vi & virtute imaginariæ successionis in Petri imperium juxta imaginarium, nisi sub hoc fucō & tectorio Papa possideret imperium in Reges, ut est Domini temporali in ligas suos & subditos; nec quibus res spirituales, ipsa religio, & pietas, minus sunt cordi & curæ, quàm res mundi & imperium *αὐτοκρατορίας*, multum refert utrum, nec ne, Papæ imperium Ecclesiasticum est imaginarium, dummodo ultra vocabulorum inanitia non excurrat, nec Regio more imperet.

8. Sed argumento longè validissimo probatur, detectionem quæ fieret Regibus Monarchiæ imaginariæ in persona Petri, non abducturos eos à Papa, quod tam ubique etiam inter maximos Papæ cultores imaginaria credatur, quàm infallibilitas Papæ, quæ palam à Rege in Gallia & Senatu Parisiensi explosa est ut Chimericum figmentum, quod de Potestate Ecclesiastica non credunt, cui congruenter censent Papam affigi ut caput corpori.

Atque credo per hæc palam fieri, si utrobique

bique futurum est, ex tua & mea hypothesi intellecta, probata & arrepta à Regibus, ut, Papam ejusque Religionem & Ecclesiam è suis finibus arceant, magnum esse *χάρμα* difficultatis inter unius & alterius rei exequendæ rationem; unam facillimos, alteram difficillimos explicatus, habere; quod mihi nunc probare incumbit, minore sanè negotio, quam finem huic Epistolæ imponere per hanc clausulam, quam altè imbibi, tam veritatis esse indubitatae quàm ullum Euclidis theorema: nempe ratione longè expeditiori majorique compendio temporis, operæ, & frugis persuaderi posse Regibus unum illud (quod non intellectum causa est cur Romana fides Religio & Ecclesia stant, persistentque intra territorium Regum qui Papæ nomen dederunt: at semel intellectum everteret totum illud seu Papale, seu Romanense systema) videlicet Papam reipsâ possidere imperium terrenum in ipsorum imperio & jura Regalia exercere, ut sunt Dominorum in subditos ligas, fideles & clientes, sub fuce Potestatis Ecclesiasticæ; ac proinde eos precario duntaxat regnare; ratione, inquam, expeditiori dico & affirmo posse Reges persuaderi de veritate illius hypotheseos, quàm à se obtinere ut credant, aut imperium St. Petro ascriptum imaginarium esse, aut dogma aliquod Romanense ut est Transubstantiatio, Purgatorium, Cultus imaginum, esse figmentum humani cerebri,

Omni-

Omnibus modis Excellenti Theo-
logo,

DOMINO.

JOHANNI CLAUDIO,

Ecclesiæ Parisiensis Pastori.

CUm in incæpto & progressu istius operis, te
penè jugiter in mente & oculis, Vir Cla-
rissimè & humanissimè, habuerim, debes sal-
tem hanc gratiam, singulari affectui quo te,
tuas dotes, eruditionem, judicium, orationem,
tibi in hac crisi rerum nostrarum, quasi ad tria-
rios redeuntium, & strenuo bellorum Domini,
militi, duci, à Deo ad cumulum suffectas;
debés; inquam, hanc mihi rependere gratiam,
ut respicias ad nostram opellam, in qua conatus
sum persuadere, nostris Protestantium Antisti-
tibus, continuo cum Pontificiis confligentibus,
& in arenam hanc descendantibus, tibi impri-
mis illorum Primipilo, ubi requiescendum erit
à labore, luctandi cum chimeris, larvis &
figmentis humani cerebri, quale est Transub-
stantiatio, serìo velitis aggredi, adoriri, in-
vadere subiectum reale, quod est Papæ imperium
in Reges & populos; aut si juvat perstare in
lucta, cum larvis & chimeris, saltem unum
vobis desumatis μορμολυχίων & simulachrum,
atque vacui capitis figmentum, quo Papa obte-
git suum imperium, & quod, Papa, ejusque
im-

imperio terreno detrabere, esset operæ pretium, & ipsius imperii & unâ Ecclesiæ & Religionis Romanæ ruina. Namque demptâ semel illâ personâ, larvâque vocabulorum, Ecclesiæ, Episcopi Romani, Papæ, tum Potestatis Ecclesiasticæ & Spiritualis, quibus imperium Papale fucatur, ut hoc suâ pompâ, robore & divitiis fulgens, coruscans & illustre, gratiam & auctoritatem conciliat futilibus quibusque Romanensibus doctrinis, tum ipsi Ecclesiæ & Religioni Romanæ; demptâ, inquam, illâ personâ, corruet & imperium & unâ totus doctrinarum Romanensium complexus. Quocirca te imprimis figo & destino, Vir magne, ut accinctiorem ad hanc militiam, quam adorno & paro in Papam: primò illum larvâ vocabulorum ei cripiendo: nam vix erit quod secundo loco agas; siquidem semel Regibus & populis exolutis illo teñtorio, fuce, mangonio & involuero vocabulorum, eâque larvâ detractâ, non longam Papa moram faciet in alieno imperio: Excutient brevi mundi Dynastæ, Papæ jugum; nec ulterius patientur, ejusdem imperii socium, consortem, imo Dominum; nec tibi longâ hortatione opus erit, ad persuadendum illis unctis Domini, ut se in libertatem afferant, nec velint diutius precario regnare. Jam quemadmodum ad casum larvæ Papalis ruet Papale imperium, sic ad casum imperii, concident Papa, Papismus, totumque systema doctrinarum Romanensium & missatici apparatus; & unâ tua, aut potius Arnaldi Transubstantiatio, patietur lumbifragium, siquidem toti Romanensi apparatus, gra-
tia

tia & authoritas accedant ab illo solo imperio
Papali, amorem aut terrorem conciliante.

Age, Vir Magne, hunc unum calamum;
quem tibi paro & apto, aut potius hoc telum,
stringe in Romam & depone hunc inglorium
(penè cuiquam præterquam tibi) laborem, cui
jam, tanquam saxo affixus es tot annos; nec
diutius, hoc pistrinum Plauti volve. Sed, ne
otia tua morer, Deum precabor, veneraborque,
ut te tantum virum servet, destinetque ad
magna, miranda, & fortia, ad quæ video te
tanto impetu ferri.

Excel-

L.

Excellentissimo Theologo,

DOMINO

P E T R O D U

B O S C,

Pastori Ecclesiæ Cadomensis.

Nisi per tuum & Ecclesiæ Cadomensis quæ te efficitur deperit, inflexibilem rigorem, (Vir Præstantissime) hætenus in irritum cecidissent, tot vota, itiones & prensationes Ecclesiæ Parisiensis, quæ omnem lapidem movit, ut te loco, & destinatâ sententiâ dimoveret; non solum nunc te salutarem Ecclesiæ Parisiensis Pastorem, sed & obnixè rogarem, ut operam sociares, cum Clarissimo Claudio; (cujus spe & voto præsumpseram te futurum symmistam & collegam) in subducenda, & equitate & facilitate nostræ Rationis exequenda. Jam cum Deus te in hoc proposito firmaverit, ut malis Athenas & Hipponem, in quibus summus, & Theologus doceat, & orator dicat, transferri Cadomum, quam Parisios; liceat mihi appellare ad tuum de nostra oppella seorsim judicium, cujus statera, quam in partem propensior esset, facilius impelleret animum meum, quam cujusquam; usque adeo altè imbibi, te non minus esse intelligentem & equum judicem, quam

Suade

Suada medullam : ut qui optimè omnium sententiam ferat de magna conante ; Cum ipse sis omnibus modis Vir Magnus , cum in publico, tum inter amicos , & in privato vitæ commercio : in hoc demerendis hominibus genitus , in illo doctus & facundus ; dulcis imprimis , qui, vel repugnantes ducat & impellat , qui cum plurimum in fronte , plus in recessu gerat. Nam licet primo aspectu oculos occupes , non inventura est tui diligens contemplatio quod arguat, & quod non congruat , cum veneranda tui specie : ut pote cujus vitam sanctam , eruditionem reconditam & eloquentiam maximis oratoribus parem exornet , (ut gratior est virtus ex corpore pulchro veniens) decor oris & Majestas vultus : ad cujus & conspectum & auditum ipsi Reges assurgunt ad indicium plausus ; nec minus minoribus gratus , obviis & expositus , ut qui cunctis vitæ officiis & hominum ordinibus æquabilis , hoc est , magnus ubique ; eoque major , Christianis illis , qui apud Minutium Felicem , non habitu , sed mente sapientiam præferebant ; nec eloquebantur magna , sed vivebant , quod & habitu & specie præferas sapientiam , & ejus vim mente retineas : tum magna , & eloquaris & vivas : Cujus monumenta ingenii perinde avidè leguntur , atque pronis auribus audiuntur : Et quæ tam in posterum valescent , quàm hodie sunt , celebria : quæ in re longè abis à plerisque oratoribus , quorum canorum illud & profluens dicendi genus , cum ipsorum voce extinguitur : nulla meditata à posteris , aut leguntur aut probantur.

P

Maſſie

E

*Maſte his virtutibus & dotibus, Vir Magne,
ad nominis Dei gloriam & Eccleſiæ Chriſti
emolumentum & ornamentum; acclerandum-
que excidium Papalis imperii totiuſque miſſa-
tici apparatus.*

Nobili

LI.

Nobili & Reverendo Viro, tum
amicissimo capiti,

DOMINO

DAVIDI PRIMIRO SIO,

*Pastori Ecclesiæ Gallo Londinensis & Regis
Sacellano Ordinario.*

NON habeo, Vir humanissime, tantam de quoquam, quàm de te fiduciam, futurum ut legas meam opellam, vel minus tuo gustui aut sensibus respondentem, imò malam scriptionem, quandiu compertum habeo, te, de numero illorum esse, qui cum Plinio Seniore censent nullum librum esse tam malum, ut non aliqua parte possit prodesse; nam æquius feram adversa judicia, aut tua, aut aliorum de mea opella, si modò inter plura sequiora, unum tibi arrideat, juvetque, nempe quam monstro viam, illam esse quæ teri debeat, ad Papæ imperium personatum everendum, hoc jugulum esse causæ, quod indico ubi Papa est penetrabilis, tum ex Papæ ejusque imperii excidio, sequi ruinam, cum hierarchiæ Romanæ, tum omnium Papalium Doctrinarum, & quam frustra putes accelerari per confutationem quæ fieret *hab. iudic. no* illarum, cum unâ detractiōe larvæ Papalis, concidat imperium Papæ terrenum, & unâ to-

tus complexus Religionis Romanæ & missatici apparatus: quanquam forsân, si non tibi, saltem aliis, videbitur nostra *Ratio*, utut verissima, esse detectionem adversum tempori & præsentis seculi moribus, & quæ non placeat, nec Protestantibus, nec Pontificiis: hos inde futuros longè infensiores in purioris Religionis vindices, ob patefactionem militiæ, quæ uno ictu, nec repetito, Papam, ejus imperium, religionemque & Ecclesiam Romanensem ad terram dare debet: illos verò (de Pastoribus loquor) ægré passuros sibi præcipi imperium Ecclesiasticum, quo perinde fucò & tectorio, atque Pontificiis clerus sequaciorrem habent plebem Christianam, & quæ ut vulgus ignarum æquiùs obtemperat suis vati-bus quam Regibus, & cui non est instillandum verba, *dic Ecclesiæ*, non esse magis intelligenda de Episcopis & Pastoribus, quam de Papa; ut nec exolvenda fraude illa pia, quod per locutiones ejusmodi, *sit tibi velut Ethnicus; dabo tibi claves, quicquid ligaveritis, & tollite è medio vestri*, data est à Christo potestas Ecclesiastica, eaque excommunicandi & à sacris ar-cendi, Pastoribus & Episcopis. Etenim subolet illi sacræ genti, non posse fulcra & tibi-cines, ut est potestas Ecclesiastica, subrui, quibus Papismi moles fulcitur, quin unà concutiantur columnæ, ubique apud Protestantes imperii Ecclesiastici; quicquid in contrarium ingeram & reclamem, edicamque illis, novam nostram *Rationem*, magis ostentare bellum illis, quàm gerere: nec, si Protestantium

stantium Pastoribus suam potestatem Ecclesiasticam, ut ens reale & rem bonam & sanctam relinquo, minus per ejus obtentum, Papam suum in Reges & nationes imperium terrenum ædificasse, & sub eo involutro pari Ratione fucum fecisse Sacris illis capitibus, quæ scelus se infert sub pietatis tectorio: quin ajunt, quamcunque rationem conducere, quæ imperii Papalis & Romanæ Ecclesiæ mænia verberet, diminuât & detruncet: at non quæ ipsam arcem cuniculo subvertat: nondum venisse tempus, ad eam rationem promendam, obstantibus etiamnum peccatis, aut nostris, aut adversariorum, nec dum ad suum cumulum perductis: cumque nondum advenerit tempus præfixum à Christo, cum Roma ruet, non esse festinandum & accelerandum, aut illum adventum, aut ruinam Babylonis mysticæ, per ullam rationem ab hominibus propositam, ante id momenti à Jesu Christo constituti. Nec (si non expectatur ruina Papalis imperii per adventum Christi, sed multo ante) impediendum quominus diutius Papa, ludos faciat orbi Christiano: nec statim è cubili suo prodeuntem leporem esse comprehendendum, sed dandam illi potestatem, longè latèque expatiandi, priusquam eum canis venaticus assequatur. Adjiciunt; forsan per ruinam Papalis imperii futuram in orbe Christiano conversionem longè funestiorẽ ipsa Roma & ipso Papa florentibus; ut res sunt: dirutum iri æquum pondus trium potentissimorum in Europa Monarcharum, quod stante

Papa pari libra & momento servatur : non habituros Doctores, seu Pontificios, seu Protestantés, unde otii vitia discutiant per laborem, & studia, molemque librorum, quibus nomen & celebritatem sibi pariunt, & res lautior accedit, tum nationi Typographorum & librariorum, tum maximè genti sacræ, quæ arctè imbibit futurum ut languescat industria Doctorum, & Literatorum intendaturque locordia, si illa nullis præmiis in mercedem rei strenuè actæ contra adversarios acuatur : sublati studiorum præmiis & pretiis, ipsa studia peritura. Atque illa sunt argumenta, Vir eruditissime & amicissime, quæ sanguis & caro suppeditant, ut novæ nostræ Rationis pretium minuatur, deteraturque, sed quibus nullo modo moveor, nec deterreor; quin perstem in bonas spes esse pertinax, futurum ut prosperum eventum habeat : utut sit, malim mihi successum quàm fidem, & animum hujusce Rationis promovendæ, deesse.

Atque hæc familiariùs apud te repono, in spem futurum, te mordicus non inhæsurum omnibus placitis tuorum, à quibus sæpe longius abeo. Nam id spondet, tum usus ille quem habui tui, in quo observavi te ante, diu vereri cuiquam rei assensum tuum firmum præbere, quàm sit tibi probè comperta : Tum reputatio tui, quem omnes boni qui te norunt, colunt & amant ut alterum Timotheum, juvenem, ætate, sanctitate vitæ, decorâ & modestâ cunctatione properum; cujus tamen eru-

ditionis

ditionis celerior, est cursus quam ætatis, ut facile sit præconcupere te non minus in magnum virum, quam in magnum Theologum evasurum; nec tam largo penu conditorum divitem, quam judicio acrem: in quo ornando & elaborando, imprimis author sum, ne priusquam ad *ἀκμὴν* ætatis tuæ, & inde ad senectutem pervenias, te auferant aliorum tuæ togæ virorum judicia, destinataque, certæque (certè perversæ) sententiæ in quibus obfirmarunt animum, neve magis reformides offensam proborum, quam factum est à reverendis Pastoribus Diepensibus, cum non veriti sunt palam credi se in ea sententia esse Potestatem Ecclesiasticam sub Magistratu amico & orthodoxo distinctam esse à civili, curijs, legibus & iudiciis: atque excommunicationem, esse figmentum humani cerebri, nec ullâ scripturæ authoritate subnixam: nec Potestatem aut tradendi Satanæ, aut ligandi & solvendi intelligendam, de potestate à Christo in solos Pastores Evangelicos collata, excommunicandi, seu constringendi, & enodandi. Nam, ni fallor, pridem exolutus es duplici illo tuorum errore. 1. Non tantum ligationem & solutionem intelligendam de excommunicatione & absolutione, sed & illius ligationis tantam esse vim, ut etiam injusta excommunicatio in terris lata, rata habeatur in cælis. 2. Nec ab injusta excommunicatione neque à quaquam censura & sententia Ecclesiastica dari provocationem ad Magistratum etiam amicum & orthodoxum: nam utriusque

que erroris alté in vestris Scholis imbibiti possem ad testimonium allegare primarios Doctores reformatarum Ecclesiarum : posterioris quidem Antonium Wallæum, cujus verba pono in Epistola ad generosum virum Guilielmum Areskinum, at prioris, alterum in Ecclesia Dei Calvinum, cujus verba sunt. *Hujus ligamenti, quo Pastores Ecclesiæ constringunt peccatores, tanta est vis & certitudo, ut Christus pronunciet, si quid ligaverint Pastores in terris, id fore ligatum in celo; id est, Deum ratum habiturum hanc ligationem; Potest quidem fieri aliquando, ut ligatio sit injusta: vult tamen Christus eam ratam esse, quamvis sit injusta.* Non enim fas est homini qui injustè excommunicatus est invadere sacram cenam, & in viis Pastoribus irrumpere in communionem Ecclesiæ; Non tamen id fraudi erit injustè excommunicato nec coram Deo erit ejus conditio deterior. In his si non es ἡσυχώμενος spes es futurum ut in cæteris dogmatibus ea seceris, non quâ itur vulgò, sed quâ eundum est, & quæ pacem cum veritate jungunt, quale est temperamentum allatum à Clarissimo Viro Henrico Moro, in Divinis suis Dialogis, circa illas Doctrinas tantopere explosas, quasi aut Antinomianisimum, aut Rigores Prædestinationorum redolerent, quod quidem si ubique arctè servaretur à bonis viris, magnum momentum haberet ad pacem Evangelicam obtinendam (quàm Dussæus ambitiosè & calle devio persequitur) & conciliandos specie commissos St. Paulum & St. Jacobum, altero di-

dicente nos Justificari per solam fidem, altero, etiam per bona opera. Nam auguror perpetuum futurum contentionum funem circa hanc materiam, nec unquam Jacobum cum Paulo conciliatum iri, per amicam consensionem, quoad ut fit à Molinæo, Chamiero, & Twisso, statuatur Justificatio ab æterno, nec quisquam ulterius Justificari per fidem quam quatenus per fidem est filius Dei, hoc, est novit beneficio fidei, Justificationis indici, se esse filium Dei. Sed longius feror.

Orna-

LII.

Ornatissimo & Doctissimo Viro,

DOMINO

DANIELI RUSSELLO,

Medicinæ Doctori, Amico singulari.

Postquam primùm modico usu te novi, & deinceps te altius inspexi, comperi te esse de illis seductis, de quibus loquitur Plinius, in quadam Epistola, qui, cum multa in fronte gerant, plura in recessu condunt. Primo congressu dilexi te, ut virum bonum & probum, mente recta & vivida, pectore candido & niveo, innoxia amoenitate: sed mox ubi te penitus consideravi, offendi, vidique in te, magnum animum, pares dotes, ingenii, judicii, & eruditionis: mihi que visus es instar venæ metallicæ, cujus fructus non est in summo, sed in imo, plenius respondurus altè fodienti: nam quò sæpius mihi est sermo tecum, plus aufero: unde dolendum sit quòd tantus Vir, omni liberali doctrinâ politissimus, suâ modestiâ segnitiei propiori, ipse se non norit, nec se in lucem, aut extra limen proferat. Quocirca author sum tibi, ut hoc veternum excutias, nec diutius patiaris tuas dotes contumulari. Sed hancce tui imaginem, dum mente complector, & cujus recordatio grata est, propè excidit quod
maximè

maximè scribendum erat, nempe de hac opella mea, quam velim te rogatum, ut in manus sumas legasque integris animis: quod te facturum cò magis spondet, non tam tua nostri charitas, quam illa statio, quam in hoc mundi theatro sustines, in qua nulla privata utilitas, aut studium partium, tuum judicium, aut excæcat aut obnubilat. Nam suppetunt mihi plurimæ rationes, cur censeam, futurum, ut de omnibus viris, cujuscunque ordinis, stationis, professionis, disciplinæ, artis, si non Daniel Russellus, saltem medicus, æquior sit judex, non solum de æquitate & facilitate nostræ Rationis exequendæ, sed & de quacunque gravi causa, putà de fide, de tolerandis, qui ab illa, aut tantillum, aut longius abeunt; de authoritate Ecclesiæ, Pastorum, de disciplina Ecclesiastica; de rationibus, quibus pax in terris in religionis negotiò, atque consensio, concordiaque iniretur inter dissidentes à se invicem, aut Christianos, aut Protestantés: suppetunt inquam mihi, multæ rationes, cur putem medicum virum cordatum & pium, nec nisi mediocriter gnarum Divini humanique juris, defœcatori judicio pronunciaturum de hac materia (magis circa fidem quàm de fide) quam quemquam de quocunque ordine hominum; certè æquius quam virum de natione, aut Theologorum aut Jurisconsultorum; certè quàm horum qui sunt sanguisugæ humani generis & locustæ, à cacodæmone in terras demissæ aut immissæ ad depascendum pascua orbis terrarum, ad

com-

committendum homines inter se , ferendo litem de lite , atque augendam , non , rem Christianorum , sed advocatorum. Sané, Procopius & Agathias lib. 5. docent Tribonianum , quo Justinianus usus est ad jus condendum , suam eruditionem sumpsisse ut avaritiæ obtegumentum , mutasse leges pro arbitrio , hoc est rei familiaris commodo ; ideoque leges perplexas scripsisse , ut interpretationem pro re nata & quò vellet traheret. Idem Judicium , si non de viris , saltem de judicio Theologorum fero , accedens ad sententiam Gersonis , censentis in quacunque lite & controversia de fide , laicum , quam Ecclesiasticum ; Ethnicum quam hunc aut illum , magis idoneum esse judicem in lite quaquam , puta inter Judæum & Christianum , tum inter duos de clero homines.

Profectò , tempore Jonathani , fratris Judæ Macchabæi in controversia circa templum Hierosolymitanum inter Judæos & Sumaritanos , Ptolomæus Rex Ægypti pronunciavit pro jure & æquo in gratiam Judæorum ; nec minus Aurelianus Imperator Ethnicus in causa inter Synodum Antiochenam & Paulum Samosatenum , recto judicio adjudicans mansum , seu domum Episcopalem Domno , non Paulo. In libro qui ascribitur Vigilio Tridentino Episcopo , introducitur Sabellius , Photinus , & Arrius disputantes circa æternam Divinitatem Trinitatis contra Athanasium , coram Probo Judice , viro Ethnico , ex sacra Scriptura , secundum quam judicio

Probi

Probi, hæretici causâ ceriderunt. Isque fuit Augustini sensus, viros Ecclesiasticos minus idoneos esse & competentes, ut loquuntur iudices, in propria causa, quàm aut laicum aut Ethnicum. In lite contra Fortunatum Manichæum stetit iudicio populi Hipponensis, idemque præstitit anno 400. contra Felicem Manichæum: & anno 428. in causa contra Maximum Episcopum Arrianum: at anno 410. Augustinus & Comes Pascentius de suo dissensu retulerunt ad iudicium Laurentii, viri de natione Laica.

Sed memorabile est quod narrat Epiphanius anno 512 de Archelao Episcopo orthodoxo & Hæresiarcha Mane, se sistentibus iudicio quatuor virorum, sectâ & professione longè à se invicem & à Sacerdotali functione abeuntium: namque unus de illis, Marippus nomine, erat Philosophus Ethnicus; alter, Christianus quidem, sed Medicus; Tertius Ægialus Grammaticus; quartus Cleobulus Sophista. Nec minus quod Jacobatius Cardinalis lib. 2. de Concilio, articulo. 6. refert & imprimis notat & urget de duobus Ethnicis Cratore Philosopho & Zenosino senatore, viris integerrimis, ad quorum iudicium appellavit Synodus Episcoporum, præsentibus & consentientibus Constantino Magno & matre Helena in controversia, utra religionum potior esset, Judaica an Christiana. Optatus quidem Milevitanus contra Parmenionem recusat iudicium Ethnici & Judæi, at non plus tribuit iudicio Christianorum (etiam in re sua) affirmans
apud

apud illos perinde, veritatem studiis impediri.

Jam si in lite inter Christianos ut, sunt Pontificii & Protestantes, assumendus est potius in judicem laicus quàm unus de clero, Ethnicus quàm Christianus, iniquius multò judicium expectandum est à Papa judice, penes quem minimè omnium sunt conditiones judicis *ad idem*, cum sit supra omnes mortales præjudicio & veneno suæ cuique utilitatis correptus & corruptus, nec minus doctrinâ & vitâ, & plerumque juris Divini & humani rudis: id de se fatente nupero Papa Innocentio X. ad quem relatum est de controversia inter Jansenistas & Jesuitas. *Theologia*, (aiebat,) *non è la mia professione; no ho mai studiato la Theologia*. Referente doctore de Sancto Amore in suo Rationario, & affirmante idem Cardinali Ubaldino, *il Papa non è Theologo, non è la sua Professione, è legista*. Quid, quod canone *quod suspecti*, Gelasius & Nicolaus I. affirmant suspectos & inimicos minimè debere esse judices, nec testes, eorumque judicium repudiandum antequam lis disceptetur: in quam rem se tuentur autoritate Justiniani ut majori.

Et revera semper iniquius habitum est judicium Paparum, ut Zozimi, Bonifacii & Celestini in causa Appiarii, Pelagii II. in crimine duorum nefariorum Episcoporum, Salonis & Sagittarii, quos recto judicio Concilii Lugdunensis damnatos absolvit & restituit; tum Nicolai II. in causa Rothardi Sueffionum Episcopi

copi & judicio Synodali, ut facinorosi, depositi: sed imprimis Leonis I. Paparum, ut volunt optimi, cujus perversum judicium in vexando & damnando viro innocuo & Sancto, Hilario Arelatensi, graviter Godellus & ante eum Baronius reprehendunt; hic quidem anno 465. §. 84. ubi fatetur *sæpe evenire ut aures Paparum occupentur falsis criminationibus, & Papæ persequantur innocuum; etiam dum iusta facere sibi proponunt.* Quibus verbis planè authoritatem judicio Papali abrogat: cujus perinde iniqui judicii, saltem minoris authoritatis quàm est laicorum judicium atque ejusdem Papæ Leonis, luculentum habemus exemplum in actis Synodi Chalcedonensis, in quibus legitur judicium pronunciatum à viris illustribus qui in eo Concilio vices Imperatoris obibant, in lite inter Bassianum & Stephanum de uno Episcopatu contententes longè æquius visum à Patribus Concilii, quam Leonis, qui Bassiano favebat, ritè consentibus viris illustribus neutri Episcopatum deberi.

Sed nec à Synodis, seu Papalibus, seu Evangelicis, expectandum est æquius judicium, aut de fide, aut de ratione concordie inter Christianos ineundæ; cum in illis coetibus, ut loquitur Gregorius Nazianzenus, non pietas, probitas, studium æquitatis, pacis, locum habeant; non respectus disparis sapientiæ, prudentiæ, eruditionis, & ejusmodi Dei, naturæ & artis munerum, quæ sæpe plus in uno vigent, quàm in centum aliis capi-

capitibus : sed ambitio , ambitus , factio , æquale jus omnium ; (quo certè nihil est inæqualius,) tum major pars suffragiorum quæ sæpe ad peiores accedit ; vox unius forsitan canora , profluens, acris , adeoque facilius cæteros infirmioris aut frontis aut eruditionis in suam sententiam trahentis. Namque in omnem pene Synodum cadit pronunciatum Luciani , de omni coetu togatorum , quorum æqualis est autoritas libro de artibus doloris fori ; cujus verba hic asoribam ut à celebri interpretare d' Ablencourt posita sunt.

Les plus grands criars , ont le plus grand avantage dans telles assemblées ; parce que ceux qui n'y entendent rien , qui sont toujours le plus grand nombre , ingent des choses par l'extérieur , & donnent cause guignée au plus résolu.

Nec juvat ad æquius judicium , si Synodus circumagitur ad nutum unius , ut est Papa , aut potestas aliqua secularis : nam & in ejusmodi Synodis dicendum , non tanquam in πολιτεία , Christis sed in sæce ultimorum seculorum ; & imposita est necessitas assentiendi non sapientiori , sed acutiori gladio accincto. Ejusmodi coetus acuté perstringebat Piso apud Tacitum , hisce verbis ad Tiberium , *quo loco censebis Cesar : si primus, habebo quem sequar, si post omnes, vereor ne imprudens dissentiam.*

Jam si non est expectandum æquius (imo minus æquum) judicium à coetu Theologorum , quàm à coetu Medicorum ; si etiam Ethnicus quàm Christianus , laicus quàm quis-

quisquam de sacro ordine , Medicus , Philosophus & grammaticus , quàm Episcopus , æquiores semper habiti sunt iudices inter dissidentes religionis causâ , mihi imprimis , eligerem , Medicum , ut virum minimè omnium præjudiciis correptum & corruptum ; tum nomine , aut medici aut medicinæ , quæ nulla societate , aut disciplinæ , aut beneficii , commodorumque sperandorum annectitur aut Theologo , aut Theologiæ (certè non metu à ferula Ecclesiastica ei obnoxia est) tum etiam causâ religionis , cujus vulgò volunt (sed præter rei veritatem) medicos esse securos & in-curiosos : nam si hoc est verum , imo si Ethnicis accensendi sunt , tantò magis sisterem eos iudices idoneos dirimendis litibus , quæ Christianos & fratres inter se collidunt. Nam cum totus mundus exerceat Histrioniam , nihil usquam sit come , simplex , sua cuique utilitas , amor & reverentia cujuscunque rei , quæ est potens , dives , & in excelsa polita , abducatur à bono , recto & vero optimos quosque de quacunque sorte & statione ; censendum est illorum iudicium maximè corrumpi , quorum amor , aut commodorum mundanorum , aut authoritatis propriæ , efficit , ut in hanc potius quam in illam partem propendeat : hinc videas neminem sine hoc vitio suæ cuique utilitatis nasci , non Reges , non subditos. Hinc videas in optima republica sub optimis Regibus & Patribus patriæ , diversa semper esse studia Regum & populorum ; his pro libertate , illis pro imperio decertantibus ;

Q

qui

qui cum nolint quemquam lædere aut occidere, posse volunt. At videas inter subditos, cum pauci & boni arctè & piè illud teneant ; à Regibus , nec asserendam, nec vindicandam religionem per supplicia : nec à subditis, armis defendendam & tuendam, nec, nisi patientiâ & morte : videas inquam plures , aut specie pios decurtare Regia jura , aut procul abeuntes à pietate & mundanis voluptatibus additos eadem jura ampliantes , *ut infinitam Regiæ Majestatis potestatem agnoscant , qui infinitam Divini numinis potentiam non agnoscunt.* Videas hinc gentem sacram omnibus scripturæ locis , quæ de clavibus , de potestate ligandi & solvendi agunt , & jubent lites inter fratres deferri ad Ecclesiam, id dare interpretamenti quod suæ authoritati velificetur : illinc nationem laicam contrario intellectu , jugum Ecclesiasticum detrectare : videas nationem jurisconsultorum, advocatorum, procuratorum, & eorum qui forum sectantur, omnem religionem insuper habentes, largientem Ecclesiastico ordini suam potestatem, curiasque spirituales, unde litium & advocationum major seges & ingens lucrum accedit causidicis : tandem , cum nihil sit verius quàm dictum Salviani lib.3. de gubernatione Dei, *preter paucissimos quosdam qui mala fugiunt, quid est aliud omnis coetus Christianorum quàm sensina vitiorum ?*

Hæc cum ita sint , ut non nisi paucissimi sint in hoc mundi theatro vitæ & judicio incorrupti ; mihi in dirimenda quaquam controversia

troverſia diſpicerem illorum judicium , (utut
perinde iniquum in re propria) quod minus
à ſua cuique utilitate abducitur à recto & ve-
ro, in re quæ in diſceptationem venit : in qua
depoſcerem potius Medicum quam Theolo-
gum aut Jurisconſultum , uti in Ratione à
Duſſæo & aliis propoſita , quatenus poſſent
omnes Chriſtiani in unam fidem concordare
& confluere , tum maximè Pontificii cum
Proteſtantibus , & hi inter ſe commiſſi com-
poni ? quis modus foret optimus toleran-
di aut Hæreticos aut diverſa , imo non prava
ſentientes , vel per juſſionem Potestatum ſe-
cularium ; vel per aliquam & mutuam chari-
tatem & *οὐκ ἀνάγκη* populorum ? Profectò
nunquam gens ſacra accommodabit aures ra-
tioni à Duſſæo propoſitæ ; non quod illa ratio,
pravo & mutuo conſenſu veritatem premat ;
ſed quia ubi habet ſaventes Potestates ſecula-
res, neminem à ſe diſſentientem fert, ſed pro
Hæretico habet , vexat , affligit , inſenſiori,
diriori , & iniquiori animo , quàm ab Eth-
nicis quibus aliqua lux, aut æquitatis , aut
humanitatis affuſit , factum eſt : cujus rei
luculentum habemus exemplum in Ithacio,
Idacio , & cæteris Episcopis (uno Martino
Sancto viro Turonenſi Episcopo excepto) qui
primi , cauſa & authores fuerunt horrendi
carminis , & legis gladio aut flammis ſtatu-
endi in Hæreticos , inter hæc mitiores animos
gerente Imperatore Ethnico , de quo ſic lo-
quitur Sulpicius , Dialogo III. *Maximus Im-*
perator, alias ſanè bonus , niſi depravatus con-

filiis sacerdotum ; à quibus Pontificiorum & Protestantium antilites acceperunt, non in legem, sed in naturam, Hæreticos, vel supremo supplicio afficiendi, vel bonorum jacturâ, exilio, & capitis diminutione mulcandi. Quæ diritas & immanitas, cum plures abstrahat de gente laica à Romana Religione, non mirum ubi eandem conspiciunt sævitiam in Protestantium Pastoribus quod, sequius de reformatâ Religione, imò de omni censeant, cujus rectores miram & novam rationem invenerunt lociandi sanctitatem Apostolorum, cum feritate Ethnicorum : nam eo nomine apud Principes viros de gente laica vapulat illa sancta reformatio, cui sunt innutriti, ut causa dubiæ sanitatis. Nam nihil attinet recensere lanienas in Protestantes patratas à Pontificiis, inceptoribus Ecclesiasticis viris, cum penè paria fecerint Protestantium Pastores in damnandis Serveto, Castalione, & aliis; dum omni pæne ævo gens laica (non solum Maximus Imperator Ethnicus, sed & Imperatores Christiani, ut Constantinus, Jovinianus, Theodosii, Martianus, Valentinianus, Gratianus, Senatus Parisiensis,) semper æquior fuit gente sacra, seu Pontificia, seu reformatâ : quæ ut se præbeat recti pervicacem tibi pro Symbolo sumit : *in causa Dei nihil est largiendum*. Cæterum istius modestiæ & lenitatis exempla, præ uno quod exhibuit natio sacra, mille suppeditant laici de omni ordine, imprimis Imperatores Christiani, quorum agmen ducit Constantinus Magnus, Epistolâ ad

Alexan-

Alexandrum Alexandrinum Episcopum (Socrates lib. 1. c. 4.) professus se in ea esse sententia, posse dissentientes in fide se mutuâ concordiam tolerare ad exemplum Philosophorum Ethnicorum placitis à se invicem abeuntium, servatâ tamen amicâ consensione, ut refert Eusebius in vita Constantini lib. 2. c. 67. Par æquanimitas reperitur in Joviniâno Imperatore, quem Themistius Philosophus Ethnicus orat. 12. testatur in ea sententiâ fuisse, posse stare ubique studium sanctitatis cum variis sensibus circa fidem. Certè laudatissimi Principes, tantum abest, ut dissidentes sectis affligerent & vexarent, ut non solum impunitatem largirentur, sed & sæpè leges ferrent, quibus coetus eorum ordinarentur. Constantinus, Constantius, Valentinianus, Valens, & post hos Honorius & Arcadius, Synagogis Judæorum eadem jura tribuunt quæ Christianorum Episcopis. Quin in codice Theodoliano legimus Constantinum Magnum, etiam novem annos post celebrem illam visionem, post tot victorias, quas acceptas referebat Christo, & sacro sancti nominis professioni, legem tulisse circa modum exta consulendi & scrutandi, & ordinandas divinationes Augurum & Aruspicum.

Longum esset repetere veterum Christianorum temperamentum ante Priscilliani tempora, (quibus demum cœpit gens sacra sævire in hæreticos,) in tolerandis & cum omni animi lenitate suscipiendis diversa sentientibus: quod quidem Eusebius ait observatum ab Anicetis, Polycarpis, & ejusmodi, tum ab Ire-

næo culpante in Victore rigorem in Orientales, & à Cypriano in Concilio Carthagenſi. *Superest (inquit) ut de hac ipſa re quid ſentiamus proferamus, neminem judicantes, aut à jure communionis ſi diverſa ſenſerit, amoventes.*

At noſtris temporibus, ſummus Vir de gente laica, graviter hanc animi moderationem commendat, Gerardus Johannes Voſſius in tolerandis Hæreticis & ſuperſtitioſis, qui ſola, ut loquitur, opinione peccant; atque ponendos potius vult inter fanaticos quàm facinoroſos, urgens imprimis illud Lactantii (in Epiſtolam Plinii ad Trajanum de Chriſtianis pagina 88, & 89;) *nihil eſt tam voluntarium quam religio; & ſubjicit, Aberrantes igitur non ferro ſed ~~maximè~~, gladio nempe Dominico, amicis colloquiis & æquabili jure in rectam viam reduci debent.* Sic ſenſit quoque B. Martinus, qui in Ithaco hoc deteſtatus eſt; quod author fuerit, ut Præſcillianus capitis ſupplicio afficeretur, ut notum è Sulpicii ſeveri ſacra hiſtoria, libro 2. & Dialogo 3. cap. 15. quin idem lib. 2. hiſtoriae, in iis qui Chriſtiani cum eſſent, ſic in Hæreticos ſevirent, Anti-chriſti notam agnoſcebat. Potius igitur audiri debet B. Chryſoſtomus, cum in Epiſtola ad Timotheum ſcribit pro his *ἐὐχόμενοι δὲ αὐτῶν, & δύναντες*, preari oportere non perſequi.

Atque hiſ puto confici, ſi Vir Princeps omnis literaturæ de natione quidem laica; ſed tamen, tractans Theologica aliis, cum pænè totâ vitâ, tum maximè cum præfectus eſſet. illuſtris Collegii Theologici Lugduni Batavorum, æquius de iſtis judicat quam quifquam.

quamde ordine Ecclesiastico, multò magis inter laicos Medicum qui Theologica non attingit aliquo professionis jure, nisi Christiani, futurum æquiores judicem controversiarum Theologicarum. Cæterum hic non est animus instituere comparationem functionis sacræ ad medicam, nec virorum qui hanc sustinent ad sacri Ministerii viros, quos novi longè, ut numero, sic sanctitate muneris, tum juris Divini scientiâ & usu antestare medicis; sed tantum edocere, virum, nec odio nec amice in partes aut causam aliquam religionis, nec beneficio aut injuriâ cuiquam de ordine Ecclesiastico notum; cordatum tamen, probum & integrum, tum gnarum juris secundum quod pronunciandum est; æquiores futurum judicem in religionis negotio, & re quaquam controversa inter Christianos, quàm aut Papam, aut Pastorem Evangelicum; imo quam Synodum Episcoporum & virorum Ecclesiasticorum, quibus aut Religio Christiana, aut aliqua, certaque, est cordi; ac proinde in Ethnicum quàm Christianum, Judicis æqui partes & conditiones quas recensui, potius cadere, ut de viris ex æquo Christianæ Religionis addictis, in laicum potius quam in virum Ecclesiastici ordinis; & de laicis imprimis in medicum, ut longius dissitum à partium studio.

Profectò quod Cornelius Mus Episcopus Bipontinus (*in Epist. ad Rom. cap. 14.*) dixit *ut ingenuè fatear, plus uni summo Pontifici crediderim, in eis quæ fidei mysteria tangunt, quàm mille Augustinis, Hieronymis, & Gregoriis,*

longé potiori jure aptarem rei quam præ manibus habeo , hoc dicto, me uni medico, ut *Coxio, Goddardo, Lowero, Rugelio, &c.* plus crediturum, in illis de quibus judicium ferri velim, quàm mille *Augustinis, Hieronymis, & Gregoriis*; imo quam mille *Juellis, Davenantiis, Usseriis, Dallæis*; non eo nomine quòd illi medici sint ingenio longé acerrimo & subtilissimo & intelligentiores rerum quæ jugiter teruntur à natione sacra; sed quia sunt Medici, adeoque de ordine virorum, qui minimè omnium studio partium, suâ cuique utilitate & præjudiciis sunt excæcati & abducti à vero, bono & æquo: ut si de omnibus in religione controversiis, standum esset, putà in Anglia, judicio cujusquam coetûs virorum, is potius esse deberet Collegium Medicorum Londinensium, quàm Convocatio cleri Anglicani, nisi Sapientissimus Rex mallet id judicii permittere Regiæ Societati, tantò æquiori futuræ, propter aliquot Medicos, illustri illi virorum choro admixtos. Sed te diutius distineo, quàm in limine Epistolæ constitueram. Vale plurimùm.

LIII.

Ornatissimo & Doctissimo Viro;
& amicissimo capiti,

DOMINO

PETRO BROCASIO.

FActum est, Amice, postquam nomina viro-
rum ad quos scribo typis excusa essent, &
antequam Typographus prelo suo subjecisset quin-
quagesimam tertiam Epistolam, ut is cui de-
stinata erat supremum diem obiret: Jam cum
non debeat expleri hic numerus Epistolâ ad eum
qui vivere desiit, & integrum sit, alium re-
ponere, qui in demortui locum succedat, tu sta-
tim animo obversatus es planè idoneus. Nam
& ante hunc diem, si succurrisset tuum præno-
men, quod hodie coram mihi sufficis, nunc id
legeres in Catalogo eorum, quos mihi depono hu-
jus opellæ lectores; nec demum tibi hanc exara-
rem Epistolam: testem sanè, non solum fidu-
ciæ quam habeo tui judicii de meo Fugulo causæ,
sed & amoris quo te prosequor; tum pretii, quo
Te, tuas dotes, pietatem, pectus candidum,
morum elegantiam, ingenium subacuum, &
eruditionem in literatura, cum exotica, tum
maximè sacra, Linguaque Hebraica, Græca, &
Latina reconditissimam, æstimo: cujus lucu-
lentum specimen nobis novissimè exhibuisti, in
opere (quo aurum non est pretiosius) Ricardi
Cudworth, viri longè doctissimi, quod Latine in-
terpre-

terpretatus es , hanc operam te rogante summo viro Henrico Justello ; in quo miratus sum tui ingenii dexteram , non inscius quàm sit difficile interpreti alieni sermonis flumen pari facilitate consequi , & sensus aut pressos , aut intricatos sic reddere , ut nec sententia mutetur , nec laxetur junctura , nec obtundatur acumen , nec nitior obsolescat. Mañe hac virtute , & hoc praeludio enitere ad majora.

Ad

LIV.

*Ad Reverendum Virum & Amicum
Veterem, Pastorem Ecclesiæ, quæ
Augustæ Veromanduorum
colligitur.*

UBi nomen non succurrit, inquit Seneca,
Dominum salutamus; id ago in præ-
sens, Ornatissime & Doctissime Mettayeri;
nam si tam innotuisset prænomen quod tibi in
sacro Baptismi lavacro datum est, quam cog-
nomen est compertum, non demum consti-
tuisssem compellare & in extremis collocare,
quem inter Principes habeo, amo & colo:
quem altè inspectum expertus sum virum
acerrimi judicii; ingenio & memoriâ, ut eru-
ditionis penu divitem, & per illum usum,
quem, aut modicum, aut multum tecum ha-
bui, summâ erga me, seu in adversis, seu
in prosperis Charitate: certè pietate sua sine-
râ, ac vitæ sanctæ exemplo mihi prælucen-
tem consuetudine suavissima, mæstum re-
creantem, & quem si effusior fuisssem gaudio,
sua severitate decora repressisset: quem deni-
que comperi, qualem mihi in extremo vitæ
actu, qui prope est, exoptarem, mihi assi-
dentem, me hortantem, erigentem & so-
lantem. Sed antequam ex hac vita discedo,
libet

lubet tuæ, seu cognitioni, seu reputationi subicere quinque veritates quibus tanquam legatis, (hoc est, nostrî recordatione) te nunc & postremum prosequor.

1. Quod omnium hominum Christiani, omnium Christianorum Protestantes, omnium Protestantium illi, qui discriminantur vocabulis, (atque eo nomine passim vapulant) quæ denotant sanctiorem & puriorem religionis & pietatis professionem; sunt altioris intellectûs, intelligentiores. Divini humanique juris, ratione & sensibus validiores, moribus castigatiores, humaniores, civiliores, commodiores & maximè insistant viam quæ ducit ad æternam beatitudinem.

2. Quod vinculum, quo etiam altioris intellectûs viri in Ecclesia Romana, Papæ ejusque religioni illigantur, non est cognitio aut conscientia veritatis, aut amor religionis, sed veneratio imperii Papalis, vel suo fulgore pompâ & robre excæcantis oculos mentis & corporis, gratiamque & auctoritatem conciliantis futilibus quibusque Romanensibus doctrinis, vel suis divitiis & commodis devincientis, etiam Papæ insensibilissimos; in summa, est sua cuique utilitas.

3. Quod omnium illusionum, fraudum & mendaciorum, quibus, aut Papa, Reges & mundi Monarchas circumscribit, fallit, decipit & in obsequio continet, aut hi adnectuntur Papæ & Religioni Romanæ, id longè sit præcipuum, quod imperium Papæ terrenum pro-

hctur

betur illis, & commendetur sub fūco & larva vocabulorum Ecclesiastici & Spiritualis.

4. Quod non datur expeditior ratio Papam, ejus religionem & Ecclesiam evertendi, quàm dejiciendo Papæ imperium terrenum, quod sibi struxit in Reges & populos.

5. Quoddque statim concidet & ruet sine sanguine & armis, & unà totum systema religionis Romanæ, simulatque Papæ erepta fuerit larva illa vocabulorum, quibus obducitur & incrustatur illud imperium.

Nam semper (& hæc quoque una est veritas quam velim te acutè tenere,) Papa per larvam, fucum & ambiguitatem vocabulorum, incoepit, auxit & ad culmen provexit suum imperium terrenum, deflectens exempli gratia vocabula autoritatis, *Potestatis Ecclesiasticæ, Cleri, Papæ, sanctitatis, Episcopi, Presbyteri, Ecclesiæ, sacrificii, indulgentiæ, pœnitentiæ, traditionis*, à propria & primæva significatione, ad sensum & intellectum qui Papalibus utilitatibus inserviat, ut fuit ædificare imperium in Reges & nationes.

Cum enim Potestatis spiritualis intellectus olim esset illius quæ per ministerium Evangelicum transfert à potestate Satanz ad Deum, hodie sumitur pro Imperio Papali.

Cum viris illustribus Ingenio, & eruditione conspicuis Philosophis, Jurisconsultis, Medicis, Mathematicis, Architectis, Geometris, pictoribus, multò magis Pastoribus & Episcopis, sua semper constiterit auctoritas, sed

sed quæ omni Jurisdictione coercere & cogente caret ; qualis fuit Evandri apud Livium qui Latinos regebat autoritate magis quam imperio ; hodie autoritas, Papæ, Episcoporum & cleri Romani desiit esse Autoritas Apostolica, quæ neminem ad obsequium cogit aut trahit , nisi volentem ; & commutata est in Potestatem Magistratûs, quæ etiam in nolentes se exerit.

Cumque vocabulum *Papæ* nomen esset promiscuè, aut sumptum, aut datum, postmodum detortum fuit à prima sua significatione, & designavit, non quemvis Episcopum, sed Principem & Monarcham Ecclesiæ Catholicæ.

Cumque gravi abusu, vocabulum *sanctitatis*, quod Soli Deo debetur, promiscuè omni Episcopo daretur : quin Gregorius I. auditores suos compellaret voce *sanctitatis*, longè graviori, abusu, blasphemix quam comitati propiore, soli Episcopo Romano tribuitur.

Cumque vocabulum *presbyter* insinuaret virum ætate & autoritate gravem, ut est Pastor Evangelicus, cui præcipuè incumbit vacare Doctrinæ, Orationi & precibus, hodie insigni depravatione idem est sub Evangelio *presbyter*, quod sub lege erat sacerdos aut *sacrificus*.

Et cum vox, *cleri* 1 Petri cap. 5. sumeretur pro fidelibus Christianis, hodie accipitur pro solo ordine Ecclesiastico.

Sed nunquam fuit major abusus vocabulorum quam *Ecclesiæ*: quæ vox nunquam, nec in veteri Testamento designavit separatum corpus

corpus Jurisdictione legibus & præpositis à republica, nec in sacro codice significavit coetum aut sacerdotum aut Pastorum: neque subjectum est magis idoneum, quatenus Ecclesia & coetus fidelium & Christianorum, quod leges jubeat, autoritate & legis latioris & Jurisdictionis, quam coetus grammaticorum aut fabrorum: cujus veritatis vel solitarie reputatio, nisi mundus præjudicio esset abreptus, & Papam & Potestatem Ecclesiasticam totumque Romanensium doctrinarum complexum tolleret.

Cumque Episcopus tempore Pauli idem esset quod *presbyter*, senior, & *pastor* Evangelicus, cujus *ἐπισκοπή* & *πρεσβυτεία* esset in Ecclesiam particularem, in eo vocabulo lapsa consuetudo, deflexit de via, cum desit significare Pastorem Ecclesie, & usus obtinuit ut acciperetur pro Pastoris Pastore, *ἐπισκοπὴν* habente, non in Ecclesiam particularem, sed in Collegas: unde Tyrannis sensum irrepsit in Ecclesiam, & per eum nominis abusum facta est scala per quam ascenderetur à Presbyteratu ad Episcopatum, ab Episcopatu ad Archiepiscopatum, & sic porro præstructim ad Papatum. In quam rem, si benè memini, succurrit, cum esses in Anglia, & ad eam peritiam linguæ Anglicanæ pervenisses, ut Biblia insulæ vernacula intelligeres, te interrogasse me, cum omnes reformati Genevenses, Galli, Itali, Belgæ, Helvetii, qui eam Episcopalem *πρεσβυτεία*, aut non admittunt, aut non credunt esse de jure Divino, non declinaverint Acto-

rum

rum 2C. v. 28. vocabulum ἐπισκόπος tanquam pugnans cum sua Pastorum æqualitate, interpretari *Episcopus*: undē fiat quod, è contra, authores versionis Anglicanæ, cæterum ad dictissimi prælationi Episcopali, abstinerint ab illo interpretamento vocis ἐπισκόπος per *Episcopus*: sed posuerint *overseers*, *inspectores* ad quod interrogatum, non succurrit in te tibi reposuisse quod nunc altē sedet animo meo, nempe, cum totum Sermonem Pauli vicefimo Actorum capite, tum vocem ἐπισκόπους à vindicibus prælationis Episcopalis, per *inspectores*, at ab ejusdem eversoribus per *Episcopus* versam, illustre esse documentum quid statuendum sit de illa πρᾶσις: namque cum primi nihil sibi metuerent à voce ἐπισκόπος, quam sciebant promiscuè in novo Testamento sumi pro quovis Pastore Evangelico, illam audacter usurpaverunt: at contra cum alii probè novissent & animadverterent illam vocem militare adversus suam πρᾶσιν, quandoquidem constituat ἐπισκοπή non in Presbyteros sed in Ecclesiam particularem, refugerunt plus morte & angue legi à populo illum qui pascit Ecclesiam, propriâ locutione dici debere Episcopum: unde subit mirari quod qui, capite primo Epistolæ ad Titum versu 7. dicitur græcè ἐπισκοπῶν non vocetur ab illis Anglicè *inspectar*, nec aliqua strophæ inventa fuerit per quam disertis verbis legeretur à populo patriâ linguâ, si quam habuit Titus πρᾶσιν in Pastores Evangelicos, illam non fuisse Episcopi in Presbyteros, sed **Archiepiscopi**

episcopi in Episcopos ; quando quidem ordinatus à Tito, signanter commaté septimo nominetur Episcopus.

Possem in cæteris vocabulis ; ut Sacrificii, indulgentiæ, poenitentiae, traditionis & longé pluribus pergere, docendo rem Romanam, per fraudes, tectorium & fucum vocabulorum ; inceptam, auctam, & ulterius provectam ; tum etiam nunc stare : nam & vocabulorum incantamento, si non illo, saltem alio, atque tyrannide & consuetudine alté mentes oblidente ; Protestantium Antistites sunt decepti & ægri : nec te eximo de eorum numero, qui in pluribus tendunt, non quâ eundum est ; sed quâ itur ; nili longé sis mutatus ab illo qui eras Oxoniæ, ubi nondum exueras errores circa fraudem illam piæ potestatis Ecclesiasticæ & excommunicationis, sed premebas vestigia virorum tui ordinis qui te antecesserunt ; rationemque iustitias catenus tuo iudicio bonam quia tritam à tuo præceptore, semper aliquid indulgens affectui illi quem Galli & Angli vocant *Interest*. Nam tibi nunc edico, quod fusius persequor capite sexto hujus opellæ, totum mundum exercere histrioniam, nihil usquam come, nihil simplex ; optimos quosque sua cuique utilitate & præjudiciis excæcari ; imo rapi & abduci à vero ; æquo & recto ; pertinaciâ, gratiâ, utilitate privata, authoritate illorum qui sunt, aut ditiores, aut in celebritate, quandoque imitatione antecedentium iudicium corrumpente : atque maximos viros de gente sacra

olim & nunc; hinc Augustinos, Chrysostomos, Usserios, Davenantios, Hallos, quod aut in Episcopatu essent, aut cum sperarent, fuisse vindices prælationis Episcopalis, aut non nisi cunctanter aut reluctante animo, æqualitatem Pastorum de jure Divino admisisse; illinc verò Hieronymos, Reynoldos, Dallæos & ejusmodi, aut in Presbyteratu obstinatè permanentes, aut extra omnem spem, assurgendi ad Episcopatum, arctè & constanter pro æqualitate Pastorum stetisse. Nam videas eosdem viros pro modo superantis alicuius private rationis, modò ad hanc, modò ad illam partem inclinare & propendere; deferere quod probaverant, & probare quod deferuerant; & sic alternare iudicium de alienis laboribus & sententiis, ut quod uno est foetus alti, acris & subacti iudicii & recta sentientis, alio tempore sit partus obtusi ingenii & hebetis & à vero abeuntis. Expertus loquor cum enim ante triginta annos in lucem edidissem Epistolam sub nomine Irenæi Philadelphi, ejusque Apologiam, quæ paulò post prodiiit, & me continuissem intra argumentum quod congruebat sensibus Pastorum in Gallia & Belgio, imò Presbyterianorum in Anglia, nec horum & illorum rationibus officiebat, quale erat *ισοτιμία* Pastorum; mirum quo plausu ab illis ex æquo exceptæ fuerint, & eo nomine author earum laudatus ab ingenio, iudicio, eruditione, & in tractanda illa materia dexteritate; additis hortationibus ut pergeret quo pede cepit tot muhera Dei excolere & in apertum pro-

profetie. Possem de ea re ad testimonium allegare Langlæos, Bochartos, Blondellos, Pastores Parisiensés: tum de eodem ordine viros Principes, ut Andreám Rivetum in Belgio, qui alteram editionem Epistolæ ad Renatum Veridæum procuravit, imo locupletavit passim, aliquo auctario, Samuelem Marelium Groningæ; Alexandrum Morum Genève, qui Apologiam iteratò curavit edendam, & insigni carmine prosecutus est: Cæterum de Apologia illa sic loquitur venerandus senex Langlæus.

J'ay receu estant à Gaillon à vendange vôtre excellent livre, qui m'a tellement agréé, que nonobstant le tabut de cette saison, je n'ay pas laissé de le lire. Je l'admire en toutes ses parties, & louë Dieu de ses benedictions en vôtre endroit, qui vous à fait exceller en cet ouvrage. J'avoue que j'ay esté surpris, quand tout d'un coup je vous ay veu grand Theologiem, & manier ces matieres avec tant d'adresse & suffisance. Mais je vois bien qu'en toute la courvée de Monsieur N. il n'y avoit point de rebut, & qu'en vôtre personne la pierre que les edifiants rejettoient, à esté mise au principal endroit du coin, & que l'esprit de Dieu souffle où il veut. Et paulò post, nam prolixior est Epistola & effulior in laudes. Je prie Dieu qu'il vous benie & conserve à son Eglise, en faveur de laquelle je vous exhorte de mesnager vos excellens talents: Et præter unum quod culpat, quod falli suspectem ~~exoxygenu~~ i Epistolæ ad Timotheum, cætera impense probat, tout le re-

*ste m'a fort satisfait, & pour le stile, & pour
l'enchainure de vos matieres.* Data est Episto-
la anno 1641.

Jam accipe quæ fuerint judicia venerandi
viri & aliorum ejusdem ordinis de me, meis-
que scriptis, editis quindecim post annos, tan-
tò certè iniquiora & perversa, quod priora
scripta essent rudia, impolita, foetusque tyro-
nis, præ posterioribus, cum judicio eram sub-
actiori, & plus habebam in conditis: cum er-
go posterius evulgassem meam Parænesim
ad ædificatores imperii in imperio, in qua
quanquam non est consilium impugnare præ-
lationem Episcopalem, aut de ea verba facere;
certum est tamen illam funditus everti per rui-
nam Potestatis Ecclesiasticæ, cujus totus ordo
Ecclesiasticus est retinentissimus. Cuique
dissidentes circa illam *περσείαν* viderent non
jam agi de Episcopatu sed, de tantoperè reda-
mata sua Helena, Potestate Ecclesiastica, de-
que communi causa & jure, factum est, ut
qui erant iniquiores in Episcopatum, potius
quam unâ ruinâ & Episcopatus & Potestas Ec-
clesiastica conciderent, in illum æquiores essent;
& qui ante, inter se bellare soliti erant, nunc
odio condito propter societatem periculi im-
pendentis potestati Ecclesiasticæ, eandem uti-
litatem foverent, junctisque utrinque viribus,
quem non poterant argumentis superare,
quemque modò præconiis ad sidera extule-
rant, facti temporibus quibus serviunt validio-
res, ad tartara præcipitarent, saltem vilio-
rem algâ facerent, proscinderent, sugillarent,
atque

atque infamarent, ut hominem emotæ mentis, & cujus caput tribus Anticyris est insanabile; nam sic loquitur summus Vir Samuel Bochartus, Epistolâ ad virum magnum; nec æquiora fuerunt judicia reverendi senis Johannis Maximiliani Langlæi de me; cujus caput vult in crucibulo fundi, ut inde prodeat sanum: ut nec Clarissimi viri Johannis Darelli S. S. Theologiæ Doctoris, cujus verba sunt ad eundem virum magnum; *il ne scait p. la moitié du tems à qui il en vent: & il ne scait ce qu'il dit, ni ce qu'il escrit*: proximum est ut me amandet ad gentiles & agnatos; iudicio tamen de me constantiori quàm fuit symmystarum, ut qui nunquam, nec me, nec mea probaverit; nam cum ille & alii ὁμοῦ φρονέοντες mitius agunt mecum, aiunt me emanforem esse, nulli Religioni aut sententiæ fixum, sed semper in fluctuationis salo; atque me esse à Presbyterianis ad independentes, ab his, denuò ad illos; ab utrisque ad fanaticos transfugam: nam illa sunt de me sensa Clarissimi Durelli, non ut priora verba privatis literis ad amicum inclusa, sed ad rei memoriam uncialibus characteribus excusa, ut à pluribus legantur; iniquiora haud dubio futura proximâ suarum vindictiarum editione de homine ingenio miti, offensionum patiente, & segniter maledicta laturo; ac proinde injuriis magis opportuno; neque audente respondere viro quatuor opimis sacerdotiis potenti, & qui Joves habet propitios.

Sed si accusasse sufficit quis unquam erit

innocens? nam si invidiâ, meorum Aristarchorum ilia rumpantur, aut dissiliant, non reperient, quicquam perperam dictum, aut in mea Parænesi, aut in hoc Causæ Jugulo, quod est illius apex & colophon, fructusque laborum meorum, multò minus partus est ejus, cujus non est sanum sinciput & *qui ne sciat ce qu'il dit, ni ce qu'il escrit*: tum constanter pernego me unquam alium fuisse ab eo, qui eram ante triginta annos, nisi quod nunc major sim annis, aut cujusquam partibus, nisi veritatis destinato consilio addictum fuisse, cum semper idem fuerim in damando illo Papismo (quem volo esse Potestatem Ecclesiasticam,) seu imperio in imperio alieno, à Papa, Presbyterianis & Independentibus juxta habito: nam in hoc Jugulo Causæ doceo istius Papismi minimè omnium Protestantium Ecclesiam Anglicanam esse ream; siquidem agnoscat ut par est Regem caput Ecclesiæ. Sed nec, Deo gratias, muto, aut nuto in fide arrepta ab Ecclesiis reformatis: ut jam vitium inconstantiae, quod mihi imputatur, non sit meum, sed illorum in tua vicinia, qui uno tempore vindicem me sententiæ suis sensibus congruentem miris laudibus tollunt; at alio, promentem ingratis auribus, eamque arcana imperii Ecclesiastici tentantem, accensent, turbonibus, tenebrionibus & mente captis: vitium inquam inconstantiae, imputandum illis, quos constat Vertumnorum instar circumactos ad quamque auram, aut temporum, aut suæ cuique utilitatis; modò methodum Amyral-

raldianam infectantes, modò arripientes; non ita pridem Presbyterianis æquiores, nunc iniquiores: atque uno tempore ad casum reverendorum Episcoporum letos, alio ad reditum in suas sedes gaudio exultantes. Certe non unus Pastor in Gallia, qui initio motum in Anglia suspiciebat & complectebatur Presbyterianos, ut fratres & ὁμοίους, in fide & disciplina, post motus (qualis Goyonius Pastor Burdegalensis) de illis locutus est, ut de alastoribus, qui exterminari debent è finibus humanæ naturæ.

A: Clarissimus Durellus reperit crassum soloecismum in ipso vestibulo meæ Paræneseos. Herculeum sanè argumentum, quod, aut probet mihi, nec fidei, nec intellectus constare rationem, aut totam meam Parænesim ejusque complexum convellat & falsi arguat: quod lego in Suetonio aliquando factum & judicatum à Mario Pomponio Marcello, & Grammatico & causidico, ut qui in advocacy quadam, ideo adversarii sui causam iniquiorem esse dicebat, quod inter orandum soloecismum commisisset, & eo nomine poscebat, si non causæ ruinam, saltem dilationem: sed humaniorem credo Clarissimum Durellum quam ut propter unum erratum, (si tamen erratum, quod constanter inficior) opus totum unâ liturâ inducat. Nec ipse ex uno vocabulo p. 192. perperam usurpato (illud est *appropriari*) velim totum opus, ceterà foetum viri ingenio & eruditione præstantis, dammare.

Sed antequam manum auferam de tabula, lubet tuæ cognitioni & oculis subicere in brevi quasi tabella totum complexum eorum quæ ab hinc triginta annis viderunt lucem, sub nomine meo, & quæ varia variorum experta sunt judicia, Durelli, imprimis, à quo eo nomine ascribor gregi fanaticorum. Aliquot corollariis eum complectar.

1. Si Dominus Jesus Christus & Apostoli dignarentur hodie rebus humanis interesse, & ad clavum Ecclesiæ sedere, non aliam in ejus regimine adhibituros potestatem seu auctoritatem, præter eam quæ est persuasionis, quæ se exercit in eos, quorum mentes Deus luce & cognitione veritatis Evangelicæ perfundit, instruit, arguit; è nolentibus volentes præstat & ad obsequium fidei voluntatem flectit.

2. Quod non aliud potestatis, seu auctoritatis genus, à Christo & Apostolis collatum fuerit Pastoribus & Episcopis in regimine Ecclesiæ.

3. Sed nec si datur jure Divino auctoritas, aliqua Pastoris in Pastorem per *necessariam* Episcopalem, illam differre modo aut naturâ ab ea quam Christus & Apostoli haberent, aut quam Pastor Evangelicus assumere debet in populum fidelem.

4. Quod ab ipsis mundi incunabulis, non sacerdos, Levita, Propheta, Episcopus, Pastor Evangelicus, in Synedrium, Synagogam, Ecclesiam, Synodum coacti, alium modum auctoritatis unquam sibi vendicaverint *vi functionis*

tionis sacræ, quam qui est persuasionis, admonitionis, consultationis & declarationis, patefactionisque juris Divini.

5. Sed cum ut ait Optatus, Ecclesia sit in republica; nec Ecclesia Christiana, non fides constare & stare possit sine ordine humano: debeantque extra coitionem ad cultum Divinum Ecclesiæ, Rectores & Antistites in coetum coire ad ordinandum statum Ecclesiæ & Ecclesiarum, planè censendum est, rectores & antistites Ecclesiarum extra illam coitionem ad cultum Divinum, non alio jure, non alia auctoritate, potestate & Jurisdictione jus dicere; canones & leges condere, sancire & jubere, quam quæ à quovis coetu hominum assumitur, ut foret medicorum, grammaticorum, fabrorum; ut horum tam incongruè diceretur Potestas medica, grammatica & fabrilis, quam illorum, Ecclesiastica & Spiritualis.

6. Quod, quemadmodum, Pastores, Episcopi, populus fidelis in unum locum coacti ad vacandum precibus, verbi auditioni, & ad participanda Sacramenta constituunt veram Ecclesiam Christi particularem; sic officium sit omnium hominum, cujuscunque tandem sint ordinis & dignitatis, sint Reges, aut subditi, se per Baptismum ad ejusmodi Ecclesiam aggregare, seque morigeros præstare veritati Divinæ assertæ, commendatæ; imo imperatæ in nomine Christi à Pastore Evangelico.

7. Non aliam in Sacra Scriptura dari γῶν Ec-

Ecclesiæ visibilis propriè dictæ præter ejusmodi particularem Ecclesiam: neque unquam in Scriptura, vocabulo Ecclesiæ, denotari cæ-
tum sacerdotum, Episcoporum & Pastorum Evangelicorum.

8. Ut nec jure Divino ejusmodi Ecclesia quicquam potestatis habet in vicinam, ut nec Pastor istius Ecclesiæ particularis, quicquam habet Jurisdictionis in Pastorem alterius Ecclesiæ, multò minus in comparem symmy-
stam de eadem Ecclesia.

9. Quod extra *synna* ejusmodi Ecclesiæ particularis, Ecclesia, quæ diceretur nationalis tam nomine tenus est Ecclesia, quam coetus Pastorum aut Episcoporum vocaretur Ecclesia.

10. Quod extra illam notionem Ecclesiæ, omnis Synodus & convocatio cleri leges & canones condens & jubens, vel per disciplinam confederatam, sub Magistratu infenso, vel sub eo amico & benevolo per delegatam ab eo Potestatem, non tantum non sit Ecclesia, sed nec coetus Ecclesiasticus (nisi quatenus constat viris Ecclesiasticis) sed tam Politicus quam confessus senatorum, cujus legibus, vis & autoritas non accrescat, nec imprimatur, à justitia, bonitate, & æquitate legum, sed à majori numero suffragiorum, vel à voluntate Potestatis summæ secularis.

11. Quod Potestas Ecclesiarum, Synodorum & Pastorum confluat sub Magistratu amico & satagente res Ecclesiæ in ejus potestatem & imperium: at sub Magistratu iniquio-

ri: permittente tamen liberum exercitium Religionis, quam non approbat, retineatur per mutuum consensum, disciplinamque confœberatam, quæ Magistratus vices supplet; ita tamen, ut nec vetante summo Magistratu, nec præpediente communi utilitate Ecclesiarum, integrum sit unicuique Ecclesiæ particulari, vel suas res seorsim habere, vel se corpori aut societati aliarum Ecclesiarum adungere.

Nec multum abeunt hæc corollaria à sensibus Pastorum in Gallia, puta Spanhemii Epistolâ ad Buchananum, pag. 55. *Ecclesia particularis, nil habet potestatis in aliam, sed omnes sunt collaterales, equalis juris, & auctoritatis, quòd pronunciatum purus putus est Independentismus.* Mestrezatius, *Tractatu de Ecclesia* pag. 677. *Nous n'attribuons aux Pasteurs aucune autorité de faire des loix par juridiction; mais seulement de faire des reglemens par direction.* Et pag. 542. *la charge des Pasteurs n'est autre chose que de rapporter & de proposer les commandemens, ordonnances & enseignemens, que Dieu donne en sa parole; étant par leurs charges comme des Ambassadeurs, qui doivent proposer ce que le Prince qui les à envoyés, leur à enjoins, & n'ont point de propre juridiction.* Et pag. 332. *In ratione ordinationis, electionis & vocationis Pastorum, conspirat cum sensibus Independentium: imo pene totum independentismum exprimit: le droit de la mission & de l'ordination appartient aux corps de l'Eglise & à la compagnie des*

des fideles qui sont en chaque lieu ; soit qu'il y ait entr'eux des Ministres de l'Evangile , soit qu'il n'y en ait point.

Et D. Gaches *ὁυαξαεινς* nuper Ecclesiæ Parisienlis Pastor. Is concione ad ordinationem ornatissimi viri Sarravii. *Il est mal aise de gouverner une seule famille , combien plus est il difficile de gouverner tout un temple , qui est compose de tant de familles : mais un peuple encore , sur lequel vous n'avez d'autre autorité que la persuasion.* Utrum hæc undecim corollaria, quibus authoritas accedit à triumviratu illo magnorum virorum sint sobria mentis cogitata, an verò deliria ejus, qui ne scait ce qu'il dit, ni ce qu'il escrit, quem hospitem excipere debet domus destinata amentibus, tui judicii facio.

Consilium erat, post purgationem *ἀλγίας*, me expurgare de crimine falsi, cujus Clarissimus Durellus me postulat in Archiepiscopum Laudum, quasi illi imputaverim quæ nec fecit nec dixit. Sed præterquam quod alibi locus erit justæ defensionis mei, ulterius extendi hanc Epistolam quam in ejus limine destinaveram : materiâ sequaci & voluptate quam capio tecum familiariter loquendi, me extra modum Epistolæ abripiantibus. Vale.

LV.

Clarissimo & Doctissimo Theologo,

DOMINO

MATTHÆO DE LA
R O Q U E,*Ecclesie Christi quæ est Vitriaci in Armo-
rica Pastori fidelissimo.*

FErvebant & festinabant operæ Typogra-
phicæ versus quinquagesimam quartam
Epistolam, quam ultimam fore decreveram,
cum submonitus fui à viro mihi unicé Reve-
rendo Davide Primirofio, non debuisse à
me præteriri gravissimum authorem Historiæ
Eucharisticæ, in recensione eorum, quibus ma-
ximé cupio nostram novam Rationem pro-
bari, virum optimé de Ecclesia Dei meri-
tum, & ejusdem militiæ cum Clarissimo
Theologo Johanne Claudio socium: obtem-
peravi igitur præstantissimo viro bené mo-
nenti, licet serius quam ut integrum fuerit,
apponere, aut tuum nomen in Catalogo, aut
Epistolam hanc loco idoneo: nam perinde
tibi esse existimo, primum ne an ultimum
compellem; modò utrobique idem studium
erga te tibi probetur meum, de opere tuo
eximio, pleno succi & sanguinis: tum sen-
libus

libus & argumentorum pondere gravi; & quæ cum potenter, aut nutantes cohibeant à defectione à fide quam tueris, aut persuasos firment in sententia recepta, insuper facile moverent, imo permoverent addictissimos Romanæ Religioni: nisi illi autoritas potius accederet apud triplex genus hominum, Reges, clerum & populos ab imperio terreno Papæ personato, divite & illustri, quam ab ulla, aut bonitatis, aut veritatis specie, quæ insit Doctrinis Romanensibus, quarum futilitate agmen ducit Transubstantiatio: apud Reges quidem & mundi Monarchas, qui Papæ vestigia lambunt, à fucō & tectorio vocabulorum, *Ecclesiastici* & *Spiritualis*, quibus id imperii obducitur, & sub hac larva probatur sacris illis capitibus: apud clerum verò, ab illo imperio suis commodis & divitiis eum ditante; ut apud plebem suo fulgore & pompâ oculos ejus perstringente, & inde, si non amorem, saltem, vel terrorem vel venerationem incutiente; unde firmiter & altè imbibi, detectionem triplicis hujus fraudis & incantamenti; & quæ forsan opus est paucarum & schedarum & horarum, unicam esse viam & rationem, Papam, ejus imperium, & unâ Ecclesiam & Religionem Romanensem evertendi; & quæ plus unâ horâ valeat, ad totum Papale Romanense & missaticum apparatus dejiciendum & diruendum, quam spissa, voluminosa à vobis nuper scripta & edita, circa unam illam materiam de Transubstantiatione, ponderis

deris & momenti haberent toto anno ad persuadendum singulo homini de Romanensi communione, ut sequius sentiat de capitis vacui figmento. Quocirca patere Vir Magne, idem à me reponi apud te, quod jam præstiti apud Clarissimum Claudium; te juxta obnixè rogando, imo urgendo, & instando ut novæ meæ *Rationis* habeas rationem: sepositisque omnibus præjudiciis, quibus etiam optimorum mentes obnubilantur; atque subductis & peniculis, cum facilitate rationis meæ exequendæ, tum commodis quæ inde in orbem Christianum redundatura sunt, adeoque à te hæc veritate compertâ & probatâ, nempe illum esse causæ Jugulum quem monstro; illam esse arcem, quam invadere, ruina sit & imperii Papalis & Transubstantiationis (nam per eundem Jugulum vita & huic & illi eripitur) totis viribus, animis & armis hunc Jugulum petas, illamque arcem quatias & verberes; quam bonam mentem, id effectum reddendi, ut det Deus tibi & cæteris strenuis veritatis defensoribus & assertoribus, venerabundè precor.

Con-

LVI.

Consultissimo & Doctissimo Viro,

DOMINO

JOHANNI COCO,

Operam navanti in Scriptura, longè Illustri
Viro Johanni Trevor Regis Secretario.

Postquam peregrissem mearum Epistolarum
Syllogen; & substitissem in meis Gallis; se-
rius succurrit debuisse me tibi, viro Clarissimo
& optimè de me merito assignare locum inter
Anglos; quibus impense cupio nostram opellam
probari. Ego, cum primum à te accepi literas
certè verè Latinas, & naturali pulchritudine,
exurgentes, & medico & multo usu; teque
totum, tuas doctes, ingenium & judicium acre,
obviam & expositam, bonis imprimis comita-
tem, pectus candidum, de maximis rebus ut
consultissimum virum decet, sapienter & eru-
ditè judicantem, consideravi: gavisus sum ali-
quam in hoc vitæ theatro, honorificam, sed
miratus, imo penè indignatus sum, amplio-
rem tibi & majorem, non contigisse stationem,
quæ meritis tuis respondeat. Hæc non do tuis
auribus sed rei veritati; nec nisi ex occasione te
destinandi lectorem & judicem opellæ meæ, quam
perinde tibi probatam iri confido, atque aliis ad
quos scribo; eoque acceptiorem quod à te probe-
tur.

Clarif.

LVII.

Clarissimo & Illustri Viro,

DOMINO

MARCO ANTONIO
BASTIDIO,*Consiliario Regio, tum pulcherrimis mun-
eribus defuncto apud Potentissimos Europæ
Monarchas & Principes.*

AD te, si ad quemquam, Vir. Clarissime,
de Illustribus gentis laicæ pertinet ju-
diciu de nostra nova Ratione, argumento
sanè tibi pridem noto & complacito; perti-
net inquam ad Te, Juris utriusque Divini &
humani scientissimum; cæterum non hujus,
sed omnis seculi, virum; tam meliori luto
à natura formatum, quam quem à judicio,
ingenio, rerum usu & sapientia vulgus com-
mendat: certè tanta probitate & pietate ex-
cultum, ut licet in luce aut aulæ, aut fori
vivens, hinc inter illecebras & blandimenta
vitiorum, ambitûs & pressantium, illinc
inter minas terrentium, quos promissis allice-
re nequeunt; attamen sic sis recti pervicax
& Religionis reformatæ retinens, ut non exem-
pla Turonensium, nec Tarentinorum, non
Pellissoniorum, non montes aurei oblatis, qui
fortunam tuam lautam ad lautiorē prove-
hant,

S

hant, te queant dimovere à sede viri pii, probi & antiquæ fidei & severitatis; tum utilitatibus & commodis Ecclesiæ Parisiensis tantopere addicti, ut plus honori ducas illi navare operam in Senioris ministerio, hoc est astare ad limina Domûs Dei in modum supplicantis, & necessitatibus Ecclesiæ inservientis, quam consortem esse publicorum consiliorum intra Regum palatia. Macte hac virtute & perge tuo præsidio Ecclesiam Dei tueri, regere prudentiâ, at ornare vitæ illibatæ disciplinâ, meque tui maximum cultorem tuo favore complecti. Vale.

LVIII.

Clarissimo, Amplissimo & Illustri
Viro,

DOMINO

GUILLIELMO MORICIO,

*Equiti Aurato, nuper in Sanctiori Regis
Consistorio, Consiliario & Secretario,
nunc vero Senatori Ordinum regni.*

Cum tibi imprimis, Vir Amplissime, de-
beatur locus inter illustres Anglos, quos
mihi depono lectores & iudices hujus opellæ,
factum est per negligentiam illius qui vacat
emendationi libri, ut nunc demum mea ad te
Epistola excederet: & quem oblivisci esset
mei maxima oblivio: Te inquam virum,
imprimis gnarum & intelligentem harum re-
rum quas tracto, & cujus sensa ni fallor con-
cordant cum toto meæ Rationis, consilio &
complexu, quique biennium, antequam re-
quievisset à pulcherrimo munere, quod plu-
res annos, sapienter, incorrupte, cum om-
niam bonorum laude, at sine malorum re-
prehensione sustinuisi; primum rudimentum,
scripto exaratum, & impense probavisti, &
dignum censuisti quod lucem aspiceret, quem-
admodum mihi per literas significavit orna-
tissimus & Doctissimus Vir Johannes Cocus,
qui tibi tunc temporis in Scriptura operum

navabat , ut jam non est quod nunc sollicité te rogem, ut velis esse meæ opellæ lector & judex , multò minus ut æquus sis : quemque æquiores mihi spondeo quam quemquam de ordine sacro, non solum quia laicus es, nemini de illo ordine cedens peritiâ rerum, quæ sunt Theologorum , sed quod honestâ missione donatus es munèris illustis cujus fulgore solent mentes præjudiciis , aut excæcari aut aliò abripi, quibus maximè omnium præpeditur natiō Theologorum ; tum suâ cuique utilitate privatâ, seu gratiâ, seu stimulatione, magis corrumpitur , quam ordo laicorum ; eoque magis, quod illa gens sacra, quemadmodum , ubi bona est nulla melior est , sic ubi mala nulla peior sit : atque hæc pars sequior vitâ, doctrinâ , moribus , ambitione, sævitiâ & avaritiâ semper fuerit numero major : quin imo ipsa sanior & minor pars , non sit immunis à veneno suæ cuique utilitatis, adeoque iniquior sit judex , in re sua, ut est Christiana Religio , quam foret laicus imo quam Ethnicus , sed omni Religioni incuriosus , eoque defœcatori judicio sensa sua prolaturus de quacunque aut re aut persona , in quam nec odio nec amore fertur , quam faceret aut facere deberet Christianus Theologus , qui si falsi est pertinax , eatenus est laudandus propter pertinaciam retinendi quod verum putat , quanquam est culpandus quod à vero & recto deviet. At si est veri pertinax eatenus est laudandus quod vera promat aut sentiat : verum tantò iniquior est judex , quia

est seu veri seu falsi, seu recti seu iniqui, retinentior, adeoque eo iniquior iudex, aut saltem ineptior, si constat majorem esse metum à judicio sequioris ordinis virorum ut semper fuit Ecclesiasticus. Profectò nisi omni tempore, laicorum Principes Reges, Magistratus ut Moyses, Constantinus, Carolus Magnus, Edoardus VI. Rex Angliæ, Senatus Parisiensis, suffecti fuissent à Deo, qui Aaronem fabricantem vitulum Israëlitis, quem adorarent, Episcopos rixantes, jurgantes, & inter se collisos, aut hæreticos sua auctoritate compescerent, aut coercerent, jam pridem Ecclesia Dei conversa fuisset in aceldama, nec usquam aut fidei aut Sanctitatis vestigium, extaret. Nam licet prima reformatio à Luthero homine de clero cœperit, in ipso ortu pessumdata fuisset per varia judicia & dissidia Theologorum, nisi potestates seculares, suâ auctoritate, confusa composuissent & res Ecclesiæ ordinassent. Sanè in Anglia, non à clero sed à gente laica prodiit reformatio; illo semper promiore ad prava & sava consilia. Cum enim prima Convocatione & regni & cleri I. Elizabethæ, deliberaretur de rebus circa Religionem constituendis, ut major pars Parlamenti pro reformatione introducenda, & Papismo eliminando, sic totus clerus pro hoc retinendo & illa abroganda stetit. Augustus Thuanus observat Reges Galliæ & Senatum Parisiensem æquiores semper fuisse in Valdenses, Albigenses, Lutheranos & Calvinistas quam cie-

num Romanensem, ubique & semper se gerentem, incendiarium, facem & authorem laniarum, & mactandorum, non tam prava quam diversa à se sentientium, & quos eo nomine hæreticos nuncupant: nam & hunc morem sævienti Religionis causâ in hæreticos, traditione accepit Roma ab orthodoxis Episcopis Ithacio & Idacio, numero potioribus uno Sancto viro Martino Turo-nensi, hunc immanem animum in Priscillianistas detestante in viris sui ordinis, feritate provocantibus, imo superantibus Maximum imperatorem Ethnicum, animo longè æquior-rem & mitiorem in Priscillianistas. Sanè non solum Josephus Historicus, sed & sacra Historia, aiunt gentem Sacerdotalem semper proniorem fuisse ad idololatriam, tum crudelitate & avaritiâ foediorem, magis infidam, quam Principes populi de gente laica, etiam in re pecuniaria ut liquet ex 2. Libro Regum cap. 12. Et Eusebius testatur, non ulterius Christianorum Antistites sub Ethnicis Imperatoribus Zelo Dei flagrasse, sanos in fide & concordēs fuisse, quam quatenus ad hos mores castigatos & sensus unanimes per sævitiam Deciorum & Diocletianorum compellerentur: cæterà ubi requiescebant à persecutionibus, factionibus, ambitu dissidiis laborasse: nam iidem datâ potestate liberè *χρησάμενοι*, tum maximè lascivierunt ut equus excusso sessore: nam si excipis unum Sanctum Augustinum, unumque aut alterum de Græcis, ut Gregorium Nazianzenum, & Basilium; Chryso-
stomi,

stomi, Ambrosii, Theophyli & Cyrilli Alexandrini, Epiphanii, imo Hieronymi, perpetuò inter se jurgantes, tum factionibus scissi & superbiâ tumentes, Christianismum evertissent, saltem corrupissent, nisi in aliquem ordinem compulsi fuissent à Constantinis, Theodosiis, Martianis & Valentinianis. Ad ulteriora & sequiora tempora, imo nostra non descendo longé feraciora argumentorum, cum pro improbitate, savitia & arrogantia cleri, tum pro iniquiore ejus judicio, quam foret laicorum. Sed vereor ne sequaci materiæ committere, quæ me longius duceret & tua etia moraretur.

S. 4

Longé

LIX.

Longé Illustri Viro,

DOMINO

HUMFFREDO VINCÆO
BARONETTO,*Et Senatori Anglo.*

Hic liber, Vir Amplissime quem iudicio tuo submitto, etli innovato cultu præferat speciem novitatis, non est tamen tibi novus, nec peregrinus, sed pridem notus: siquidem mea Parænesis, quæ prodiit antè quindecim annos & quæ tibi complacita est, introductio esset ad hanc novam rationem; illa, quæ omnem Potestatem Ecclesiasticam diruebat secum traheret hanc opellam (quæ nunc demum prodit,) hoc est ruinam & excidium Imperii Papalis totiusque apparatus Romanensis, Religionis & missæ. Namque semel avulsâ per nostram Parænesim altè imbibitâ ex animis Regum Principum, Pontificiorum, Protestantium, sacri & laici ordinis opinione de potestate Ecclesiastica seu de Judicibus, curiis, legibus, & foro seorsim habendis, vix quicquam habet quod agat nostra nova Ratio, dum docet hoc fuco Potestatis deteriso & hâc larvâ Papæ ereptâ, Reges & Principes non diu laturos in suis territoriiis

ritoriis consortem (an Dominum) imperii
juxta cum suo, terreni; atque illo Papali
imperio abacto, & diruto, unâ ruinâ obtri-
tum iri totum Romanensem apparatus, cui
omnis authoritas, omnis gratia accedit ab illo
imperio pompâ illustri & auro radiante, &
tandiu duraturo & mansuro, quoad fucatum
est, (nec fucus intelligitur) vocabulis Eccle-
siastici & Spiritualis. Cæterum hoc conspe-
ctu dato totius operis nostri, mirum ni te
exolvo labore totum evolvendi, & eo nomi-
ne te demereor; eò tibi acceptior si nullas
laudes in tuum caput aspergo, multò minus
promiscuas, quibus magni viri & te totum re-
ferentes non sunt vulgandi. Vale illius memor
quem olim in gregem amicorum recepisti.

Ad

*Ad virum apprimè reuerendum, Pa-
storem Ecclesiæ Gallicæ quæ est
Roterodami.*

Cum gratuler mihi, Clarissime & Doctis-
sime Rupeforti de familiaritate quam tu
Vir eruditione, facundiâ, ingenio, & quod ca-
pat est pietate longè præstans, mecum habe-
re dignaris, meque in gregem amicorum
tuorum recipere; tum maximè gloriæ tuo
iudicio (ut indicat narratio quam facis de
Labadia, in quo nec omnia damnas nec om-
nia probas) nullis præjudiciis, nullâ sua cui-
que utilitate aut exæcato aut abrepto; quo
magis in spem venio fore ut totus meæ novæ
Rationis complexus, consilium & ratio tibi
arrideant. Nam si de homine ascripto ab ini-
micis gregi fanaticorum & lucumonum, &
ut volunt, horrendo monstro, scædo; hære-
tico, elogiisque dehonestato, quæ potuit splen-
dida bilis suggerere, tu tamen seposito omni
affectu aut odii aut amoris æquius iudicas &
pronuncias, ut de viro bono, Sancto & or-
thodoxo, sed qui ut pluribus virtutibus, ita
multis vitiis abundet, ut cum non solum acrius
aliorum vitia insectatur; se verò, suamque
sanctitatem in majus tollit, eoque incommo-
dius quod in ore proprio omnis laus sordescat,
sed & arripit diversam ab aliis sententiam aut
sectam

sectam in instituto aut vitæ aut disciplinæ; atque sibi Ecclesiam separatim inconsideratius fabricat. Hæc inquam si sunt tua iudicia de Labadia, hæc me spe, imo fiduciâ sustento, futurum, ut me qui nunquam quemquam nec scriptis nec verbo læsi, vitia non homines insectatus sum, qui nec ab eo à doctrina, & fide, imo ne disciplina quam Pastores in Gallia aut Belgio iubent, commendant & sequuntur, vindices, contra illos qui me iisdem coloribus, hoc est foedis quibus labadiam, imo atriori carbone depingunt; flagrum Ecclesiæ vocant, & ut everforem omnis ordinis Ecclesiastici, saltem decurtatorem Potestatis quam volunt Deum in Ministros suos contulisse exagitant, sugillant, proscindunt, sed tui iudicii facio an debuerit sic tractari qui in ea sententia est quam hic subjungam.

1. Non aliam, aut in mundo, aut in orbe Christiano, rerumque natura dari potestatem Ecclesiasticam, atque fuit Domini Jesu & Apostolorum, quæ per prædicationem verbi agit in volentes, saltem de nolentibus volentes præstat & efficit; atque intellectum cognitione veri illustrat, voluntatem verò flectit ad electionem boni, ad fidem, poenitentiam, timorem Dei & amorem proximi, atque ad hanc potestatem pertinere claves regni cælorum & potestatem ligandi & solvendi, tum munus Episcopi, Pastoris, Ministri Christi & dispensatoris verbi Divini.

2. Nec aliam rationem formalem Ecclesiæ dari præterquam particularis seu Parochialis

lis seu congregationalis, constantis uno aut pluribus Pastoribus æqualis authoritatis & tot Christianis quam commodè in unum locum convenire possunt ad auditionem verbi & participanda Sacramenta.

3. Cæterum extra illam Ecclesiæ coitionem coetum hominum, quem Synodum aut consistorium vocant conflatum ex Pastoribus & delegatis populi, quandoque ex capitibus familiarum ad ordinandas res Ecclesiæ, Canones condendos, censuras decernendas, tam esse coetum politicum & civile quam foret Magistratum, mercatorum, fabrorum, medicorum, quorum definitionibus constitutionibus legibus imperatis, jussis nec vis nec authoritas accedit à veritate, justitia aut bonitate decretorum, sed à voluntate decernentium, aut majori numero.

4. Secundum quod inficetè & absurdè & præter rei veritatem deputatos ex corpore Ecclesiæ ad Consistoria & Synodos vocari Pastores secundi generis, viros Ecclesiasticos & Seniores seu laico Presbyteros, quibus altera de clavibus regni cælorum quæ est regiminis tradita est; neque enim Dominus Jesus instituit duo genera Pastorum, quorum uni Doctrinæ, alteri regiminis clavis concredita est, sed neque Ecclesiam particularem, cum eligit de suo corpore seniores, id agere quatenus est Ecclesia aut coetus Christianorum & fidelium, sed quatenus est corpus politicum constans capitibus liberis communi jure gaudentibus: cum enim major pars suffragiorum

rum eligat eum qui allegari debet ad Synodum, tam absurdé diceretur plebs Christiana quâ Christiana deputasse seniore ad Synodum, quam medicum ædificare domum quâ medicum.

Quocirca licet fit optimus usus seniorum illorum seu deputatorum à populo, tamen tantum abest ut in Synodis stationem sustineant Ministrorum Christi in quorum manus tradita est altera clavis, quam volunt esse regiminis; ut nequidem Ministri & Pastores Evangelici virtute clavium leges condant, censuras decernant, sed ut libera capita quæ de jure communi suas res dispungunt, quod jus commune, & quem ordinem, ut non adhubent, Academici, Mercatores, Medici, fabri in suum quique coetum coacti pro potestate sua Academica, fabrilis, medica, mercatoria, sic nec putandum Pastores in Synodum coactos Canones & leges ferre per potestatem suam Ecclesiasticam & virtute clavium.

Atque hisce quatuor Corollariis, nam plura attexo Epistolâ 54. semel intellectis, probatis & arreptis, ubique statim confident & concident omnes controversiæ de potestate Papæ, Pastorum, Synodorum, de excommunicatione, de imperio summarum potestatum circa sacra, saltem minimo negotio enodabuntur; ruet Papa totusque apparatus missaticus, tum Ecclesiæ & Religionis Romanæ, & hæc & illa in auras dissipabitur: Hierarchici amice coalescent cum vindicibus scripturæ.

Pastor

Pastorum ; Presbyteriani cum independentibus, vestri Pastores in Belgio cum Magistratibus pene jam seculum integrum inter se, his pro libertate illis pro imperio decertantibus ; quorum singuli quanquam aliquam habeant viciniam veri & falli ; non est sperandum unquam ut in concordiam confluant & coeant, quamdiu quique sunt *idiotæ & rudes*, suisque, certisque ac destinatis sententiis addicti, nec volunt tantillum abire à suo rigore, ut adducantur ad aliquod temperamentum, quale est quod nostræ hypotheses præbent, & quibus insistit, cum nostra Parænesis, & noster Papa Ultrajectinus, tum hæc nostra nova ratio quam publici juris facimus : nam certum est Independentēs propius accedere ad primævam praxim, atque unamquamque Ecclesiam esse particularem ; nationalem verò merum esse corpus Politicum cæterum tam singulas Ecclesias seu Parochiales seu congregationales quam singulos Pastores æquales esse auctoritate, nec hos nec illos per deputatos suos in Synodo alia auctoritate præditos esse quàm Pastores Christianos & fideles quam suadendi, nec aliud decretum jubendi aliudque anathema intorquendi quam illud Apostolicum, *Act. 15. probe vestris rebus consulitis si hoc facitis.* Namque canon Apostolicus, lex Evangelica, lex Spiritus prius agit in animum quam corpus ad obsequium trahat. Si quæ vis adhibetur per depolationem aut excommunicationem, illa est ordinis humani vel assumpti, per communem consensum disciplinam-

namque confederatam, quæ Magistratu non curante aut non attendente ad res Ecclesiæ, locum supplet Magistratûs, vel delegati ab ipse summo Magistratu amico & benevolo. Secundum quæ præses in Synodo non est Minister Christi, sed vel confederatæ disciplinæ, vel Magistratûs. Nec excommunicationem admitto præter eam quæ est à coetu, & lex est seu Magistratus seu confederatæ disciplinæ, tum Pastor aut fidelis non tam improbum arceat à se, quam ipse se ab eo arceat: cum quo communicare non video quicquam accrescere damni bonis, imo nec majoris improbo communicanti, quam omnem communionem aspernanti. Par est fidum Pastorem jubere singulos ut suam conscientiam excutiant & interrogent, judicentque ut jubet Apostolus, ne imparati & impenitentes ad sacra accedant: sed nullo jure Divino video obligari Pastorem, aut quemquam de plebe Christiana non communicare cum improbo se ingerente aut irrumpente ad Communionem. Notanda sunt verba Augustini ad Vincentium Epist. 48. *Manifestum est non communicari justos, alienis peccatis, quando cum eis Sacramenta Communicant, &c.* venerandi Bozæ Epist. 2. ad Thomam Tiliam, *ut ritè accedamus ad cœnam, non est servandum mihi, quâ quisque conscientia ad eam mecum accedat, sed de mea ipsius conscientia laborandum est, itaque & cum adulteris & cum homicidis, & cum sceleratissimis quibusvis, modo nullâ mea culpâ tales sint, si ad cœnam castus & sceleris purus*

pius accessero, nihil illorum impuritas mihi nocuerit & quod de moribus dico etiam de doctrina dico, &c. In eadem est sententia Joh. Gerardus Vossius in Thesibus suis Historico Theologicis.

Non dubito quin viri intelligentes harum rerum modò nullis præjudiciis obnubilentur eadem atque ego sentiunt de excommunicatione, imo de tota Ratione cui hæc oppella innititur. Exemplo sint mihi Pastores Diepenses, ad quos cum ante 14. annos misissem meam Parænesim, statim ad tantam veritatem quam nunc strictim apud te attingo convicti fuerunt de futilitate potestatis Ecclesiasticæ ejusque progagine, excommunicatione: nulli dubitantes quin, per eam scalam conscenderit Papa ad id culminis quod nunc infidet: atque eatenus implevisse mysterium iniquitatis, imo illam Potestatem Ecclesiasticam verum esse mysterium iniquitatis. Namque Vauquelinus sine mora literis ad D. Cognardum Londini agentem scripsit, *que usqu'a ce qu'on remette sus pied par de plus forts arguments l'excommunication, il croira que ce n'est qu'une invention humaine.* Alter is erat Falcemburgius tantum abest ut crederet per meam Parænesim subverti aut infirmari disciplinam nostrarum Ecclesiarum, ut contra obfirmatè pronunciaverit per eam in solido locari.

Tant s'en faut (verba sunt ejus ad suos symmystas & ad me) *que vos hypotheses de la Paranese ruinent la discipline de nos Eglises, qu'il n'est rien qui l'affermisse davantage, la posant*

posant sur ses vrais & naturels fondemens, & longé plures, præter omnem laicorum nationem virorum illustrium & Doctorum, quorum agmen ducit Henricus Justellus, significarunt mihi, per meas hypothesas nihil decidi de authoritate Pastorum, nec quicquam de vigore disciplinæ Ecclesiarum seu in Gallia seu in Belgio accidi, at inde hoc emolumentum accedere ut fiat controversiarum cempendium; ruat Papa uno pene ictu, nisu & impulsu, & eâdem ruinâ involvatur, cum Ecclesia, tum Religio Romana; quocirca rogo obnixé, Vir magne & amicissime, tuam humanitatem, ut priusquam tu & ego ex hac vita discedamus, hæc duo aut tria mihi effecta reddas.

Primum est ut si quid peccatum est, vel in universo totoque meæ novæ Rationis, complexu & consilio, vel in partibus, id tam candidé proferas, mihi quæ per literas significas quam judicasti de Labadia; cum tamen vix reformidem fore ut aliquid uspiam desideres, usque adeo hosce viginti annos rem concoxerim, & quod animo præsumpsi culpari posse, vel in nova nostra Ratione, vel in hypothesibus quibus superstruitur, correxerim.

Secundum est, ut si novam nostram Rationem probas, aliis velis laudare & commendare, non authoris nomine, suæ tenuitatis conscii, sed rei quam aggreditur, cujus momentum cum sit detectio & ruina mysterii iniquitatis (quod est imperium Papæ terrenum per omne nefas & occupatum & habitum in Reges & nationes; sed ne iniquitas hæc dis-

T

paleſcat

paleſcat vocabulis Eccleſiaſtici & Spiritualis ſucatum ; in quo ſuco Myſterium conſiſtit) planè imbibì longè præcipuum eſſe ſecundum Myſterium pietatis.

Tertium quod te rogem eſt, ut velis apud tibi & mihi perinde notum charum caput , à capite meo depellere invidiam & odium turbonis & flagri Eccleſiarum noſtrarum , per quod vileſcit ſacrum Miniſterium ; tum Paſtores Evangelici ad infima ſubſellia detruduntur , omnique authoritate exuuntur ; tum claves regni cœlorum in manus Magiſtratûs & Regum traduntur : quæ quidem à malevolis inſtillata ſunt chariſſimis capitibus & quæ longiſſimè abeunt à mea ſententia , illiusque quî contra dolet in reformatione , verbi Divini Miniſtros, paſſos capite diminui à Magiſtratu & libertate civica exui , quam ſub lege ſacerdotes æquam habebant cum Principibus populi in regimine Reipublicæ & regni ; & cum jus humanum juri Divino innitatur , cujus cuſtos eſt gens ſacra , per ſummam injuriam depelli à liminibus ſacri Conſiſtorii Magiſtratum & Regum : unde arrepta eſt occaſio à ſacro illo ordine ad vindictam & ultionem ſibi fabricandi ſeorſim imperium & poteſtatem chimericam : quique tantum abeſt ut tradat claves regni cœlorum in manus Magiſtratûs , ut contra perneget ſummum Magiſtratum eſſe caput , rectorem & gubernatorem Eccleſiæ , niſi quatenus Eccleſia eſt corpus politicum : denique qui cenſet , quantò peritiores ſunt Paſtores juris Divini quam viri laici , tantò

(291)

tantò æquius fore ut soli admoveantur regi-
mini Ecclesiæ, & his solis Synodi consent :
quanquam, id arctè semper tenet, urget, in-
culcat illorum Synodum tam esse cœrum Po-
liticum, quam foret cœtus Magistratum, nec
ius dicere virtute functionis sacræ, sed juris
communis & propter maiorem peritiam re-
rum Theologicarum. Certè, si Magistratus
in cœtum cogeret peritiores Mathematicos,
Architectos & fabros; qui leges fingerent ædi-
ficatoribus destinatis urbi condendæ; non in-
de conficitur hosce leges tulisse per potestatem,
Mathematicam, Architectonicam & fabrilem;
par Ratio est Theologorum coactorum in Sy-
nodum, puta Dordracenam, quos & infice-
rè & absurde quis diceret leges aut Canones
condidisse, tulisse & sanxisse per potestatem
Ecclesiasticam.

T 2

Reve-

LXI.

Reverendo & Doctissimo Viro,

DOMINO

LUDOVICO de VOLZOGEN,

Verbi Dei Ministro, & Professori Historiæ Ecclesiasticæ, Ulirajedi.

Cum Vir Clarissime, in extremis capitis septimi hujus opellæ data esset occasio te allegandi, hanc inde arripui & illam subjiciendi tuo judicio, quod conjicio non tantum esse acerrimum multâque eruditione excultum ex lectione tuæ orationis inauguralis, sed & nullo præjudicio excæcatum esse ex illa opera, quam pro tua humanitate non ita pridem mihi navasti in negotio, quod pugnat cum sua cuique utilitate amoreque imperii, quibus vester sacer ordo solet duci & inescari; quo magis in spem venio futurum, tum ut nova nostra ratio tibi probetur, tum me vindices contra crimina quibus postulant me vestratium nonnulli, quasi per me apud vos sacrum ministerium vilesceret & disciplinæ Ecclesiasticæ nervi succiderentur; ipsi verò, viri reverendi de ordine Ecclesiastico ad inferiora, imò infima subsellia detruderentur; à quo crimine ut me expurges, te etiam atque etiam rogo. Vale,

Orna

LXII.

Ornatissimo & Generoso Viro,
 DOMINO
 CAROLO VERMUYDEN,

Medicinæ Doctōri.

ET tibi duplici nomine, & amici & Medici, debetur locus inter eos quibus nostram novam Rationem placere cupio: amici quidem propter illam necessitudinem & amicitiam quam mecum tam familiariter colis, & quæ à tua virtute cœpit, verum usu & consuetudine morumque conspiratione invaluit: at Medici, in quem doceo luce meridiana clarius Epistolâ quinquagesimâ secundâ cadere æquius iudicium de re quam tracto, aut quavis quæ in disceptationem venit inter ipsos mystas & Theologos, quam in quemquam de gente sacra: quocirca quæ ibi fusius expono, tibi dicta esse puta, & te properum & assurgentem honesto impetu ad præclara quæque & te digna amantem redama: plurimum. Vale.

LXIII.

Longé Illustri Viro,

DOMINO

CAROLO OUSELEY
BARONETTO.

INtelligo à tui nominis Maximo cultore, non debuisse me inter illustres, quos opella mea lectores & iudices, mihi deponco, & quibus maxime cupio nostram novam Rationem probari, præterire Te, solide, doctè & egregiè gnarum & intelligentem illarum rerum quas tracto, tum strenuum vindicem libertatis conscientiæ; adeoque optimum iudicem de quavis controversia, seu de fide, seu de regimine Ecclesiæ; illâ imprimis quæ attinet rationem expeditissimam per quam concordēs in una fide, sed sensibus in modo aut cultûs aut regiminis Ecclesiastici, à se invicem abeuntes, pacem inter se colant; iudicio tanto defœcatori, quod in illâ statione tuâ, viri de laica natione, generosi, eruditi, probi, pii, nullius togæ aut Ecclesiasticæ aut civilis fulgore & commodis impediti & excæcati, tibi, studiisque tuis sacris & humanioribus potius in seducto, quam in luce hominum, vivas, adeoque minimè omnium hominum sis veneno suæ cuique utilitatis, studiique

par-

partium aut excæcatus, aut à vero & recto abreptus: nam in ea sum sententia, nunquam futurum ut de ordine Ecclesiastico viri, quandiu sub præmio aut lucri aut imperii rem faciunt Divinam & Theologica tractant, se sistant idoneos judices de suo jure, imperio, Dianaque unde vivunt, & rem suam seu familiarem, seu culinariam augment; tum qui quatuor aut quinque opimis sacerdotiis dives est, pronunciet decimas esse juris humani, & peccare eum contra jus Divinum qui simul tot beneficia possidet; aut qui pronior est in Arminianismum, candidè dicat quis sit sensus Ecclesiæ Anglicanæ circa illas controversias, in quibus Arminiani abeunt à cæteris reformatis, aut qui iniquior est in Puritanos, non sibi adoptet ejusmodi dogmata, Papam alium esse ab Antichristo, & Episcopatum esse juris Divini, quibus ægre putat facere Puritanis; ut jam non dubitem pronunciare magis à te (nisi Medicus paria tecum faciat) & tuæ fortis viris expectandum de hisce æquum judicium, quam à sacri ordinis hominibus, ob eas potissimum causas quæ retuli Epistola 52. & 58. sed plura addere non patitur Typographus.

T 4

Viro

LXIV.

Viro Longé Illustri,

DOMINO

NICHOLAO CARY,

Baronetto & Senatori Anglo.

NON eâ gratiâ, Vir Amplissime, te judicem & lectorem meæ novæ Rationis exposco, ut captem benevolentiam viri, aut florentis fortunæ, aut magnæ authoritatis & existimationis, atque ingenio, virtute, eruditione, rerum usu & facundiâ cumulatissimè instructi; tum de Rege, regno, & illo hominum ordine qui in Anglia pietatem præter cæteras habent præcipuam, bene meriti; quem ego in seducto vivens nec de facie novi, nec unquam forsan visurus sum, sed qualem viri boni te prædicant & exscribunt, probum, apertum, simplicem, nihil ad ostentationem, omnia ad conscientiam referentem, adeoque vel nullo subsidio accedente à tua penitiori omnis Divini humanique juris cognitione, tantò æquiores futurum judicem; tum commodorum quæ ex nostrâ nova ratione accedent orbi Christiano, tum facilitatis ejus expediendæ: unde spei plenus sum futurum, ut etiam furtivis oculis conspecta à te statim intelligatur, mox intellecta probetur, & tandem

tandem probata arripiatur, quoad per te, se
ulterius diffundente rationis nostræ utilitate,
ejus auditus occupet, animos & aures eorum
per quos stat quominus ad effectum perducatur.

Illu.

LXV.

Longè Illustri & Amplissimi Viro,

D O M I N O

ROBERTO WORSELEY,

Baronetto & Senatori.

Submonitus Vir Amplissime, à viro amicissimo tua sensa longissimè abire, cum ab Ecclesiæ Romanæ dogmatibus, tum maximè ab illa injusta vendicatione & occupatione imperii Papalis in Reges & nationes, adeoque ad tuum, si cuiquam, judicium pertinere quod molimur hac nostrâ opellâ, per detectionem unius imprimis fraudis, quâ solâ patefactâ, & Papæ imperium, & totus Romanensis Ecclesiæ & Religionis, missaticusque apparatus unâ ruinâ, sine sanguine & armis concidere debet: Ratione sanè & novâ & compendiarîâ, nec à quoquam quod sciam, aut trita, aut tentata, excitatum me sensi ad illam Rationem tuo judicio subjiendam, ut si à te probatur & arripitur, quod futurum confido, aliis permotis & pervictis exemplo & suasu viri ubique magni, ingenii & judicii acerrimi, decoræ cunctationis, antiquæ severitatis, eruditionis non vulgaris, tum maximæ inter allegatos ad Parlamentum Senatores auctoritatis, arrideat quod Tuo judicio comprobatum fuerit.

Illu-

LXVL

Illustri Viro,

DOMINO

THOMÆ OVERBURY,

Equiti Amato.

Cum Illustrē nomen Overburiorum, multum in Historia per Te perennet, omni genere virtutum, eruditionis, prudentiæ, pietatis & ingenii cultissimum, introrsum & extrorsum beatum, tecum habitantem imo viventem, nec ut sis beatus ex aliorum aut fortunis aut judiciis pendentem; patere ut tantum virum colere, diligere, imò amare pergā, studio tantò arctiore, & in quo maxime gloriōr quod expertus fuerim mea sensa in omnibus quæ scribo cum tuis concordare, ut jam rogandus sis, ut in lectione nostræ opellæ induas vultum severiorem, ne plus amorī quam iudicio indulgendo, mollius de toto rei complexu pronuncies,

Longé

LXVII.

Longé Nobili & Illustri Viro,

DOMINO

JOHANNI ab HEVERBEK
P R Z E R Z E C K I,*Amplissimis Legationibus & pulcherrimis
muneribus defuncto, atque etiamnum
defungenti.*

Persæpe animum meum subit recordatio temporis, quo fruebar in Gallia tuâ suavissimâ consuetudine : mirabar in viro nobili popularem humanitatem ; in juvene senilem prudentiam, celerioremq; virtutis & eruditionis cursum quam ætatis ; nam vivens in medio vitiorum, servabas tamen mores incorruptos, vitæque illibatæ disciplinam ; non absimilis piscibus, qui degentes in medio mari nihil trahunt falsuginis : quibus ornamentis, summa tua in Deum pietas & purior Divini cultûs & Religionis professio, ut bractea gemmæ supposita splendorem conciliabant ; quo magis refricare aveo, veterem illam necessitudinem quam mecum habere dignatus es, tuæ dignitatis immemor ; tum flagrantissimè exopto, tuo judicio acerrimo & desœcatissimo subjicere novam meam Rationem, Papam totumque missaticum apparatus subvertendi & diruendi, ut à te semel probatâ

probatâ & arreptâ, compertaque maximæ esse frugis, per te ad plurium notitiâ, approbationem & usum diffundatur. Erit sanè magnum operæ pretium, vel si tibi uni probatur, saltem si testis est observantiæ & charitatis quâ Te colo, exosculor, diligo & amo. Vale.

Nobi-

LXVIII.

Nobilissimo & Illustrissimo ,
 POLONO BARONI
 G O R E S K Y.

SI quisquam est , Vir Nobilissime , qui nec amore , nec odio in partes ductus , neque privatis utilitatibus indulgens , spe aut imperii , aut lucri , recto judicio pronunciet de toto complexu Rationis meæ novæ ; Te potissimum ejus & lectorem & judicem designarem , figerem & requirerem virum , cujus tam latè patet disciplinarum scientia , ars , industria , quam ipsa natura , & qui cum omnibus musis & imprimis scientiarum regina Theologia , pietate , linguis tum Europæis tum Orientalibus commercium habet : Te inquam requirerem idoneum & æquum judicem , quem nec imperium Papale suo fulgore & robore obcæcat , nec suâ potentiâ ditat ; quique in hoc littus ejectus , procul aut à spe opimi beneficii , aut metu à quâquam ferula Ecclesiastica , sibi vivit , suisque Musis , in fectus ducto & alto otio , unde tanquam ex portu & in loco plano , tuto & firmo depositus , prospicit publicam tempestatem , collisionesque Principum & doctorum : quæ reputatio firmavit me in ea opinione neminem in quo-

(303)

quoquam vitæ aut genere aut recessu quam
tuo æquiores futurum iudicem & lecto-
rem; neminem, qui hoc aut ocys debeat,
aut libentius velit pro jure amicitia nostræ.
Vale.

Ilu-

LXIX.

Illustrissimo & Nobilissimo Viro,

DOMINO

PHILIPPO BARONI
WHARTON de WHARTON.

Nihil decedit, Nobilissime Baro, nec viro priscæ Nobilitatis, virtutis & pietatis, nec observantiæ quâ Te colo & revereor: si quem debui collocare inter primos & primores regni, quibus flagrantissimè cupio nostram novam Rationem placere, nunc pono in extremis, proximum sacri Imperii Electori; & juxta rogo, ut non solum meæ opellæ velis esse lector & judex, sed &, si à te probatur, probata arripitur, laudatur, commendaturve, ut Ratio maximæ frugis, & cujus sunt faciles explicatus, ejus authorem favore vindicis, defensoris & Mecænatis tue-ri & complecti digneris.

Illu-

Serenissimo & Celsissimo
Principi,

CAROLO LUDOVICO,

*Dei Gratiâ Comiti Palatino Rheni,
S. R. I. Principi, Electori, &
Archithesaurario, Duci
Bavariae, &c.*

Postquam (Serenissime Prin-
ceps) Ornatissimus Vir An-
tonius Horneck, nuper re-
dux Heidelbergâ in Angliam,
& multus apud Serenissimam
Tuam Celsitudinem, significa-
visset, id se imprimis habuisse
in mandatis, ut authorem, Pa-
raneseos ad Ædificatores impe-
rii in imperio, Londini agen-
tem, moveret; imo permo-
veret, ut relictâ Angliâ se con-
ferret Heidelbergam, ut ibi lau-
tis

tis stipendiis ornatus, publicam
 aliquam professionem quam vel-
 let & eligeret, seu in Medicina,
 seu in Historia, sustineret; de-
 nique quacunque ratione fieret
 pars Illustris Academiae: Post-
 quam, inquam, mihi id signi-
 ficavit Vir humanissimus, de
 potestate mea penè exivi gau-
 dio, non tam propter honorem
 & dignitatem muneris, cui planè
 sum impar, ad quod Serenissima
 Tua Celsitudo me vocat, quam
 quia ex illo affectu Tuæ Celsi-
 tudinis in me, conjicio, imo
 compertum habeo, & eo nomi-
 ne glorior, id quod meâ Paræ-
 nesi, & nunc maximè hac op-
 pellâ molior planè concordare
 cum sensibus Tuæ Celsitudinis:
 nam & aperte mihi dixit Hor-
 neckius totam Rationem meâ
 Paranesceos Tuæ Celsitudini sem-
 per

(307)

per placuisse: atque inde enatum, in ejus authorem, studium; & cui sanè nunc responderet, nisi obstarent, cum aliquot domesticæ rationes, tum fera ætas, quæ quotidie eum admonet, potius de discessu ex hac vita, quam de profectioe ex Anglia in Germaniam: quæ excusatio, tum officium gratitudinis meæ propter honorem, quo me Tua Celsitudo dignata est, testandæ, sunt quidem causa hujus scriptionis ad Tuam Celsitudinem, sed non potissima; ut est significatio, quanto desiderio tenear, ut, si cuiquam Principum & Dynastarum mundi, Tibi, secundum Potentissimum orbis Britannici Monarcham, probetur nova nostra Ratio, Papam ejusque imperium evertendi, & unâ eademque ruinâ, Religionem Ro-

U 2

ma-

manentem, totumque missaticum apparatus pessumdandi. Cum enim mea Parænesis, levis tantum esset velitatio: nec nisi obliquè & per latus Potestatis Ecclesiasticæ (quam nostra Parænesis subruit) Papam, aut feriret, aut vulneraret; hæc nova nostra Ratio, mole quidem minor, sed viribus longè major, armis utitur decretoriis & jugulum petentibus, atque uno pene ictu & vix repetito, Papæ, ejus imperio, & toti Romanensi, seu Religioni seu Ecclesiæ, vitam eripit. Verum quidem est per ruinam Potestatis Ecclesiasticæ, quam ex animis hominum nostra Parænesis evellit, etiam nullâ factâ mentione Papæ, ut nec Religionis aut Ecclesiæ Romanæ, has & illum quadam consecutione everti & ad terram dari

ri

ri: sed cum id non moliatur (quod nunc præstat nostra nova Ratio) resecta facie, Ecce nunc, Serenissime Princeps, prodeco in medium, non cataphractus, non circumquaque, imo ne galeâ, tectus, neque gladio, sarissâ & lanceâ, sed solâ Davidis fundâ armatus, contra alterum Goliath: atque per fundæ marsupio exceptum filicem, & uno ictu conjectum & adactum in Papam, ad terram sternò, vulnerans eum ea parte, in qua solum est penetrabilis & mortalis; edico Regibus & mundi Monarchis qui Papæ vestigia lambunt, suâ interesse ut non ulterius ferant in suis territoriis æmulum, imo ne consortem, (aut potius Dominum) sui imperii, qui jam per plura secula imperium terrenum in alieno im-

perio, habuit, tenuit, possedit;
 verum, ne fraus dispalescat, ob-
 tectum & fucatum tectorio voca-
 bulorum Potestatis, seu Jurisdi-
 ctionis Ecclesiasticæ & Spiritua-
 lis. Quocirca, Serenissime Prin-
 cept, Tuam Celsitudinem de-
 stino, figo & sepono ad hanc
 militiam, quâ mundi Dynastas
 tuos æquales qui Papam ador-
 rant tua authoritate tuisque hor-
 tationibus & admonitionibus
 exolvas errore personati & fuca-
 ti illius Imperii seu Potestatis
 Ecclesiasticæ, unde acerbis stimu-
 lis sacrata illa Capita fodiantur &
 excitentur ad jubendum Papam,
 ut Romæ, non in alieno, aut
 imperio aut territorio, suas res
 habeat: Nam semel exolutis
 Principibus & Regibus qui sunt
 Papæ mancipia & instrumenta
 servitutis, illo deliramento Po-
 testatis

testatis Ecclesiasticæ & Excommunicationis; hōc ipso sine armis & sanguine, ruet totus Romanensis complexus, & Ecclesiæ & Religionis, postquam illi nulla amplius aut gratia, aut authoritas accedet ab illo scenico Rege, imperioque Papali personato, suo robore, Divitiis & pompâ Illustri; à quo vilia, futilia & pretiosa, aurum, fimus, cœnum & palea, ut à sole aliquo illustrante pariter fulgent & nitescunt. Accedet illud grande commodum, quod Papâ, ejus Religione & Ecclesiâ concidentibus unâ ruinâ, ad casum Potestatis Ecclesiasticæ, exolventur Tui Theologi & Doctores labore in orbem actō desudandi totâ vitâ circa confutanda vacui capitis deliramenta, ut sunt Transubstantiatio, Purgatorium,

rium , cultus Imaginum & ejusmodi sardi venales , & cui pistrino Plauti volvendo perpetuò insudabit gens sacra , quoad futilitate suæ potestatis Ecclesiasticæ liberetur ; quam quidem tunicam , ut est amor retinendi imperii , & quæ , ut ait Tacitus , primo induitur & ultimò exuitur , despero fore ut ordo Ecclesiasticus , cujuscunque tandem sit Religionis , deponat ; multò minus unquam adducatur ut admittat id in quo imprimis pono cardinem & arcem causæ , nempe mysterium iniquitatis , de quo St. Paulus 2 Thessal. cap. 2. duabus partibus constare : *Iniquitate* quidem , per quam jam tempore Pauli & deinceps per plura secula ordo Ecclesiasticus , mox Papa , ædificavit imperium terrenum in alieno imperio jux-

ta

ta terreno: at *mysterio*, quando hic & ille juxta illud imperium fucaverunt & incrustaverunt vocabulis Potestatis Ecclesiasticæ & Spiritualis, ne iniquitas imperii dispalesceret: Cum ergo desperem futurum unquam, ut per gentem sacram patefiat vera natura *mysterii* iniquitatis, adeoque per eam ruat iniquitas imperii Papalis, per ruinam *mysterii* quo obducitur, quandiu gens illa sacra excæcata est præjudiciis & amore suæ Potestatis perperam dictæ Ecclesiasticæ, paria in multis facientis cum Papali; omnis spes quo me sustento fore ut Papa eadem ruinâ, quâ potestas Ecclesiastica, ruat, sita est secundum Deum in Regibus, Principibus & Magistratibus qui jam Papæ jugum excusserunt. Te imprimis, cui novæ nostræ
Ratio-

Rationis expediendæ ratio & facilitas constat. Te, inquam harum rerum quas tracto egregiè gnaro, omnisque Divini, humanique juris peritissimo, omniumque penè disciplinarum & scientiarum, quibus non sufficit otium privatorum, cognitione excultissimo: quem non obcecat imperium Papale suo fulgore & robore, nec suâ pecuniâ ditat: quique extra cujusquam ferulæ Ecclesiasticæ metum submotus secum habitat, sui potens, suorum populorum Patrens & delicia: Cujus auctoritate, si cujusquam, permoverentur, non tantum Reges & Principes ad excutiendum Papæ jugum per novam Rationem quam trado illis, sed & tui Theologi perducerentur ad illam arripientiam, atque aliis extra Palati-

natum

natum Collegis & Symmystis
probandam & commendandam.
Deus faciat Tuam Celsitudinem
tam boni operis instrumentum,
& omni benedictionum genere
cumulet.

Sed antequam finio, liceat mi-
hi Serenissimam Tuam Celsitu-
dinem de duobus interpellare :
Unum est, cum non potuerit hu-
jus operis author suam præsen-
tiam à Tua Celsitudine requisi-
tam exhibere, seque tibi sistere,
eam humillimè rogare, ut quam
gratiam, quem favorem auctori
destinabas, in ejus partem velis
conferre; interponendo auctori-
tatem Tuæ Celsitudinis, ut mul-
tò ornatius & majori volumine
lucem aspiciat. Namque cum
hæc dissertatio offendens totum
pene clerum, Inon sustinentem
sine querela corporis sui ægram
partem

partem tangi, non potuerit nisi clam & furtim, atque extra inquisitorum notitiam excudi, factum est ut multæ labes huic libro aspersæ fuerint, nec forma grandior, Character luculentior, nec editio emendatior respondeant dignitati argumenti.

Porro (atque id alterum est de quo debui submonere Tuam Celsitudinem) quod in Catalogo virorum omnis pene ordinis quibus impensè cupio novam nostram Rationem probari, non posuerim Serenissimam Tuam Celsitudinem, primo loco post Epistolam Dedicatoriam ad Potentissimum Monarcham; factum est, quia demum & cum jam præcedentes Epistolæ typis essent excusæ, submonuit me Vir amicissimus Antonius Horneckius de Tuæ Celsitudinis in nos studio, unde

unde mihi necessitas imposita est
illi mea obsequia deferendi ;
meamque novam Rationem, mé-
que commendandi ; quocirca
æquum est Tuam Celsitudinem,
seu necessitatem, seu casum, in
consilium vertere, quasi sciens,
prudens, & optima mente desi-
gnaverim agmen omnium duci
à Potentissimo Rege, at claudi
à Maximo Principe.

ER-

ERRATA.

INITIO LIBRI.

Pag. 7. lin. 7. lege proficeret.
Pag. 20. lin. 5. Lege ut sequitur.

52. *Danieli Russello.*
53. *Petro Brocasio.*
54. *D. Mettayeria.*
55. *Matthæo de la Roque.*
56. *Johanni Coco.*
57. *Marco Antonio Bastizias.*
58. *Guill. Moricio.*
59. *Humfredo Vincæo.*
60. *D. Rochesfort.*
61. *Ludovico de Volzogen.*
62. *Carolo Vermuyden.*
63. *Carolo Onseley.*
64. *Nicholao Cary.*
65. *Roberto Worseley.*
66. *Thomæ Overbury.*
67. *Johanni ab Heverbek.*
68. *Baroni Goreski.*
69. *Baroni Wharton.*
70. *Principi Palatino Rheni.*

In